



Cash 26,38

# TRACTATVS,

In quo examinantur, & soluuntur  
iuxta varietatem sententiarum,  
probabilium omnia, quæ spe-  
ctant ad Cometas; in quo agi-  
tur præsertim de eo, qui cæpit  
obseruari hic circa medium  
mensis Decembris Anni 1664,

COMPOSITVS

A PATRE D. IOANNE DOMINICO  
ROCCAMORA

ABBATE SILVESTRINO,


Lectore iam Philosophiæ, & Theolo-  
giæ; nunc autem in Vniuersitate Ro-  
manæ Sapientiæ publico, & ordina-  
rio Mathematicæ Professore,



R O M A E,  
Apud Successorem Mascardi, 1670.

---

*Superiorum permissa.*







ILLVSTRISS. DOMINIS  
**SACRI CONSIST.**  
**ADVOCATIS**

IOANNES DOMINIGVS ROCCAMORA  
PAVSTITATEM.



*ON poterat ena-  
sci partus hic  
sub benigniori-  
bus aspectibus ;  
quam vestris ; ut Cometa-  
rum , qui hunc non benigno  
† 2 aspi-*

aspicerent, qui in hunc mali-  
gne influerent, influxus, &  
aspectus pravi eneruarentur.  
Sua habet Cælum littera-  
rium nostrum Sydera, quæ  
non minus illud ornant,  
quam illustant; quæ splen-  
dido coronamento non minus  
illud cingunt, & coronant,  
quam materiale Cælum cin-  
git, & coronat suis Signis,  
& Constellationibus Zodia-  
cus; quæ ut vigiles Sapientiæ  
Oculi pro hac inuigilant; ut  
cuncta respiciendo, & pro-  
spiciendo commendationis de-  
crementis opportunè consu-  
lant, ac tantæ Vniuersitatis  
gloria sedulò intendentes ma-  
gis augmenta æstimationis;  
✠

Et laudis incrementa in dies  
promoucant. Sub horum  
ego Syderum aspectibus cura-  
ui enasci primum hunc meo-  
rum laborum partum; ut  
additione tot influxuum ge-  
nituram eius secundantium  
aggerarem illi faustitatem:  
Benignè ut semper ergo in-  
fluant; dum ego in lucem  
prodeuntem partum vestris  
beneficentissimis aspectibus ex-  
pono, Et in vestris mani-  
bus, ut pignus obse-  
quentis animi re-  
pono.





## AD LECTOREM



PRODIISSET ò mi  
Lector Tractatus  
hic in lucem ;  
dum in hanc pro-  
diere Discursus  
Astronomici , qui lumini Co-  
metæ vltimi subfusco lumen  
ad-



addidere; vt magis illucesce-  
ret, & nobis magis innotesce-  
ret; si non vitassent præscripta  
illius, cuius ipsis nutibus pa-  
rendum erat. Nunc quando,  
iussa relaxando, benignè vota  
secundant indulgentiæ, vm-  
bram ijs, quibus mundus plau-  
sit, addo, & noctem explico;  
vt Cometæ, de quibus in hoc  
ago, bene internoscantur.  
Discussa, examinata exactè,  
& accuratè hic habes quæ-  
cumque ad illos tam Elemen-  
tares, quam Cœlestes spe-  
ctant, quæcunque pertinent  
ad vltimum, qui à nobis visus  
fuit. Ex sententijs, quas pro-  
babiles, & stabiliori nixas fun-  
damento existimo, non nisi  
tantum quatuor seligo, & vt  
communiter receptas ab au-  
ctoribus admitto. In qualibet  
ex his difficultates, quas pro-



pono , foluo problematicè di-  
ſcurrens. In plures quaſi in-  
formor , & in aliorum ſenſus  
quaſi immutor ; vt vnicui-  
que abundè ſatiſfaciam . Vbe-  
rem , vt ſpero , inuenies , & ſi  
aliquid in eo nouum validè , vt  
cenſebis credo , probatum . Si  
non tibi arridet ; inueni, da tu  
melioſorem , da tu firmiorem ,  
ſtabiliorem ſolutionem de  
motu Cometarum incompoſi-  
to , incompacto . Certè ſolu-  
tionibus , quæ dantur ab au-  
ctoribus communiter , non ac-  
quieſcit intellectus . Certè  
meus , quo magis illis niteba-  
tur enodare nodum , magis  
innodabatur , & quærens ex-  
plicari implicabatur . Ob id  
excogitaui meam , cui certè  
multi acquieſcere , & vt magis  
perceptibilem , & expeditam ,  
rationi magis conſonam com-  
pro-

probauere . In rationibus ,  
quas affero ad firmandum hoc,  
quod annui, & reliqua , quæ  
examino, ne quæras euiden-  
tiam. Sat est, inquit Aristo-  
teles libr. 1. Meteor. c. 4. quòd  
in his rebus discurremus pro-  
babiliter , & reducamus ad  
possibile, quod dicimus. Beni-  
gnè cuncta , vt soles , reco-  
gnosce, & ostende; quòd  
non malignè; quòd  
non vt Cometa  
respicis.





GO D. Aurelius Ian-  
niculus Procurator  
Generalis Siluestri-  
nae Congregationis  
Reuerendissimo Pa-  
tri D. Siluestro de

Ionantonis Abbati Generali eius-  
dem Congregationis morem ge-  
rens vidi sedulò, ac perlegi li-  
brum, cui titulus, *Tractatus de*  
*Cometis Reuerendissimi Patris*  
*Ioannis Dominici Roccamorae in*  
*Romano Sapientiae Lyceo Ma-*  
*thematicam profitentis, exculta*  
*eruditione refertum, ac tanta*  
*ingenij dexteritate elaboratum;*  
*ut non amplius liuido, vel obnu-*  
*bilo splendore fulgentes infelici*  
*omine incutiant homini timorem*  
*Cometae; sed perspicua semper*  
*luce, tantam animi dulcedinem*  
*influant, ac voluptatem; ut nihil*  
*ad pleniorum illorum doctrinam*  
*sit ultra expetendum. Cumque*  
*nil sit, quod Catholicae fidei non*  
*sapiat pietatem, typis ut edatur*  
*dignum existimo.*

CVM



*V* M iussu Reueren-  
dissimi Patris Io-  
nantonij Abbatis Ge-  
neralis perlegerim  
attentè, atque accu-  
ratè disceptationem,

quam Reuerendissimus Pater  
Abbas Io: Dominicus Roccamo-  
ra de Cometis elucubrauit, non  
modò nihil in ea offendi, quod  
rebus fidei, vel bonis moribus  
officere possit; quin potius quæ-  
stiones, & difficultates, quæ de  
his impressionibus agitari solent,  
tam dilucidè, & præclarè discus-  
sas, & euolutas deprehendi; ut  
in posterum poterit quisque per-  
spicue, & citra omne velum eas  
intueri, cum in proscenio huius  
mundi easdem prodire contigerit.  
Nec non ipse vicissim in sublu-  
stri, & tetro earundem lumine  
lumen sui ingenij effulgere facit,  
& in ominis malignitate, quæ  
solent huiusmodi portenta me-  
tum incutere mortalibus, nomi-  
nis sibi celebritatem immortalem

*parit. Quare nè tantum opus in  
tenebris deliteſcat, lucem illam  
eſſe adhibendam cenſeo, quam  
præclaræ ingeniorum elucubra-  
tiones ex typis mutuari ſolent.  
Romæ die 23. Aprilis 1669.*

*D. Clemens Tonus Abbas, &  
S. Congregationis Indicis Con-  
ſultor.*

---

**D. SILVESTER IONANTONIUS**  
Abbas Generalis Congrega-  
tionis Silueſtrinarum.



*V M Tractatum  
hunc de Cometis à  
Reuerendiſſimo Pa-  
tre D. Io: Domi-  
nico Roccamora  
Theologo, & noſtræ Congre-  
gationis Silueſtrine Abbate  
conſcriptum, Deputati à nobis  
ap-*



approbarint ; utque mandetur  
Typis dignum iudicari, facul-  
tatem concedimus; ut imprima-  
tur; si ijs, ad quos pertinet, ita vi-  
debitur. In cuius fidem &c. Da-  
tum Romæ in Monasterio S.  
Stephani supra Cæcum die 27.  
Aprilis 1669.

D. Silvester Ionantionius Abbas  
Generalis Siluestrinorum ma-  
nu propria .



V M Reuerendissi-  
mus Pater Ioannes  
Dominicus Rocca-  
mora Abbas Silue-  
strinus, & in huius  
Vrbis Studio publico, quod vulgò  
dicitur Sapientia, Professor Ma-  
thematicæ communicasset mihi  
amicè suas de Cometis lucubra-  
tiones, illas perlegi, & singula-  
ri gustu obseruari, quam inge-  
nio-

*niosè multa, & varia, quæ de  
Cometis varij opinantur, per-  
tractans pari in omnibus, dexte-  
ritate doceat sustineri posse singu-  
las ferè opiniones, ut probabiles.*

**Ægidius Franciscus de Cotti-  
gnies Societatis Iesu Mathe-  
maticæ Professor in Collegio  
Romano manu propria.**

---



*VM Tractatum ;  
qui de Cometis in-  
scribitur, à Reue-  
rendissimo Patre  
Io: Dominico Roc-  
camora Abbate Sil-  
uestrino, & in hoc Alma Urbis  
Lyceo Publico Mathematicarum  
Professore elucubratum, mihi  
amicè traditum perlegerim, non  
absque summa mei voluptate  
animaduerti, tam bene varias  
Veterum Auctorum, Neoterico-  
rum-*

*variae opiniones sub probabili  
sententia in unum veluti Physi-  
cum Mathematicum Emporium  
litteratorum beneficio retulif-  
se, tam dilucidè de illis, tam in-  
geniosè pertractasse; ut non  
vulgaris Auctoris ingenij ful-  
gor, & virtutis praestantia  
eniteat. Quare iure merito eum  
Typis consignandum esse censeo;  
sic enim aequè gloria nostri secu-  
li, & utilitati posterorum vide-  
tur consultum.*

*Ego Franciscus Bonifacius de  
Iudicibus.*

---



*PERLEGI Tracta-  
tum de Cometis Re-  
uerendissimi Patris  
Abbatis Ioannis Do-  
minici Roccamora,  
nihilque in eo per-  
legi, quod non scitu verèdignum  
sit; quod perspicacitatem non  
sa-*

*sapiat; quod Philosophicam mode-  
stiam non referat; illam scilicet ,  
qua vel incertissimis haesitabant  
Academici, ne dum in re tam  
ardua, tam sublimi, & à sen-  
sibus nostris tam aliena. In eo  
tamen unum à cunctis desidera-  
ri video, & quidem perquam  
necessarium; hoc est, ut Ty-  
pis publici Iuris fiat. Quare &c.  
Romae, Septimo Kal. Septem-  
bris 1668.*

*Nicolaus Paschalius Vtinensis.*

---



*GO Antonius Oliua  
ex commissione Re-  
uerendissimi Patris  
Magistri S.P.A. per-  
legi praesentem Tra-  
ctatum Reuerendis-  
simi Abbatis Siluestrini P.D. Io:  
Dominici Roccamora de his, quae  
spectant ad Comeram, & in eo,  
tan-*

tantum abest, quòd quidquam  
inuenerim aut fidei Sanctæ Ec-  
clesiæ Catholicæ, aut bonis mo-  
ribus repugnans; ut potius plera-  
que, quæ audacter ab alijs per-  
tractantur, causa religionis silen-  
tio prætermitti ex arte ani-  
maduerterim. Ob id; tum etiam  
ob multiplicem eruditionum ap-  
paratum, & ob uberrimam pro-  
blematicarum argumentationum  
suppeditationem exercendæ scola-  
sticorum ingeniorum curiositati  
aptissimum, ut iudicavi, iudico.





Imprimatur, si videbitur Reuere  
dis. P. Magist. Sac. Pal. Apost.

*I. de Angelis Archiep. Vrbis. V  
cesg.*

---

*Imprimatur :*  
Fr. Hyacinthus Libellus Sac. Pa  
Apost. Mag.

Reuerendissimo Patri, ac Domino  
meo obsequentissimo P. Io: Do-  
minico Roccamora Abbati Sil-  
uestrino, & in Vniuersitate Sa-  
pientiae Romanae Mathematicae  
Professori.



*AXIMA* curiositate  
perlegi, immo deuo-  
raui Libellum Pa-  
ternitatis vestrae Re-  
uerendissimae de Co-  
metis, Modicum

quidem mole, maximum autem  
sensu, & materie. In eo enim  
paucis, sed clavis, & ut ita di-  
cam, pregnantibus verbis, argu-  
mentis & sententijs legitur quic-  
quid tum Antiqui, tum Recen-  
tiores celeberrimi Philosophi,  
Mathematici, & Astronomiae  
Professores sparsim dixere, aut  
dicere possunt. Et, quod magis  
mirandum; dum omnium opinio-  
nes Authorum tam circa mate-  
riam Cometarum, quam circa  
locum, & modum productionis,  
mo-

motuum, durationumque; nec  
non prædictionum, & effectuum  
eorundem referuntur, & argu-  
mentis hinc inde defenduntur,  
fulciuntur, & probantur; ac  
etiam refelluntur, & impugnan-  
tur, maxima dexteritate Pater-  
nitas Vestra Reuerendissima  
aperit, immò pandit viam philo-  
sophandi circa hanc curiosissimam  
materiem. Et quod in diuersis  
tum Antiquis, tum Neotericis  
Scriptoribus vix inueniri potest,  
in hac quasi paruo; sed capacissi-  
mo Compendio collectum repe-  
ritur. Dignus Partus tanti In-  
genij, qui meritò ab omnibus  
harum rerum studiosis maximè  
peroptetur. Felicitet Deus Pater-  
nitatem Vestram Reuerendissi-  
mā &c. Romæ ex Aedibus Scho-  
larum Piarum S. Pantaleonis  
Calendis Septembris 1670.

Pater. Vestræ Reuerendiss.

Humillimus Seruus.

Angelus à Sancto Dominico Schol.  
Piar. Ital. Aſst. & Galil. discipul.



TRACTATUS  
DE  
COMETIS;

*In quo praesertim agitur de eo, qui  
hic coepit observari circa me-  
dium mensis Decem-  
bris Anni 1664.*



T curiositati abunde  
satisfaciam, & bre-  
uitati consulam, exa-  
minabo breuiter in  
hoc Tractatu quæ-  
cumque spectant ad  
Cometas, & ex his ad eum præser-  
tim, qui hic coepit observari mense

A

De-

Decembri Anni 1664. Singula in  
sua quasi capita reducam ; in nodos  
quasi stringam , & perstringam om-  
nia , quæ examinantur latè ab alijs ;  
in summam cuncta redigam hoc or-  
dine .

Quæram , & videbo primò  
quid sint Cometæ , & quid fuerit hic  
vltimus .

2 An illi generentur de nouo ;  
& si de nouo generentur , à qua  
causa , & quo nam modo generen-  
tur . An hic vltimus de nouo gene-  
ratus fuit ; & si de nouo generatus  
fuit , à qua nam causa , & quo nam  
ille modo generatus fuit .

3 Si de nouo generentur ; ex  
qua nam materia generentur , &  
hic vltimus ex qua nam fuit gene-  
ratus ;

4 Vbi ; si de nouo generentur ,  
illi generentur . & hic vltimus de  
nouo fuit generatus .

5 Quam nam Cometæ habeant  
magnitudinem , & quam nam ha-  
buit hic vltimus .

6 Qua figura appareant , & qua  
nam



nam hic vltimus apparuit .

7 A' quo nam prouenit in ijs colorum diuersitas , & in hoc vltimo prouenit eius color .

8 Quo motu illi moueantur , & quo se mouit hic vltimus .

9 Quo nam modo possit coelestium Cometarum altitudo agnosci , & in qua fuit hic vltimus .

10 Quo tempore durare solent , & quo nam hic vltimus durauit .

11 Quid nam designent , & cui regioni . Quid nam præsignare possit hic vltimus .



*Quid*

*Quid sint Cometa, Et quid nam  
fuit hic ultimus.*

# C A P V T I.



Vo ad primum spectat  
Cometæ alij sunt Ele-  
mentares, seu Sub-  
lunares; alij non Ele-  
mentares, seu Cœ-  
lestes. Cometæ Ele-  
mentares, seu Sublunares sunt  
Cometæ, qui subtus Lunæ orbitam  
apparent. Cometæ verò non Ele-  
mentares, seu Cœlestes sunt illi,  
qui in aliqua cœlesti Sphæra appa-  
rent.

Exi-

## DE COMETIS :

Existimant Paripatetici , Cœ-  
lestes non dari ; at Tycho , quem  
Astronomi sequuntur , euidenter  
probat , dari duplici de capite .  
Primo ; quia leuem admodum non-  
nulli exhibuere Parallaxim . Secun-  
do ; quia habuere tam prægrandem  
liqui , tam vastam molem ; ut  
maiores tota terra fuerint . Huius  
pinionis etiam est Copernicus ,  
Keplerus , Cardanus , Galilaus ,  
Blancanus in sua mundiali fabrica ,  
Scheiner in sua Rosa Ursina , Ca-  
sius in suis Metheoris , Chirker ,  
et Ricciolus cum alijs pluribus .  
Quin huius fuit Clavius , qui To-  
mo 3. edit. Mogunt. pag. 104. &  
105. in primum caput Sphæræ Ioan-  
nis de Sacro Bosco agens de noua  
stella , quæ anno 1572. in Cassio-  
pea apparuit , sic ait . ( *Itaque, ut  
breuiter, quod sentio, dicam; censeo,  
Stellam illam, quæcumque illa fue-  
rit, in Firmamento, ubi Stellæ fi-  
cæ sunt, extitisse . Nam in ea re-  
gione æthereæ, & non Elementari  
apparuisse constat ex ijs, quæ pau-*

lò ante in confutatione tertiae sententiae adduximus; propterea scilicet; quòd in ea non sit deprehensus aspectus diuersitas.) Et paulò post (Iam verò; ut credam Stellam illam nouam in Firmamento, non in alio quouis Orbe Cœlesti extitisse, hoc maximè argumento adducor; quòd neque ego, neque ullus omnino Astronomus, quòd quidem sciam, alium motum in ea animaduenerit, præter eum, quem in Fixis Syderibus obseruamus. Nam constantem semper motum habuit; eundem planè situm inter alias Stellas Fixas per totum biennium; tandiu enim ferme durauit. Quòd si in orbe alicuius Planeta fuisset, cum orbis ille sanè alienum à Stellis Fixis motum habeat, proculdubio & Stella ipsa eundem motum, cursumque habuisset; secus autem rem se habuisse Astronomi deprehenderunt. Atque hoc idem argumentum euidenter concludit, multò minus Stellam illam in Elementari regione extitisse; quòd ibi  
nub-

ulla ratione eundem situm, ac distantiam cum Stellis Fixis potuisset retinere. Quæ cum ita sint, ita mihi persuadeo, Stellam illam, vel nunc à Deo optimo maximo procreatam esse in Cælo octavo; ut magnum aliquod portenderet; vel certe in ipso Cælo gigni posse Cometæ; sicut in aëre, licet rarius contingat. Quòd quidem apertè patentur non pauci ex antiquis philosophis, multique ex recentioribus, qui quamplures auctoritates, & historias adducunt, quibus persuadeant, sæpius Stellas eiusmodi, quæ in diversis intervallis temporum sunt visæ, in Cælo exortasæ. Hoc si verum est, videant Peripatetici, quomodo Aristotelis opinionem de materia Cæli defendere possint. Dicendum enim fortasse erit Cælum non esse quintam quandam essentiam; sed mutabile corpus, licet minus corruptibile sit, quam corpora hæc inferiora; quòd sanè ante Aristotelem Plato cum multis alijs sensit.) Sic ille. Et

pag. 221. Sic ibidem ait. (*Idem dicendum est de Stella nova, quæ ut ex Germania ad me scriptum fuit anno 1600. in Cygno iuxta eam, quæ in pectore lucet, apparuit, & adhuc perseverat. Item de alia, quæ anno 1604. in mense Octobri visa est inter gradum 17. & 18. Sagittarij habens latitudinem borealem graduum duorum circiter; quamvis nuno, cum hæc scribo, ita imminuta est; ut vix appareat, idem dicendum est. Utraque enim Stella propter eadem argumenta in Firmamento collocanda est; propterea quòd ubi vi locorum in eadem distantia ab alijs Stellis Fixis deprehensa est; ita vix nullam admiserit aspectus diuersitatem, & alius motus præter eum quem in Stellis Fixis notamus, in ea est animaduersus.*) Sic Clavius, & Scheiner, qui se vltro Clauio subscribit, sic ait in lib. 4. Partis 2: suæ Rosæ Vrsinæ c. 30. (*Cometas aliquos Supralunares esse apud Astronomos est indubitatum.*



*Et nunc communis, receptissima-  
que illorum est doctrina, neque  
contrairi posse facile crediderim.  
Huius rei instantiam validissimam  
habemiss in Cometa anni 1618,  
quem probati Astronomi omnes in  
Cælo collocarunt.)*

Cometa Elementaris, seu  
Sublunaris, & qui subtus Lunæ or-  
bitam apparet, nil aliud est, quam  
ingens massa ignita, & pinguis co-  
pia exhalationum crassioribus va-  
poribus permixta, constans parti-  
bus inter se benè constipatis, con-  
spissatis, & coagmentatis, tali, &  
tali modo figurata: seu bitumen-  
quoddam, ut ita dicam, extenua-  
tum, facile exardescens, & tenax  
inflammationis; quod accensum,  
peruicaci ardet succensione; quod  
quia constipatas, & peruicaci nexu  
vinctas continet exhalationes, dif-  
ficillimè consumitur.

Sen, ut alij existimant, est  
Sublunaris, & Elementaris Come-  
ta exhalationum quidem massa in-  
gens, & pinguis copia crassioribus

vaporibus permixta , constans partibus inter se constipatis ; tali , & tali modo figuratis ; sed massa illuminata tantum , & illustrata à Sole ; vt ab hoc illustrantur , illuminantur nubes ; non massa accensa , & exhalationum ingens copia ignita .

Vel est , vt opinantur alij , massa conflata ex dictis exhalationibus , & partibus inter se constipatis , valde conspissatis , quæ non accenduntur , & ignescunt ; sed à Sole tantum illustrantur , vt sydera : quæ ob densitatem , quam habent , remittunt ad nos lumen , quod ab illo accipiunt ; vt remittunt ad nos lumen , quòd à Sole accipiunt , sydera .

Cometa non Elementaris , seu Cœlestis , & qui in aliqua Cœlesti Sphæra apparet , secundum eos , qui à Cœlo excludunt omnē corruptionem , & mordicus defendunt hanc in eo non dari ; vt philosophi cōmuniter , est Corpus æternum à Deo , cum creauit sydera , creatum , quod se reuoluit ; & girat in magno aliquo  
cir-

circulo, & rarò conspicitur; quod postquam apparuit, paulatim ad visum minuitur, ac tandem non perit; sed non videtur amplius; quia se in sublime attollit. Huius opinionis fuere Pythagorici; & Hypocrates non Cous Medicinæ parens; sed Chius natione, cuius auditor fuit Æschylus; ut Aristoteles testatur libr. I. Meteorologicorum c. 6. dicens. (*At eorum nonnulli, qui Italiam habitant, Pythagoreique vocantur, Cometen è Stellis errantibus unam esse dicunt. Non nisi longo interposito tempore videri in Cœlo, & parum à Sole digredi: quod etiam Mercurij Stellæ obuenit; & quia non admodum à Sole recedit; sæpe cum se visendum præstare deberet, occultata non nisi longo tempore interiecto proinde videri solet. Hypocrates autem ille Chius, & eius discipulus Aeschylus, non secus quam hi, id dixere; verum non à se habere comam; sed dum errat, interdum eam ratione loci assumere &c.*) Huius opinio-

nis fuit Diogenes; vt refert Plutar-  
 chus de placitis Phylofophorum .  
 Hoc Chaldæi Aftronomorum anti-  
 quiffimi fenfere . Hoc Seneca lib.7.  
 naturalium quæftionum c.22. & 23.  
 hoc Albumazar vir magnæ æfti-  
 mationis fenfit . Hoc Cardanus lib.  
 de fubtilitate . Hoc Blancanus de  
 mundi Fabrica libr.16. c.4. Corol-  
 lario de materia Cometarum . Hi  
 omnes ergo exiftimarunt; quòd  
 Cometæ non Elementares, fed Cœ-  
 leſtes ſint Stellæ errantes; quæ vi-  
 dentur rarò, & poſt interualla lon-  
 ga temporis apparent .

Viſa eſt nonnullis, qui proſi-  
 rebantur eſſe in Mathematicis ap-  
 primè inſtructos, & in Aftronomia  
 verſatos, noua hæc opinio; ſed  
 dum auctores, quos legendos illis  
 dedi, viderunt; dum eam in Ari-  
 ſtotele, quem illis tradidi legerunt,  
 obmutuere; quin non poſt multos  
 dies, cum ad me rediſſent, dixere,  
 ſe illam ſeriò examinàſſe, & ex cor-  
 de amplexam eſſe .

Iuxta hanc ſententiam conce-  
 di

i debet magnus gyros ; siue hic sit  
ellipticus , seu Sphæricus , per  
quem circūuoluantur Cometæ . Ad  
mitti debet in hoc magno gyro  
Apogæum , & Perigæum . Dum  
Cometa est in Perigæo , aspicitur à  
nobis ; quia tunc est nobis propin-  
quior . Dum autem est in Apogæo , vel  
prope Apogæum , non videtur ; quia  
cum se tunc eleuauerit in altum , &  
supremum ætheris syderei ; cum  
tunc magis elongatus sit à nostris  
oculis , à nostro visu , non est mi-  
rum , quòd non discernatur ; quòd  
à nobis non videatur ; vt discerni  
neque à nobis possunt astra quam-  
plurima , quæ sunt in Firmamento .

Patitur sententia hæc difficul-  
tates maximas , quæ à sectatoribus  
soluuntur vel dicta magnitudine  
prædicti magni gyri , per quem di-  
cunt Cometam eleuari , attolli in  
supremum ætheris syderei ; vel di-  
stantia , qua dicunt illum elongari  
à nobis se eleuando ; vel fluiditate  
ætheris syderei , negando Coelos  
esse solidos , & esse distinctos . Po-  
nunt

nunt enim vnum tantum Coelum, in quo dicunt certis legibus, & metis errare sydera; in quo volunt illa fluere. (*Venus, & Mercurius, ai* *Blancanus de mundi Fabrica libr.* 16. c. 4. *Coroll. de materia Cometa-* *rum, mouentur ita circa Solem;* *ut aliquando infra, aliquando su-* *pra ipsum existant: Martis etiam* *aliquando Stella infra Solarem* *regionem descendit: Cometæ per* *omnes Cœli partes proprijs mo-* *tibus discurrunt; ob id videtur* *nonnullis recentioribus non posse* *prædicta saluari sine Cœli fluidita-* *te, & liquiditate. Posito enim* *Cœlo duro non vident, qua ratione* *Mercurius, Venus, & Mars* *per Cœlum Solis susque deque va-* *gari possint; neque qua ratione* *Cometæ possint ipsos quoquò versus* *perforare. Addunt præterea nul-* *lum unquam probasse Cœlum Pla-* *netarium esse durum. Hinc insu-* *per deduci posse putant, Cœlos Pla-* *netarum non esse realiter ab inui-* *sem distinctos; sed Planetariam* *Re-*

regionem esse purum Cœlum indi-  
nctum, in quo errantia sydera  
artis legibus, ac metis errent. Di-  
inctionem verò illam in Eccentri-  
s, & Epycyclos reales putant esse  
sandam subtilem ad saluandos  
otus excogitatam hypothesim.  
uandoquidem Ptolomæus, Coper-  
cus, & Tycho solas circulares li-  
as, & quidem imaginarias in  
œlo signarunt.) Sic Blancanus.  
quare vnum tantum huius opinio-  
is sectatores Cœlum, pro Plane-  
s aliqui; pro cunctis alij astris  
lanetarijs, & non Planetarijs assi-  
nant; & hoc non solidum; sed flui-  
um, & liquidum.

Quod autem non sit solidum;  
ed fluidum, materia tenuissima, le-  
uissima conflatum.

Probant primò; quia moueri;  
ut stare in Scriptura tribuitur Pla-  
netis, non Cœlis; vt patet in c. 10.  
Iosue. in 1. Eccles. in c. 38. Iob. in  
Habacuc 3. &c.

Secundò probant; quia nulla  
mentio fit in Scriptura, nisi de tri-  
bus



bus Coelis; hoc est de Empyreo, & de Aëreo, in quibus nullæ Stella sunt, & de Medio, in quo hæc sunt, & in quo mouentur.

Probant tertiò; quia quamplures Sancti Patres, & auctores magni nominis fuere huius sententiæ. Ambrosius, Augustinus, Basilus, Epiphanius, Gregorius Nyssenus, Cyrillus Hierosolimitanus, Eucherius, Beda, Ioannes Damascenus, Chrysostomus, Anselmus, Isidorus, Rupertus Abbas, Lactantius Firmianus, & Procopius, Euthimius, & Theodoretus, Theophilactus, & Dionysius Carthusianus, Richardus, Haymo, Oleaster, Magister Sententiarum, Cardinalis Bellarminus cum nonnullis alijs, quos in sua Rosa Vrsina citat Scheiner, qui hanc opinionem mordicus defendit.

Probatur quartò, quia hæc sententia euitat quamplurima incommoda; quia est magis expedita, facilis, & apta ad saluandos astorum motus, & aspectus; ad expli-

can-

mandas eorum coniunctiones , & distantias ; ad ostendendum Cometa-  
rum cursus , altitudines , & gyros ;  
ad intelligendum quomodo ad nos  
modò approximentur ; modò se at-  
ollendo à nobis elongentur ; ad sal-  
uandas , percipiendas omnes appa-  
rentias ; ad quoscumque nodos im-  
plicatos Astronomiæ enodandos ;  
quia euitat hæc sententia Eccentri-  
corum , & Epyciclorum tot orbes ,  
& orbiculos ; tot , vt Mersennus hu-  
ius opinionis validissimus defensor  
ait , figmenta , quæ vix possunt per-  
cipi . Nam si hæc finguntur ; vt eo-  
rum motus explicentur ; posito ,  
quòd ætheris materia sit fluida , sit  
liquida , non ne intelligitur , sub-  
iungit , quodcumque non benè ; sed  
optimè ; si dicatur , vt communiter  
asseritur , quòd Angelis commissum  
sit hoc munus ; quòd ipsi Stellas de-  
ferant per eius vasta spatia ; quòd  
hac , vel illa lege ; hac pernecitate,  
aut illa rapiant ? An ipsis , addit  
Mersennus , industria ; an sapien-  
tia , an vires deficiunt ad hoc agen-  
dum ?

dum? Quòd si non vis, inquit ille, debere iuxta philosophorum decretum multiplicari entia sine necessitate, & ob id existimas moueri sydera virtute propria, & haberi eorum motus, prouenire à principio intrinseco; cur non potest dici; quòd moueantur virtute sua hoc, vel illo regulato, & proprio motu? Quòd huiusmodi principium astris communicauerit, dum ea creauit Deus? Numquid est huic difficile aliquid? Numquid non habet, & sapientiam, & potentiam Deus infinitam? Vt dedit illis virtutem, producendi has, vel illas qualitates, hos & hos influxus; cur non potuit illis dare hoc, vel hoc principium; hanc, vel hanc naturam, & virtutem; vt hoc moueretur tali lege, & tali motu; hoc tali, & tali; vt hoc tardiori cursu curreret, hoc velociori?

Probant quintò; quia Luna est inæqualis, aspera, eminentijs, vallibus repleta; quia reliqui Planetæ sunt globi eodem modo ma-  
lè

è complanati , & imperfectè Sphæ-  
 ici , inæquales , asperi ; quia Ve-  
 nus , & Mercurius circa Solem gi-  
 rant , & intersecantes spatium , quod  
 est circa ipsum , circumcursare cir-  
 ca illum , & discurrere videntur ;  
 quia Mars mouetur motu implica-  
 tissimo ; quia Stellæ , quæ appellan-  
 tur Iouis Comites vertuntur circa  
 ipsum . Hæc autem benè percipi ,  
 nec explicari benè possunt , nisi di-  
 catur , aiunt ipsi , quòd spatium  
 ætheris repletum sit materia fluida ;

Probant sextò ; quia si Cœ-  
 lum esset solidum , & durum ; si  
 ob orbium numerum tot essent par-  
 tes contiguæ , nequaquam in suo  
 loco cernerentur Stellæ Fixæ , aut  
 Planetariæ transeuntibus earum  
 speciebus , & imaginibus per tot  
 media , quæ opponuntur ; quia fran-  
 gerentur , & distractæ aliò traspor-  
 tarentur , aliò viderentur ; vnde  
 penitus Astronomia destrueretur , &  
 ad nil prorsus valerent , inserui-  
 rent Hipparchi , & Ptolomæi ; ad  
 nil Tychonis obseruationes .

Iuxta

Iuxta hanc sententiam ergo non dantur nisi tres Coeli. Coelum Aëris, Coelum Syderum, & Coelum Empyreum. Per Coelum autem sydereum non intelligit Merfennus cum reliquis auctoribus citatis aliud, nisi auram ætheream; nisi substantiam subtilissimam, & ubique peruiam, labilem, & fluidam; ut aër meabilem, facillimè secabilem; nil aliud intelligit, nisi materiam, quæ est summè levis, summè tenuis; quæ æquè est disiungibilis, & est coagmentabilis, vnibilis.

Impugnant hanc sententiam aliqui primò; quia c. 37. Iob. vers. 18. dicuntur esse Coeli solidissimi, tanquam acre fusi.

Sed auctoritati allatæ respondent sectatores eius primò; quòd allata verba non sunt Iob; sed Eliud huius amici, quem Deus reprehendit dicens. (*Quis est hic inuoluens sententias sermonibus imperitis?*) Secundò, quòd dicuntur Coeli solidissimi non ob eorum duritiem, ut

hanc

hanc aes habet ; sed stabilitatem , & perpetuitatem & ob hanc aeri comparari . ( Sciendum est , inquit , *Pineda* in verba allata multum commendari Creatoris potentiam , atque sapientiam ; quòd non minus constans , perpetuaque sit res fluxa , quam solidissima ex aere fusa &c . ) ( Sed si citata verba *Iob* , inquit *Augustinus Tornielus* tom. 1. *Annalium Sacrorum* fol. 32. ut multi auctores tradiderunt probabiliter , ita interpretari debent , ac si dicere voluissent ; quòd *Cœli* licet videantur , sintque substantiæ ad modum aëris , & fumi fluxæ , mobilis , labilis , levissima , ac tenuissima , nihilominus per divinam potentiam sic sunt durabiles , atque perpetui , tanquam ex durissimo , ac solidissimo aere fuso , concretoque conflati essent &c . )

Opponunt aliqui secundo ; quòd *Cœlum* nominatur in *Scriptura Sacra Firmamentum* . Ergo durum , dicunt , *Cœlum* est , non fluidum .

Sed



Sed instantiæ allatæ facilè respondent negando consequentiam quia nomen hæbraicum (*R. Kiàb*) quod loco Firmamenti est in Scriptura hæbraicè conscripta, idem sonat, ac extensione, & attenuatione factum ex fluida substantia, & quamvis septuaginta loco Firmamēti posuere solidum; hæc vox solidum non significat, inquiunt, durum, sed id, quod est trina dimensione mensurabile, nimirum secundum longitudinem, secundum latitudinem, & profunditatem; ut videre est in Thesauris latinæ linguæ, & Calepinis. Quod verificari totum potest, etsi dicatur conflatum ipsum esse ex materia fluida.

Quòd si petas; cur non vocare durum Cœlum aëreum; sed sydereum?

Dicent; quòd ex eo sydereum potius tali appellauere nomine; quia sydereum est ad sensum magis mensurabile secundum latitudinem, secundum longitudinem, & secundum profunditatem ob distantias  
maxi-

maximas , quas sensus noscit esse  
inter nos , & ipsas Stellæ .

Opponunt tertio , Ptolomæum  
proad Cœlorum tam soliditatem ,  
quam numerum ; supponentes il-  
lum æstimasse Cœlos esse solidos ,  
tot , quot communiter ponun-  
tur .

Sed ( *Scienlum est respondet*  
*Lancanus in suæ mundialis Fabri-*  
*e Parte 3. cap. 4. veteres Astrono-*  
*mos Hipparchum , Ptolomæum , &*  
*alios de Cœlorum distinctione nihil*  
*certi locutos esse ; ut videre est apud*  
*sum Ptolomæum , & alios . So-*  
*lum enim nisi hypotheticè loqueban-*  
*tur ; id est posita tali Cœlorum di-*  
*stinctione , aut numero ex insintar*  
*opirentiæ , & observationes . Imo*  
*si , ut videre est apud Ptolomæum ,*  
*Proclum , hysce Cœlorum Fa-*  
*bricas hypotheses vocabant , hodie-*  
*que eruditiores vocant . Hinc ve-*  
*ni opinio nem de reali Cœlorum di-*  
*stinctione in vulgum sparsere olim*  
*Prodoxas , & Calippus , & postea*  
*Empirisci , & semibarbari scripto-*  
*res*

res tractatum de Sphæra, aut a Theorijs Planetarum, qui ut populo, & Astronomiæ ignaris res miras venditarent, tales Cœlorum constructiones Eccentricis, atque Epicyclis veris, & realibus referta propalarunt; & quas veteres hypotheses appellabant; ipsi successive temporis, tanquam assertiones sine ulli evidenti ratione enuntiarunt, ijsque simpliciores, ac rudiores fidem ultro adhibuerunt adeo; ut philosophorum etiam quamplures ijsdem paulatim assenserint. Ex hac Cœlorum hypothese in assertionem transformata factum est; ut complures Cœlos ad invicem non solum divisos; sed etiam duos esse deduxerunt; dum enim intelligebant Cœlorum distinctionem, atque eorum munia in Astris deferendis consequenter etiam de eorum soliditate philosophati sunt. Verum enim verò antiquorum, ac recentiorum antiquissimi, uti sunt Ptolomæus, Copernicus, Tycho, & alij, per solas lineas, aut circulo-

motus Planetarum optimè explicarunt; ut in eorum libris videre est.) Sic Blancanus . Blancano se subscribit Scheiner in libr. 4. Partis 2. uæ Rosæ Vrsinæ cap. 30. dicens . *Hanc de Cœlorum liquiditate sententiam tenent communiter hæc ætate nostra Mathematici in Germania , Belgio , Rheno , Gallia , Hispania , Italia &c. )* Se subscribit Marinus Mersennus, qui in Geoesim anno 1623. sic ait . (*Non est igitur ; quod aliquis conquaratur ; si Cœlorum soliditas auferatur , aut etiam numerus ; cum satis , superque sufficiat ; si Regio æthereæ tam profunda liberum adiuturum faciat ; ut hæc , vel illæ Sol , Luna , & Stella , prout Deus ab initio constituit , expatiantur ; siue ab Angelis , siue propria virtute sibi creatione concessa motiones suas peragant . Imò longè facilius est , rursus intelligere dempta soliditate ; tum Epyciclorum , & Eccentricorum tanta multitudo minimè necessaria sit . Potest enim facilius*

*explicari quo modo Stellæ in Cœlis apparere valeant . ) Sic ille . Et in art. 8. pag. 842. Sic ait . ( Nullum est Phenomenon , quod non longè facilius data Cœli tenuitate , seu liquiditate concipi , saluari , & explicari possit ; quam si duros , & adamantinos esse Cœlestes Orbes supponamus . ) Sic Marsennus . Sic cum citatis sensit Longomontanus c. 5. de Cometis , & in Astronomia Danica libr. 1. Theoricorum cap. 1. folio 161. & c. 4. folio 220. docet Fixas quoque librari in æthere limpidissimo ; vt terra in aëre . Sic Keplerus in Marte cap. 4. Sic Galilæus in nuncio sydereo in historia de maculis , & Dialogo 1. & 2. de Mundi Systemate . Sic quamplures alij , inter quos numeratur Bellarminus , vt addictissimus huic opinioni .*

Opponunt quartò , quia si Cœlum esset fluidum , conflatum ex materia non multum ab aura nostra aërea absimili , deberent edere suo motu velocissimo , concitatissimo  
for-

formare sonitum Planetæ maximum, horrendum, & audiri à nobis deberent incessanter bombi, & roatus.

Videtur prima facie; quòd illata obiectio vim in se habeat maximam; quòd sit primo aspectu validissima. Sed eneruant eius robur primo sectatores sententiæ allatæ dicendo, teneri hoc argumentum etiam solvere asserentes, assertantes numerum, soliditatem Cœlorum. Nam si sunt Cœli solidi; si sunt absque vlla interiectione auræ vidæ inter se benè connexi, & sibi contigui, si sunt adhæsione perfectissima compacti, ex collisione tot, & tantorum corporum deberet formari, audiri sonitus, & fragor inens; percipi deberent saltem roatus, & bombi, qui formantur iuncta collisione à Cœlo, & corpore unari. Eneruât eius robur secundò, dicētes quidem edi non improbabiter fragorem aliquem; sed ob distantiam, qua à nobis distant, non audiri. Dicunt probabiliter frago.



rem aliquem , & sonitum , non tamen tam horridum , & absonum , ut qui contrarium sentiunt supponunt ; quia aura ætherea est levis rara magis , magis tenuis , quam aura nostra aërea ; non ita conspissatur , condensatur , & per consequens non est tam apta ad excitandum sonum . Eneruant alij tertio robur eius dicendo ; quòd neque sonum excitat , qui natat subtus aquam ; quia aqua non est apta ad sonum excitandum ; cum formetur sonus non scissione aquæ , sed aëris . Pisces quoque maxima velocitate currunt subtus aquam , & tamè nullū sonum excitant ; ergò etsi Stellæ ferantur motu rapidissimo per auram ætheream ; cum hæc non sit materia apta ad formandum sonum , hunc non excitant , & formant vltimo modo .

Opponunt quintòs quia si Cœlum esset fluidum , & Stellæ Fixæ non starent Firmamento affixæ , tanquam clavi , multiplicandi essent tot , quot illæ sunt , Motores ;

nam

nam cum sint molis maximæ, tollerent dici esse Intelligentias destinatas ad mouendas illas, quot sunt. Hoc autem dici haud potest; quia non sunt multiplicanda sententia sine necessitate.

Respondent, qui opinantur Firmamentum esse quoque fluidum, & Stellas Fixas habere motum suum à principio intrinseco, argumentum esse de subiecto non supponente. Siquidem supponit, quamlibet ex Stellis Fixis moueri ab Angelis, & ab Intelligentijs, ab his habere motum; cum hunc habeant à principijs suis intrinsecis. Volunt enim vnamquamque ex illis habere suum principium intrinsecum tam motus astris omnibus communis, quo se voluunt ab Oriente in Occidentem spatio viginti quatuor horarum, vt Planetariæ; quam proprij, quo voluuntur ab occasu in ortum tam per longitudinem; quam per declinationem in latitudinem, à Borea in Austrum. Voluuntur motu proprio ab occasu in longitudinem;

quia Arietis Stella, quam anno ante Christum 296. Timocharis inuenit Grad. 2. post Æquinoctium Ver-  
 num; Hiparcus anno ante Chri-  
 stum 128. reperit distantem Grad. 4.  
 Menelaus annis 224. post Hippar-  
 chum Grad. 6. & Ptolomæus an-  
 nis 41. post Menelaum Grad. 6. 40<sup>1</sup>,  
 quam post annos 741. Albategnius  
 Grad. 18. & post Albategnium an-  
 nis 381. Alphonsus Rex Grad. 26.  
 54<sup>1</sup>. quam annis inde elapsis Coper-  
 nicus inuenit Grad. 27. 21<sup>1</sup>. quam  
 deinde post annos 60. inuenit Ty-  
 cho Grad. 27. 37<sup>1</sup>; quia iuxta has,  
 & alias obseruationes asserūt Astro-  
 nomi moueri, promoueri ab Occa-  
 su in Ortum singulis annis iuxta Ty-  
 chonem, & alios secundis 51<sup>1</sup>. iuxta  
 verò Copernicum, Rizolium, &  
 alios 50<sup>1</sup>. & Grad. 1. annis 70. vel  
 72. totamque periodum absolvere  
 annis 25. 806. viginti quinque mil-  
 libus octingentis sex, vel 25. 920.  
 viginti quinque millibus, nongentis,  
 & viginti. Videntur declinando  
 volui in latitudinem à Borea in Au-  
 strum

strum; quia obseruarunt Astronomi moueri etiam Fixas ab Austro ad Boream. Vndè Tycho, & alij volunt Stellam Polarem singulis annis ad mundi Polum accedere scrupulis secundis 20<sup>u</sup>. viginti. Quin addunt obseruasse anno 1618. distasse ab eodem Polo solum Grad. 2, 44<sup>i</sup>. & 30<sup>u</sup>. Non existimes moueri tamen Fixas duobus motibus realibus; sed vno simplicissimo per spiras diurnas; ita vt velocitatem Primi Mobilis imaginarij, siue existentis non assequantur, nec ad idem Meridiani punctum perueniant eo momento, quo Primum Mobile; sed aliquando tardius; ob quod videantur recedere versus Ortum, & occasionem præbeant fingendi alterum motum, quo dicantur moueri ab Occidente versus Orientem, vt Planetæ, cum hac solum differentia; quòd Fixarum Spiræ omnes sunt inter se æquales distantia, quam Fixæ semper seruant à Mundi Centro; Planetarum verò Spiræ sunt inæquales ob distantiam modò ma-

iorem, modò minorem, qua illi distant ab eodem Centro mundi. Fixarum Spiræ supradictæ; vt percipiantur, considerandæ, & explicandæ sunt in ordine ad Æquatorem, & ad Eclipticam, in ordine ad puncta Æquinoctialia secundum declinationes, quas variant, variando ab illis distantiam.

Respondent verò, qui existimant moueri ab Angelis, & ab Intelligentijs; quòd sicut vna tantum sufficit Intelligentia in sententia eorum, qui dicunt Firmamentum esse solidum, ad mouendum illud vna cum Stellis Fixis, & in eo affixis, tanquam clavis; sic vna sufficit ad ipsas per se sumptas mouendas, imprimendo in omnibus impulsus illum regulatum, qui est necessarius ad supradictos motus.

Iuxta dicta, vel Planetæ, aut Fixæ habent motum astris omnibus communem, quo mouentur spatio viginti quatuor horarum ab Oriente in Occidentem, cum motu proprio, quo se tali, & tali pacto spirali-

raliter cum tanta , aut tanta velocitate se ab Occidente mouent in Orientē ab Intelligentijs, & Angelis, qui vtrumque illis tribuunt; vel vtrumque habēt à principio intrinseco ; vt à principio intrinseco rationalitatis identificato in homine cum principio animalitatis communi cunctis animantibus habetur tam sentire , quam discurrere .

Oppugnant sextò ; quia si tolleretur Cœlorum numerus , & cum alijs Primum Mobile , non videtur quomodo saluari , & explicari possit ; quòd Planetæ mouentur motu raptus ab Oriente in Occidentem , & motu proprio , seu retrogrado in Orientem ab Occidente .

Respondet Ricciolus in suo *Almagesto* libr. 9. sect. 1. de Natura Cœlorum versus finem , primò posse saluari , & explicari vtrumque per motum spiralem , vti in libro septimo sect. 1. cap. vlt. & in citato libr. 9. sect. 2. ostendit . Respondet secundò , quòd etiamsi requireretur aliud corpus , non esse necessarium



corpus solidum. Nam etiam pisces delati à rapido flumine deorsum, possunt conari sursum versus fontem.

Si Coelum ergo est fluidum, ex vi rationum, quas attulimus, difficultates suprapositæ, quas merè annuimus, non habent ullam vim, aut robur, & per consequens sententia, quam vctusque examinauimus, est satis probabilis; cum nil afferri possit quid nam illi obstat.

Sunt è contra, qui cum Democrito, Anazagora, & Apollonio Myndio citatis à Conimbricensibus tract. 3. Meth. de Cometis c. 1. afferunt Cometas non Elementares, seu Cœlestes esse aggregatum Stellularum. Certè Ioannes Baptista Cyssatus agens de Cometa anni 1618. dicit, quòd huiusmodi aggregatum notauit. Hoc aggregatum, (*ingenuè fateor*,) me videre existimaui; dum videri cœpit hic de nouo à nobis visus non multò post occasum Solis, & ad nouitatem inuitaui curiositatem trium,  
qui

qui mecum aderant ; sed mox tubo optico respiciens deprehendi errorem , & non nisi vnum illo vidi corpus luminosum . Hæc idem euenisse sibi mihi dixit Dominicus Cassinus in Astronomia vir præstantissimus ; errorem Telescopio , quem ad hunc finem immediatè sumpsit , emendasse , & non nisi vnum etiam ipsum corpus luminosum illo deprehendisse .

Maiorem, quam relata, patitur opinio hæc difficultatem ratione diuersarum figurarum, quibus Cometae apparent . Nam si Cometa est aggregatum Stellarum ; cur modò hæc errantes Stellulae videntur barbatae ; modo caudatae ; modo crinitae ? Si recurris ad exhalationes , & formari his crines, barbam, & caudam velis ; iam admittis corruptibilitatem in Caelo , quam negabas ; affers , das pro solutione , quod , vt saluares Coeli incorruptionem , impugnabas .

Adde ; quòd non deest , qui miretur ; quòd tubus solum Ioan-

nis Baptistæ Cyssati hoc aggregatum Stellarum propalavit; cœteri nec tunc, nec postea potuerint hoc propalare, hoc adnotare.

Neque dicas; tenentur etiam ad hoc respondere, qui sententiam supra allatam tenent? Quia facile se ab hac difficultate illi expediunt, dicendo barbam, caudam, & crines Cometarum esse partes extimas Cometæ non tam constipatas, quæ à Sole irradiantur, & illuminantur, quæ etsi non tantam, ut reliquæ Cometæ partes habeant densitatem, spissitatem; quia verò tantam habent, quanta est necessaria ad reflectendum lumen à Sole immissum, ad nos illud remittunt. Vel si hoc non subsistit, aut non satisfacit, esse, ut alij asserunt, exhalationes, quæ deindè ignescunt, & in flammæ abeunt, qualitate occulta modò in hac parte aëris, vel Cœli excitatas à Cometa; ut à maleficis syderibus in hac modo parte; modo in alia excitantur tempestates, commotiones aëris, & venti rabidi. At tu, qui

qui vis Cometam esse puras Stellulas inter se nexas, non potes hoc asserere; quia illæ Stellulæ disiunctæ non videntur cum cauda, aut barba, & cum his crinibus; hoc est cum illis partibus rarioribus à Sole illuminatis; neque dum disiunctæ sunt videntur excitare exhalationes dictas, nec habere hanc vim.

Dices non videri; dum sunt disiunctæ cum illis non tam constipatis partibus, & condensatis; quia cum sint Stellæ paruulæ videntur solum, dum sunt aggregatæ, & nexæ. Disiunctæ neque excitant exhalationes; quia singulæ disiunctim sumptæ non habent vim, & virtutem illas excitandi; ut dum sunt coniunctæ.

Egregiè; sed quod nos cogit dicere Cometam esse aggregatum, harum Stellularum, & non vnam tantum ex Stellis errantibus? Cur volumus tot Stellas aggregatas ponere; cum huiusmodi aggregatum, & tot Stellas tubi non distinguant; nō propalent? Si propalat, & distinguit

guit Telescopium Stellulas Viæ Lactææ ; Stellulas , quæ Nebulosa componunt ; Stellulas , quæ formant illas Nubeculas , & Maculas , quæ in Polo Antarctico videntur. (*Prope Antarcticum Polum* , ait *Blancanus libr. 17. de Mundi Fabrica c. 2. in fine* , conspiciuntur *Nubeculae duæ , siue Maculae* , quæ similes sunt *Nebulosis Stellis* , aut *Galaxiæ partibus* . Quid verò hæc omnia sint , antea cunctis omnibus sæculis inconpertum fuit ; nostra tamen ætate admirandi Telescopij beneficio aperte videmus *Galaxiam* nihil aliud esse , quam oblongum *Stellarum agmen* aded *exilium* ; ut nullæ per se ob luminis paruitatem distinctè cerni queant , omnes autem simul candorem illum lacteum oculis exhibeant . Idem prorsus contingit *Nebulosis* , quas idem instrumentum ostendit esse quosdam *Stellarum greges* . Idem existimandum est de *Maculis ad Antarcticum Polum sitis* . Vide *Nuncium sydereum Galilæi* , qui omnium primus isthæc

*At hæc mundo miracula patefecit ; )*  
 non has quoque Stellulas , quæ for-  
 mant Cometas , propalaret , & di-  
 stingeret ? non has quoque pate-  
 faceret ?

Deinde cur hæ Stellæ errantes  
 manent per multos menses iunctæ ,  
 & nodo indissolubili connexæ , ad-  
 strictæ ? Non nego ; quòd si Stellæ  
 parvæ , & non visibiles per se , si  
 coniungantur possint videri : nam  
 e facto Stellæ , quæ componunt  
 Nebulosas , non sunt singulæ per se  
 visibiles , si simplici , si nudo oculo  
 spiciantur ; sed prout sunt iunctæ ,  
 in massam aggeratæ , constipatæ  
 formant nubeculam parvam , & can-  
 didam , & hanc formando fiunt vi-  
 sibiles ; sed nego ; quòd possint sta-  
 re per tot menses iunctæ , & tam  
 longo tempore durare possit hæc  
 coniunctio , quo durant Cometæ ;  
 nam vnaquæque Stella ex erranti-  
 bus suum habet motum proprium ,  
 quo sicut vel se interfecando , vel  
 se approximando coniunxerunt , sic  
 deberent disjungi , posita præsertim  
 ve-

velocitate motus maxima, qua cernimus moueri Cometas; quia hac posita mouebuntur necessario singula velocitate maxima, non per tot menses, & tam longo tempore manebunt inter se vnitæ. En cur ego non sustinerem hanc sententiam, & non hanc amplecterer.

Sunt ex Astronomis quamplures, qui parum curant admittere in materia Cœli alterationem, in hac variationem, corruptionem. Diuiduntur hi, qui non curant admittere in supernis Orbibus alterationem, corruptionem, in duas classes.

Opinantur aliqui Cometas non Elementares, seu Cœlestes esse aggregatum exhalationum, quæ de nouo in Cœlo generantur, condensantur, inflammantur.

Opinantur alij esse quidem aggregatum exhalationum, quæ de nouo in Cœlo generantur, condensantur; at non inflammantur, non ignescunt, & in flammæ abeunt; sed à Sole tantum illustrantur, & illu-



luminantur, vel ut nubes, vel ut  
sidera. Elige quam vis ex dictis  
quatuor sententijs, quas tantum  
se existimo probabiles, & dic,  
quod magis censes esse quem-  
libet Cometam, & fuisse  
hunc ultimum.



*An generentur Cometae de nouo  
 à qua causa, & quo nam modo.  
 An hic ultimus de nouo generatus  
 fuit; & si fuit de nouo generatus;  
 A' qua causa, & quo nam  
 modo fuit generatus.*

## G A P V T I I.



**V** IDIMVS quid sint  
 Cometae tam Ele-  
 mentares, & Sub-  
 lunares, quam non  
 Elementares, & Coe-  
 lestes. Videamus  
 nunc; an hi, & illi de nouo gene-  
 rentur, & si de nouo generantur,  
 quo

quo modo generantur.

Loquendo de Cometis Sublu-  
aribus, Elementaribus, est cer-  
um de nouo generari, & fieri; quia  
on eodẽ modo possumus discurrere  
e his; vt discurremus iuxta opinio-  
em, quam retulimus in primo lo-  
o supra, de non Elementaribus;  
uia Elementares non sunt aterna,  
& permanentia corpora. Cum er-  
o modò sint, modò non sint, te-  
emur consequenter dicere; quòd  
generentur, fiant de nouo. Gene-  
antur autem, fiunt de nouo; quia  
nouæ semper, atque nouæ è terra  
exhalationes euaporant; noui, at-  
que noui halitus calidi, & sicci  
commixti cum vaporibus à Sole  
ursum eleuantur; vt quotidiana  
fulminum de nubibus explosio pro-  
bat. Producentur quoque nouæ,  
ac nouæ semper in magna copia ex-  
halationes ab ipso Solis lumine; à  
raptu, quo aër Sphæræ ignis proxi-  
mus cum ipsa Sphæra ignis rapitur.  
& circumuoluitur; à proximitate  
ipfius Sphæræ ignis; à syderibus in  
tali,

tali, & tali positura concurrentibus, quæ illas è terra trahunt v quadam magnetica, & constipant modò cum vaporibus in nubes; modò in niuem; modò in grandinem. Hæ exhalationes, quæ de nouo nouæ, & nouæ producantur à dictis causis, & augentur sæpè per antiparistasim, commiscantur aliquando cum pinguioribus vaporibus tenaci, & pertinaci nexu coagulantur, condensantur, conspissantur; conspissatæ mox ignescunt, & flammæ pingues excitantur; sic existimant communiter auctores; quòd **Cometæ Elementares generantur.**

Hoc modo dicunt etiam generari, qui opinantur Cometæ Sublunares esse massas conflatas quidem ex exhalationibus tenaci nexu constipatis, condensatis; sed non ex exhalationibus, quæ in flammæ abeant; sed ex exhalationibus inter se conspissatis, quæ à Sole tantum illustrantur, & illuminantur vel vt nubes, vel vt sydera.

**Generantur autem modò dicto**

to Cometæ Sublunares non solum  
Estate, vt docuit Æschilus relatus  
b Aristotele primo Metereolog.  
. 3. Primò quia, vt hic illum im-  
ugnando ait, Cometa, qui appar-  
uit Hercule regnante, apparuit  
mense Ianuario, & alius, de quo  
mentionem idem facit, apparuit  
tiam Hyeme. Secundò, quia Co-  
meta anni Domini 197. apparuit  
mense Octobris. Tertiò quia Co-  
meta anni 1475. apparuit mense  
ianuarij. Quartò quia Cometa an-  
ni 1550. apparuit mense Aprilis.  
Quintò quia Cometa anni 1416.  
apparuit mense Decembris. Sextò  
quia Cometa anni 1618. apparuit  
mense Nouembris. Ergò non est  
erum; quòd solum Æstate generan-  
tur Cometæ Sublunares; sed tam  
Estate, vt obseruati ab Æschylo,  
quam Autumno; tam Hyeme, quam  
Vere. Quin & Cometæ Cœlestes,  
non existimas hos esse Stellas er-  
antes, generati quoque sunt tem-  
pore Hyemis, etsi non videatur  
tempus aptum eorum conflationi;  
Nam

Nam Cometa anni 1618. qui sine controuersia fuit Cœlestis ; quia nulla in eo Parallaxis inuenta fuit apparuit die 29. Nouembris , & c. nouo à nobis visus , in quo secundum obseruationes factas hic accuratissimo Cassino , & alijs leui admodum inuenta Parallaxis fuit apparuit mense Decembris .

Loquendo de Cometis non Elementaribus dicendum est ; quòd in sententia eorum , qui opinantur esse Stellas Spurias , & errantes , non generari de nouo in Cœlo ; sed fuisse à Deo creatas ; dum fuere reliqua sydera creata . In sententia verò illorum , qui volunt esse Massas exhalationum , quæ de nouo in Cœlo generantur , condensantur , constipantur tanta densitate ; vt illuminatæ à Sole ad nos , vt sydera remittant acceptum lumen ; vel non tanta , vt nubes , quæ ad nos lucem non remittunt ; sed à Sole acceptam ebibunt , debemus consequenter discurrendo vt supra dicere ; quòd generetur de nouo in Cœlo , vt Subluna.

ares , & Elementares generantur in Regione aëris suprema , ob id quod annuimus ; & dicendum quoque est , quòd eodem modo generentur exhalationibus Cœlestibus .

Loquendo verò de Cometa , si de nouo à nobis visus est , dico , quòd cum eadem allatarum opinionum varietate discurrendo debemus dicere cum ijs , qui existimant non dari in Cœlo corruptionem , non esse genitum de nouo ; sed fuisse unum ex corporibus luminosis , quæ suum magnum circulum se voluant , & apparent rarò ; fuisse vnâ Stellis errantibus , quæ videndas rerum se præbent post longa intervalla temporis . Quòd illa videbatur ; dum erat in Perigæo sui magni circuli . Quòd disparuit ; dum se à nobis elongauit , & eleuauit in summum ætheris ; quòd ob distantiam maximam , qua à nobis tunc distat , & minoritatem molis suæ non potuit amplius ascendendo versus apogæum sui magni circuli videri .

Si



Si è contra non curamus admittere  
ut Astronomi , communiter admi-  
tunt , in Cœlo corruptionem, quæ  
fuit de nouo modo dicto generati-  
o à dictis causis , & quòd disparuit  
quando illa massa exhalationum in-  
gens , & bituminosa , pinguis , a-  
que tenax consumpta fuit succer-  
sionis igne secundum eos , qui ex-  
stimant Cometas conflatos esse ex  
halationibus accensis ; vel dissipati  
calore Solis , & aliorum Planeta-  
rum , ac Fixarum , motu raptus ra-  
pidissimo , & suo proprio secundum  
eos , qui opinantur , Cometas esse  
massas exhalationum non ac-  
censas ; sed à Sole tan-  
tum illustratas .



*Si Cometa de nouo generantur; ex  
qua nam materia generantur?  
& si de nouo generatus fuit à no-  
bis visus; ex qua nam materia  
fuit generatus?*

## CAPVT III.



**Q**UOD ad tertium, &  
ad Materiam Come-  
tarum spectat dico;  
quòd si loquamur de  
Cometis Sublunari-  
bus, de ijs, qui sub-  
us orbitam Lunæ generantur, sunt  
conflati, vt dixi, ex exhalationi-  
bus terrestribus connexis cum

vaporibus crassis, & pinguibus, inter se nexu pertinaci iunctis, & difficile dissolubilibus. Quod patet primò; quia succenduntur, & ignescunt; vel si merè à Sole illuminantur, vt illuminantur nubes, aut sydera, videntur maximè succensæ, & valdè ignitæ, quod est inditium conflatas esse ex magna copia exhalationum. Secundò patet; quia modò in mole Cometæ crescunt, & cernuntur corpore maiores ob earum additionem; modò decrescunt, & cernuntur corpore minores; minori disco, & mole ob earum diminutionem. Tertiò; quia effectus, quos Cometæ causant, illas indicant apertè, siquidem dum consumuntur, dissoluuntur, causant ventorum flatus maximos, & morbos; accendunt bilim &c.

Si loquamur de Cometis non Elementaribus, & Sublunaribus; sed de Cœlestibus, dico; quòd in sententia eorum, qui dicunt esse corpora sydereæ, & Stellæ errantes, fuere à Deo creati in mundi initio;

nitio ; quòd fuere eadem Planetarum , & Stellarum materia formati .

In sententia verò eorum , qui concedunt dari in Cœlo corruptionem , mutationem , & de nouo generari modo supradictò à dictis causis , dico , materiam Cometarum , esse exhalationes , quæ de nouo in Cœlo generantur ; quæ generatæ conspissantur , condensantur ; pertiaci , peruicaci nexu constipantur ; quæ constipatæ dissoluuntur difficilimè .

Dixi ; quòd conflantur ex exhalationibus Cœlestibus ; quia non potest dici ; quòd conflentur Cometæ non Elementares , & Cœlestes ex exhalationibus terrestribus . Primò ; quia si hæ deuenirent ad Sphæram ignis , ob actiuitatem ignis tam actiui attenuatæ ineptæ redderentur ad formationem Cometarum , qui conflantur ex exhalationibus , vt diximus inter se constipatis , crassis , & pinguibus , non autem attenuatis . Secundò ; quia cum illæ per-

uenissent ad suum locum, deberent quiescere, nec vitro progredi; ut quiescit lapis; dum proiectus cessante impulsu à manu impresso descendit, inuento loco proximiori centro, quem potest inuenire; ut quiescit aqua, quæ rapidè deorsum voluitur; dum ad suum locum à natura destinatum peruenit; ut terremotu obtento exitu quiescit etiam aër, dum peruenit ad locum suum. Nil tunc illi halitus terræ calidi, & sicci aliud appeterent obtento loco sibi debito; nec sursum consequenter, & in altum ascenderent; sed in sua Sphæra, & in suo loco sisterent. Tertiò; quia ad conflandas tam ingentes, atque vastas Coelestium Cometarum massas, quæ tam longè excedunt terræ magnitudinem, & hanc sua mole tam longè superant, requiritur exhalationum alia copia, quam hæc, quam dispensatione parum liberali, & nimis limitata subministrat terra. Non ergo ex his terrestribus conflantur, producantur Cometæ, qui de nouo  
in

in Cœlo generantur ; sed conflantur ex exhalationibus , quæ in dies in illo producuntur .


Si vis tamē sustinere ; quòd Cometæ , qui in Cœlo generantur , sint exhalationum quidem massæ constipatæ , conspissatæ , non accensæ ; sed à Sole solum illustratæ , illuminatæ , ut sydera , dic eos conflare ex materia maximè densa , & opaca ; ex materia maximè apta ad remittendum , ad reuerberandum ad nos lumen , quod accipit à Sole .

Vel si magis tibi arridet eorum sententia , quæ asserit illuminari a Sole , ut nubes , non ut sydera , dic eos conflare ex exhalationibus non ita constipatis , conspissatis : sed raris ; non ex materia satis densa , & opaca ; sed imperfectè diaphana .

Sic discurre debemus de hoc ultimo , qui apparuit , & de eius materia debemus dicere , quod modò diximus , iuxta varietatem sententiarum , quas retulimus .

*Vbi, si de nouo Cometa generentur  
generantur? & si à nobis vi-  
sus de nouo generatus fuit,  
vbi nam fuit ille  
generatus?*

# C A P V T IV.



**Q**UOAD quartum spe-  
ctat, & ad locum;  
dico; quòd si loqua-  
mur de Cometis Sub-  
lunaribus, de ijs,  
qui sub Lunæ orbi-  
tam cernuntur, generantur in su-  
prema aëris Regione; non in me-  
dia,



dia, aut infima.

Non generantur in media; quia si Cometæ conflarentur in secunda, & media aëris Regione; cum moueantur etiam Sublunares ab Oriente in Occidentem, deberet consequenter concedi etiam; quod ab Oriente in Occidentem, moueatur quoque Regio media, & infima eodem motu raptus rapta, ut Cometa; sed non mouetur motu raptus, & non rapitur secunda, & media Regio; neque infima ab Oriente in Occidentem. Ergo non conflantur, generantur in secunda, & media Regione aëris Cometæ, neque in infima. Minor probatur; quia nubes quoque, quæ sunt in ipsa media Regione aëris, ut illi, mouerentur, raperentur eodem motu, & raptu ab Oriente in Occidentem; cum autem videamus illas modo in Septentrionem etiam; modo in Austrum, modo in Orientem ferri; cum constet experientia manifesta, non moueri nubes motu raptus; consequenter neque media

Regio aëris mouetur motu raptus.  
 Non mouetur motu raptus ab Oriente in Occidentem secunda, & media Regio aëris? Ergo non conflatur, generantur in secunda, & media Regione aëris Cometæ Sublunares; quia si in ipsa essent generati, cum ipsa in ipsa mouerentur ab Oriente in Occidentem. Secundò in media Regione aëris sunt venti, à quibus videmus circumferri, & dissipari nubes, Cometæ autem nunquam ventis agitantur, & circumferuntur, vti nubes, neque dissipantur. Ergo non sunt in secunda, & media Regione aëris producti; sed supra, vbi non sunt venti.

Neque generantur, & conflantur Cometæ sublunares in Regione hac nostra infima aëris; quia cum in hac sint etiam venti; agitantur; & modò huc, vt nubes, modò illuc verterentur, & impellerentur; quod est contra experientiam; quæ docet illos moueri ferè semper ab Oriente in Occidentem,

tem , non autem ferri à ventis in  
alias partes . Secundò dum in flam-  
mas abeunt , & festiuis ardent igni-  
bus artificiosæ piræ , & sulphureæ  
strues ; dum exploduntur sclopi , &  
bombardæ ; dum euomit , eructat  
Moles Adriana turbinatim aggera-  
tos radios , & dat in aëre videndum  
nouum Firmamentum nouis Stellu-  
lis caudatis , & Cometis ornatum ,  
videmus ; quòd impellitur à ventis  
fumus eodem modo ; sicut impel-  
luntur nubes , & quò hæ propulsan-  
tur propulsatur . Ergo sicuti colligi-  
mus ex eo , quòd non videamus  
nubes ferri ab Oriente in Occiden-  
tem , rapi motu raptus , neque me-  
diam Regionem aëris moueri , rapi  
motu raptus ; sic debemus pari pas-  
su discurrendo dicere ; quòd cum  
non videamus ferri fumum in mo-  
rem nubis conspissatum ab Oriente  
in Occidentem ; sed à ventis , qui  
tunc spirant , illuc propulsari , quò  
propulsantur nubes , neque hanc  
nostram infimam Regionem aëris  
moueri rapi motu raptus ab Oriena-

se in Occidentem ; quia illum raptum  
secum raperet . Tertiò ; quia si mo-  
ueretur motu raptus ab Oriente in  
Occidentem hæc nostra Regio aëri  
hæc infima, non densis illis nebulis  
quas experimur sæpè , obuallare-  
mur per multas horas manè ; quia  
motu raptus raperentur aliò breui-  
simo interuallo temporis . Quartò  
quia sicuti cum quis concitatè am-  
bulat , & se concitatè vertit ; dum  
saltat , & se concitatè vibrat , et  
illa scissio aëris ad sensum palpabi-  
lis ; si est insuper commotio huius ab  
impulsu venti Aquilonaris tam sen-  
sibilis ; quanto magis esset sensibi-  
lis , & nobis esset palpabilis com-  
motio aëris ; si motu raptus rapere-  
tur hæc Regio infima ? Quintò na-  
ues impellerentur semper versus  
Occidentem , & inflarentur velæ à  
parte Orientis , à qua aër raperetur  
ad Occasum ; neque possunt modò  
versus Austrum ; modò versus Bo-  
ream ; modò ad Orientem ; modò  
huc , illucque ferri ; vt feruntur .  
Est ergo euident ; quòd nostra hæc

Re-

Regio aëris non moueatur motu  
raptus ab Oriente in occidentem,  
& quòd per consequens non gene-  
rentur in hac infima Regione aëris  
Cometæ, quia vna cum his ipsa ra-  
peretur ab Oriente in Occiden-  
tem.

Neque potest dici; quòd ge-  
nerentur vbi est Sphæra ignis; quia  
exhalationes, quæ è terra sursum  
elevantur, si perueniant, vt suppo-  
nitur, ad ipsam Sphæram ignis,  
cum sit hic actiuissimus, attenuan-  
tur, & amittunt suam crassitiem;  
nec sunt amplius consequenter aptæ  
ad formationem Cometarum; cum  
ex crassis, pinguibus, & condensa-  
tis hi conflentur.

Cum igitur Cometæ Subluna-  
res non generentur, & conflentur  
neque in Sphæra ignis, neque in  
hac nostra infima Regione aëris,  
neque in secunda; quid aliud potest  
liceri; quam quòd generentur in su-  
prema?

In hac dicendum ergo est Co-  
metas Sublunares verè generari ex

exhalationibus terrestribus in altum eleuatis, crassiss, & pinguibus inter se constipatis, tenaci, pertinaci nexu condensatis, & ob id moueri motu raptus ab Oriente in Occidentem; quia motu raptus mouetur ab Oriente in Occidentem suprema Regio aëris, cum qua mouentur. Nec mirum; quod moueatur motu raptus Sphæra ignis, & suprema Regio aëris; non autem secunda, & hæc nostra infima, quas, cum rationes supra allatæ nos conuincant, tenemur dicere non rapi, vt illas motu raptus; quia etiam dum proicitur in aquam maris, vel prægrandis lacus lapidis, gyros conficit vccusque inueniant locum partes, quæ se ad inuicem impellunt; vt dent locum lapidi proiecto, & impetus in hoc impressus desinat. Mouet inferiores Sphæras Primum Mobile impetu, quem imprimit in his; extenditur vis eius, qua secum illas trahit ab Oriente in Occidentem, vsque ad supremam aëris Regionem; in hac terminatur eius vis,

vis, & impetus in eis impressus. Si verò negas dari Primum Mobile, & frustra hoc poni; si non vis consequenter, moueri motu raptus primam Regionem aëris, dic moueri ab Oriente in Occidentem ab Intelligentijs, & ab his quoque habere motum proprium; vti mouentur ab Oriente in Occidentem ab Intelligentijs, & ab his quoque habent motum proprium tam Stellæ Planetariæ, quam Fixæ, vt communiter auctores asserunt. Si existimas non esse multiplicanda entia sine necessitate, & opinaris prouenire vtrumque motum in Cometis etiam Sublunaribus à principio intrinseco; dic haberi ab Influxibus Cœlestibus, qui sicuti vim habent commouendi ventos, qui per me non sunt aliud, quam exhalationes excitatæ, & illis commixtæ; commouendi tempestates modò ex hac parte, modò ex hac alia; sic vim habent tribuendi hunc motum ab Oriente in Occidentem, & motum proprium Cometis; vti habent sy-

de-



dera, quæ influunt, vtrumque. Hinc est; quòd dum sunt visa noua, & fera phænomena, est inuentus semper concursus maleficorum syderum, à quibus fuerant causata.

Habemus ex iam dictis vbi generentur Cometæ Sublunares; inuestigemus modo vbi Cometæ non Elementares, & Cœlestes generentur.

Si loquamur in sententia eorum, qui in Cœlo admittunt mutationem, corruptionem Cometæ non Elementares, & Cœlestes generantur, si velimus numerum Cœlorum, qui communiter admittitur, admittere, in eorum aliquo, qui numerantur, ex exhalationibus, quæ producantur à Sole, à reliquis Planetis, à Stellis Fixis, à concitatissimo Cœlorum motu. Si autem nolumus admittere, vt admittitur communiter, Cœlorum numerum, Cometæ non Elementares, & Cœlestes generantur modò in parte superiori, modò in parte inferiori auræ æthereæ ex exhalationibus  
eua-

euaporatis à Sole, à reliquis Planetis, à Stellis Fixis. Producur illæ à Sole, & à Planetis; quia cum contineat Sol centum sexaginta sex vicibus; vt docet Clavius in tractatu suo de Sphæra, terræ magnitudinem, & sit tam vastæ molis; cum Saturnus eiusdem terræ magnitudinem contineat nonaginta, & vna vicibus, Iuppiter nonaginta quinque vicibus; Mars vna vice, cum sint Venus, & Mercurius, etsi sint notabiliter minores terra, vastæ magnitudinis; cum sit quoque Luna, etsi terra contineat in se huius magnitudinem triginta nouem vicibus, prægrandis, & immanis molis; cum sint abundanter luce, quam ad nos reflectunt, & se dant videndos nobis, prouisi à Sole, non possunt non produci ab ipsis exhalationes nouæ, & nouæ in magna copia. Si è terra, quæ respectu ipsorum est, Luna excepta cum Venere, & Mercurio, tam parux, vel minoris magnitudinis, erumpunt, euaporant noui, & noui in magna copia

pia calidi, & sicci halitus; quot, & quot novos erumpere in maiori copia, & euaporare ex illis debemus supponere?

Certè ex Astronomis non desunt, qui existimant; quòd illæ maculæ, quæ visæ Telescopio videntur esse corpora minutula, quæ mouentur susque deque, & feruntur motu vario, nil aliud sunt, quam huiusmodi crassi halitus sicci, & calidi; quam crassæ, & pingues euaporationes, & exhalationes densiores, quas esse emittit, & eructat Solare corpus. Huius opinionis esse scio Dominicum Cassinum in Astronomia præclarissimum, qui summo cum honore, & plausu Bononiæ legit Mathematicam, & hic obseruauit summo studio, & accurata diligentia, Cometæ à nobis modo visi motum, cum reliquis, quæ in suo præstantissimo discursu posuit.

Videntur esse Solis maculæ, & corpuscula minutula, quæ erumpunt è Solari corpore, hos crassos halitus, has pingues exhalationes, has

has æstuosas, conflagrosas euaporationes; primò; quia videntur illa  
opponi ex improviso nostris oculis,  
ac si tunc erumpant, euaporent è  
Solari corpore. Secundò; quia  
visa statim euanescent; vt euane-  
scunt statim, quæ eructat Aetna, &  
euomit Vesuuus; vt euanescent  
statim facillæ, quæ è fornacibus  
erumpunt. Tertiò; quia videntur  
in initio nigriores ob crassitiem, &  
ob spissitatem; deinde attenuantur  
illi crassi, & pingues halitus, & de-  
fecati, attenuati albescunt; mox  
in facularum morèm æstuant, & in  
ordinariam solis superficiem desi-  
nunt. Transformati in Solem vi-  
dentur ab actiuitate solis rarefacti,  
& illustrati; vt transformati in So-  
lem nubes videntur; dum has ille  
percutit, & has attenuat; dum has  
ille illuminat. Quartò; quia quam-  
plura ex ijs minutulis corpusculis  
per plures dies progrediuntur ordi-  
natim ad similitudinem nigrorum  
punctorum, & minutarum macula-  
rum; accenduntur, ardent deindè,  
ac

ac si essent massæ crassæ, & pingues  
 exhalationum, quæ concepto igne  
 in morem facularum ardent; dissi-  
 guntur denique, & disjuncta, rar-  
 facta, attenuata dissipantur. Qui-  
 tò; quia non potest dici; quòd h  
 Solis maculæ sint nubes, seu crassæ  
 nebulæ, vaporibus, & terræ exha-  
 lationibus commixtæ, quæ interpo-  
 nuntur inter nostrum oculum, & So-  
 lem; tum quia nullam patiuntur  
 parallaxim; cum in diuersis locis  
 spectatæ semper inuentæ sint, & vi-  
 sæ in eadem parte Solis; vt testatur  
 Scheiner in sua Rosa Vrsina libr. 4.  
 cap. 55. tum quia nunquam videntur  
 extra Solis discum; sed cum hoc  
 cernuntur in Oriente oriri; cū hoc  
 progredi, & cōficere diurnum motum  
 cum hoc in Occidente occidere  
 Sextò; quia neque potest dici, quòd  
 dictæ Solis maculæ sint partes cor-  
 poris Solaris; quòd sint ei consub-  
 stantiales, commixtæ massæ, &  
 substantiæ ipsius; quia anno 1618. quæ  
 post trabem illam horridam, ob-  
 longam, & sanguineam apparuit

Cometa ille Cœlestis, qui Imperij commotiones præsignauit, euanescere è Sole dictæ maculæ, & in hoc nunquam fuere visæ tunc; vt testatur Argolus in Pandosio Sphærico c. 44. Blancanus libr. 16. cap. 4. & Grassus citatus à Blancano ibidem, qui asserit se hoc obseruasse, & sæpè accuratissimè tubo optico aspexisse.

Maximam difficultatem patitur opinio hæc ex eo; quia graniores Solis maculæ, quæ non euanescono à visu fugiunt, nec destruuntur ante dies 28. redeunt periodicè, & in eadem parte Solis iterum post dies 27. videntur. Posset, tamen; si quis illam vellet sustinere dicere; quòd Sol habet suas emissoria; vt sua habent Vulcanus, & Vesuius, vt sua habent Etna, & conflagrosi montes similes; vt suas habent fornaces, è quibus sicci hañtus, exhalationes pingues, crassæ eructant; è quibus euaporant ensæ, & conspissatæ euaporationes, & quòd ex eo hæc se videndas præbeant.

beant post dies 27. iterum ; quia cum se vertat in se ipso semper periodica vertiginē Solare corpus ; existimant , & probant Scheiner , Keplerus , post dictum tempus redeunt , & iterum se nobis dant pinguiore illi , crassiores , in more constipatae nubis prodeuntes hauritus , qui ex Emissorijs corporis Solaris euaporant in tam magna copia . Quod periodica vertiginē se vertat Sol in se ipso in dicto spatium 27. dierum , audi Scheiner ; ut in Parte 2. suae Rosae Vrsinae libr. 4. c. 10. loquitur . ( Sol , inquit , singulis vicenis septimis diebus circiter unam circa centrum propriam revolutionem conficit , & huius conuersionis beneficio quidquid lucis , quidquid virtutis radiosa continet , successivè tam in terram quam in universum Caelum abundantissimè effundit . ) Sic ille . Quod dictae grandiores Solis maculae se dent iterum videndas post idem supradictum spatium viginti septem circiter dierum , audi ; ut idem

Schei-



cheiner loquitur in Prima Parte  
 æ Rosæ Vrsinæ libr. 4. c. 67. (*Ma-*  
*ula anni 1625. redux, à die 12.*  
*Julij ad 19. Augusti in cursu O po-*  
*to in figura, quæ videtur, die 24.*  
*Julij hora matutina 8. Horizon-*  
*m Occidentalem visa est insidere,*  
*indem deindè redux mense Augu-*  
*sto obtinuit ultimò conspecta die 19.*  
*hora sexta vespertina, & sic pro-*  
*na integra reuolutione ab Hori-*  
*ontis Occidentalis contactu ad con-*  
*ctum eiusdem insumpsit dies 26.*  
*horas 10. plus minus. Iam si idem*  
*mpus computemus per partes ab*  
*casu diei 24. Julij ad ortum diei*  
*Augusti, ad 19. eiusdem dierum*  
*mirum 13. horarum 18. fiet*  
*mma tota cursus periodici dies*  
*5. horas 10. plus minus. Nam*  
*c non ago; ut rem hanc subtilissi-*  
*am ad horas, & minuta rigore*  
*ometrico, à quo diuelli nefas sit,*  
*elim alligare &c.) Hoc ibidem*  
*em repetit, & idem confirmat ob-*  
*seruationes à se factas in pluri-*  
*us alijs locis.*

His

His positis ; quos calidos ,  
 siccos halitus ; quas euomit exh  
 lationes incessanter Sol ex Emiss  
 rijs suis ? quæ ex eius corpore de  
 scæ , & conspissatæ erumpunt euap  
 rationes ? Quos siccos halitus ,  
 quas exhalationes producant a  
 Planetæ sua luce , & suo calore ?  
 consequenter quid mirum ; si nou  
 & nouæ semper exhalationes gen  
 rantur , condensantur , conspissa  
 tut ? quòd de nouo fiant Cometæ  
 Cœlo ? Ob id existimo ; quòd  
 conflentur ex exhalationibus Cœl  
 stibus Cometæ , generari in dies no  
 uos in Cœlo , & longè plures , quæ  
 apparent nobis ; & si non cernuntur  
 prouenit ex eo ; quia sunt paru  
 molis , & in maxima distantia .

Huius opinionis certè est no  
 solum Pater Scheiner ; sed Pater  
 Kircher in suo Itinerario extatico  
 Beatus in suo tractatu de Sphæra  
 & Cabeus , qui in sua Meteora libri  
 I. textu 37. quæst. 6. circa finem si  
 ait . ( *Difficillimum sanè est diui  
 nare , ex qua materia fiant huius  
 modi*

modi maculae Solares , in qua re-  
curatè philosophatus est Scheine-  
r in sua Rosa Ursina . Ego ta-  
men contendere nolo , utrum globus  
solaris sit fornax quaedam , ex qua  
perpetuò euomantur fumidae nubes ,  
et evaporent perpetuò halitus , qui  
increbrescentes vel Solis faciem ma-  
scent , lumen sistendo , vel luce  
abuti faculas representent ; an-  
tius ex alijs corporibus effluentes  
vaporations ad Solem , tamquam  
ad centrum confluant , & in nube-  
las illas cogantur . Certè quid sit  
hac re dicendum ; cum non hic  
deatur locus hoc examinandi , non  
finio . Illud certum puto , macu-  
las Solis corpora esse , quae lumen  
obscurant ; ut faciunt nubes in aere . )  
Maculas igitur illas , subdit idem  
non multò post , tandiu puto macu-  
las esse , quoad lucem Solis obsti-  
tè sistunt , & sua opacitate nobis  
e parte Solis faciem eclipsant .  
quòd si attenuentur ita ; ut mate-  
riam illam lux pervadat ; puto non  
maculam amplius referre ; sed fa-  
cu-

culam ab eodem auctore obseruatam, & iniuriam quasi beneficium compensare; quæ enim lucem prius sistendo inumbrabat, eandem refrangendo, vel augendo multiplicat; & sicuti videmus nubes in nostro aëre suspensas aliquando diem sepelire, & Solem nobis surripere, aliquando sic luce clarescere; ut nobis lumen augeant, & Solis speciem referant. Hoc idem illis maculis accidere dixerim; & ita quod facule aliquando in Sole videantur, putato esse maculas illuminatas, & luce Solis imbutas. Habent ergo illa maculae, seu materia macularum duo. Habet; ut lumen sistat suæ opacitate, & ut luce aliquando vestiatur, & splendescat, dependenter tamen à Sole, & quasi mutata ab ipso luce. Ex hac doctrina de maculis Solaribus, qua tantis est firmata experientiis, & observationibus, ut negari non possit, illud colligitur, ex Sole effluvia expirare, & si difficile tibi videtur, ex tam luminoso corpore umbrosa perpetuò

perpetuò effluvia prodire, certè non tibi, nec cuiquam difficile videri debet; si dicatur ex alijs corporibus Cœlestibus effluvia perpetuò exire. Non facio ego Stellas, quasi globos terrestres; nec contendo, utrum sint substantiæ corruptibiles, an non; sed si ex Sole prodeunt perpetua effluentia corporea; quid nō etiam prodeant, & facilius, ac verosimilius ex Ioue, Venere, & Luna? Certè non minus immortale corpus videtur Sol, quam Venus, & Mercurius; & si concedendū est ex aliquo corpore cœlesti prodire effluentia illa, quæ & maculas, & faculas Solis formant, ad iudiciū te ò Lector prouoco non solum sapientum; sed etiam vulgarium hominum; num credibile sit magis, materiam macularum effluere à Sole: an ab aliquo Astrorum, &c.) Concludit denique propè finem sic dicendo. (Hæc igitur opinio, à qua ego non possum recedere, donec meliorem quis doceat, putat materiam Cometarum Cœlestium esse illud idem,

D

quod

quod confluit ad formandas maculas Solis. Quare materia Cometa-  
rum Cœlestium erit effluuium siue  
Solis, siue alterius aſtri, & ita re-  
dolebit naturam illius aſtri, cuius  
effluuium eſt. Hanc ſententiam,  
non ut demonſtrandā do; ſolum dico  
inter alias videri fortasſe minores  
habere repugnantias, & eſſe phyſi-  
cam; nec enim puto recurrendum  
ad cauſam primam liberè operan-  
tem nihil tale exigente vlla cauſa  
ſecunda creata; quia philoſophicum  
non videtur. Quod ſi verum eſt,  
quod dicitur obſeruatum in Come-  
ta anni 1618. toto illo tempore,  
quo durauit Cometa, non eſſe viſas  
maculas vllas circa Solem, hoc fir-  
maret me in hac ſententia. Nam  
verum quidem eſt, potuiſſe hoc ex  
contingenti accidere, quod obſerua-  
tum eſt, Solem aliquando quidem  
carere maculis omnino; ſed ad tan-  
tum tempus non fuit obſeruatum.  
Magnum ergo eſt argumentum,  
Cometam ex materia illa fuiſſe  
compoſitum, qua macula formari  
de-

*debeant . ) Sic ille .*

Producunt etiam hos calidos, & siccos halitus in magna copia, & has exhalationes Stellæ Fixæ; quia etsi ob maximam distantiam iudicentur esse parvæ molis; sunt tamen vasta corpora. Nam Fixæ primæ magnitudinis; ut opinatur Tycho, continēt in se terræ magnitudinem sexaginta, & octo vicibus; ut opinatur Clavius centum septem vicibus. Fixæ secundæ magnitudinis continēt, ut Tycho existimat, eiusdem terræ magnitudinem viginti, & octo vicibus; ut docet Clavius, nonaginta vicibus. Fixæ tertiæ magnitudinis continent, ut Tycho vult, in se terræ magnitudinem non nisi undecim vicibus; sed ut vult Clavius, septuaginta duabus vicibus. Fixæ quartæ magnitudinis; ut docet Tycho, continent in se terræ magnitudinem quatuor vicibus; sed ut vult, & docet Clavius, quinquaginta quinque vicibus. Fixæ quintæ magnitudinis in se continent secundum Tychonem terræ magni-



tudinem vna vice tantum, & aliquid plus; secundum Clauium verò triginta sex vicibus. Fixæ sextæ magnitudinis, sunt iuxta calculos Tychonis minores terra, & huius magnitudinis tantum tertiam partem continent; at iuxta Clauij calculos sunt longè maiores terra; siquidem secundum ipsum continent in se huius magnitudinem decem, & octo vicibus. Cum ergo sint tam magna, & vasta corpora; cum habeant lumen proprium, non à Sole acceptum, vt Planetæ; operantur consequenter maiori actiuitate, quam Planetæ.

Dixi; cum habeant lumen proprium; quia existimo; quòd Stellæ Fixæ non accipiant lumen à Sole; vt ab hoc illud sumunt Stellæ Planetariæ; quia Sol distat maximè à Stellis Fixis; ob quam ab his distantiam, si respiceretur Sol à positura, in qua sunt Stellæ Fixæ primæ magnitudinis, aspiceretur longè, & longè minori mole, & magnitudine; nec videretur illas adeò

ex-

excedere . Quo posito non est probabile ; quòd Sol , qui vna ipsarum non est tam longè maior , det omnibus , quæ numerantur in tam magno numero lumen . Si Sol esset in eadem à nobis distantia terram non illuminaret , sicuti nunc illuminat ; in tam magna ab eis distantia quomodo communicare potest omnibus tam viuan lucem ? quòd autem non illuminaret terram Sol in tanta distantia , positus in positura Stellæ Fixæ primæ magnitudinis , probatur ex eo ; quia in eius Eclypsi non totali , exiguus eius limbus ab Eclypsi immunis , licet secundum longitudinem sit longè maior , quàm Stellæ Fixæ , tenebras non vincit , tamen , neque illustrat terrā luce subdubia , & mortua ; sed ita obtenebrescit aër ; vt visæ sint tunc aliquando in Coelo Stellæ Fixæ , vt testatur Keplerus in Astr. Opt. c. 7.

Probatur secundò , quòd Stellæ Fixæ non desumant , & à Sole habeant lumen , vt Planetæ ; sed habeant lumen proprium ; à se , à suis

principijs intrinsecis; quia viuaciori, & validiori luce lucent Stellæ Fixæ, quam Saturnus. Si autem sumerent à Sole lumen, deberent consequenter lucere luce tenuiori, & debiliori ob maiorem distantiam; qua à Sole distant.

Probaturn tertio, quia non videntur habere solum lumen validum sed videtur euibrare Stellæ Fixæ radios, splendorem iaculari. Planetæ verò videntur lumine perfusi, & luce aspersi, vt Luna; & est palpabiliter diuersum eorū lumen à lumine Fixarum; nā lumen harum est viuidum, & micans, eorum verò mortuum. Est autem Planetarum lumen mortuum; quia est à Sole acceptum, & ad nos remissum. Est Fixarum lumen viuidum, & micans; quia est à perenni vena ad nos transfusum, & quamuis scintillatio refundatur tota à Scheiner, à Blancano libr. 17. c. 12. & ab alijs in medium, per quod syderum radij, ac species, siue imagines transeunt; etsi non desint qui dicunt, ex eo scintillare

Stel-

Stellas ; quia interrumpitur transmissio radiorum , ac specierum ob exhalationum , & vaporum in aëre existentium agitationem ; quia syderis imago distrahitur , & agitata agitatione ipsorum trepidat ; vt in superficie aquæ currentis videtur trepidare imago eiusdem ob eandem rationem . Tycho tamen tom. 1. Prog. c. 6. n. 12. Keplerus Astr. Opt. c. 6. n. 12. & alij volunt , non oriri solum ex eo ; quia earum radij distrahuntur ; quia interrumpitur eorum lux ad nos transmissa transiens per medium ; quia earum species impediuntur ab exhalationibus , quæ sunt in medio , per quod transeunt , & à vaporibus , qui interponuntur ; quia eorum imagines huc illuc , susque deque motu leui deferuntur , agitantur ; sed ex eo etiam ; quia emanant indefessa emanatione ex illis tanquam fontibus perennibus ; quia tam perenni fluxu fluunt , & tam abundantia copia splendores ; vt videantur se quasi impellere , & se impellendo

exitum accelerare , vt aquæ , quæ de fontibus tumultuatim exeunt ; è contra Planetæ , cum non habeant lumen proprium , sed à Sole accipiant , scintillant solum ; cum abundant in aëre vapores ; Fixæ verò scintillant semper :

Probatur quartò ; quia Stellæ Fixæ eutrant , & diffundunt circum circa radios ad modum Solis ; Planetæ verò perfunduntur , vt orbiculares Lunulæ lumine ; ostenduntque illæ esse veluti Soles ; hi esse veluti Lunulas . Hinc est ; quòd de illis loquens Galilæus Dialogo 3. de Mundano , seu Cosmico Systemate sub Saluiati persona dixit . ( *Stellæ Fixæ , quæ totidem Soles sunt , nostro Soli conformes &c.* ) Hinc idem Galilæus in suo Nuncio Sidereo pag. 16 referens quid suo tubo optico obseruauerit respiciens illas ait . ( *Adnotatione quoque dignum videtur esse discrimen inter Planetarum , atque Fixarum Stellarum aspectus . Planetæ enim globulos suos rotundos ,*

*ac circinatos obijciunt , ac veluti Lunula quædam undique lumine perfusæ orbiculares apparent; Fixæ verò Stellæ veluti fulgores quidam radios circumcirca vibrantes , atque admodum scintillantes &c. )* Hinc Keplerus etiam in dissertatione cum Nuncio Sydereo pag. 9. dixit , ac si loqueretur cum Galilæo . ( *Quid aliud indè Galilæe colligemus ; quam Fixas ab intus sua lumina emittere ; Planetas verò extrinsecus desumere ; hoc est , ut Brunus verbis utar , illas esse Soles ; hos Lunas ; seu Tellures .* ) Hoc idem asserit , & huius opinionis est Iordanus Brunus citatus à Keplero libr. de Infinito . Renatus de Cartes Parte 3. n.9. 10. 20. & 23. Anguilonius libr.5. Opticæ propos.81. Cardanus de subtilitate cap. 3. pag. 138. Ricciolus in suo Almagesto tom.1. libr.6. c.2. n.6. & Antonius Maria de Reitha , pag.177. sui Radij Sidereomistici .

Cum ergo Stellæ Fixæ lucem habeant propriam & sint naturæ con-

fequenter igneæ; cum sint tam va-  
sta, tam immensa corpora; quid  
mirum, si suo calore, & lumine  
producant vna cum Planetis nouas,  
atque nouas semper exhalationes?  
Si ex eo; quòd concurrant tali, &  
tali modo causant impressiones no-  
uas in aëre; si varijs syderum aspe-  
ctibus vapores, & exhalationes vi  
veluti magnetica attrahuntur sur-  
sum, congregantur, condensantur  
modò in nubes, modò in grandi-  
nem, aut niuem; si ab aspectibus  
eorum proueniunt tempestates; si in  
secūda aëris regione modò hæ influ-  
xibus eorū fiunt, modò illæ Metheo-  
rologiæ impressiones; vt suppono  
ex obseruationibus Astrologiæ, &  
in suprema Cometarum formatio-  
nes; cur non potest dici; quòd ex  
eo, quòd concurrant, & se tali, &  
tali modo aspiciant, formentur, &  
conflentur etiam Cometæ in Coelo?  
quòd exhalationes quoque crassio-  
res, quæ in hoc tunc sunt, consti-  
pentur, conspissentur?

Adde; quòd cum sit motus cau-  
sa



sa caloris, & tam Planetæ moueantur motu rapidissimo, quam Fixæ ab Oriente in Occidentem præter motum proprium, quo illi velocissimè, hæ tardissimè mouentur, non possunt non causari nisi exhalationes maximæ à tam concitatis motibus. Videmus excitari in rotis ignem; dum hæ non interrupto, & nimis concitato mouentur motu; ut quotidiana docet experientia; dum rapido, incessanti cursu currus currunt; & non vis produci motu longè, & longè magis concitato, motu nunquam interrupto Planetarum, & Fixarum exhalationes nouas, atque nouas?

Si tamen corruptionem non vis in Cœlo admittere; teneris dicere non generari in Cœlo Cometas; sed de nouo solum apparere, & tunc videri à nobis de nouo in Cœlo; cum propè nos se vertunt in suo magno Circulo, & sunt propè Perigæum huius. Attollunt se deinde, & per illum se voluentes in supremum ætheris ascendunt.

ascendentes elongantur, & disparent; quia ob distantiam maximam à nobis, & minoritatem molis discerni à nobis non possunt neque Telescopio; ut neque hoc discernuntur omnes Stellæ Fixæ.

Iuxta hanc diuersitatem opinionum debes de nouo à nobis viso discurrere. Si non tibi cura est in Cœlo admittere corruptionem, dic fuisse illum, cum fuerit Cœlestis, ex exhalationibus Cœlestibus de nouo in Cœlo conflatum modo dicto. Si in Cœlo corruptionem non vis admittere, dic non fuisse de nouo in Cœlo generatum; sed quòd erat, & quòd de nouo se dedit nobis videndum; quòd se conuoluens per suum magnum Circulum venit in eam partem Circuli, quæ erat nobis magis propinqua, & propè Perigæum dicti sui Circuli magni.



*Quam*

*Quam nam magnitudinem Cometae  
habent? & quam nam de no-  
uo visus habuit.*

## CAPUT V.



QVOD ad quintum  
spectat, & ad eorum  
magnitudinem dico;  
quòd neque Come-  
tæ Sublunares, &  
Elementares; neque  
non Elementares, & Cœlestes ha-  
bent certam magnitudinem, & sta-  
bilitam molem. Apparent enim  
aliqui maiori; aliqui minori magni-  
tudine. Sub Aristæo apparuit Co-  
meta tam prægrandis, & vastæ,

lis ; vt eius lumen se extenderit ad tertiam partem Coeli . Audi Aristotelem qui hoc narrat libr. I. Meteor. c. 3. (*Apparuit Aristæo imperante tam magna Stella , vt eius lumen se extenderit ad tertiam partem Coeli . Ascendit autē ad Zonam Orionis , & ibi dissoluta est .*) Visus est Neronis tempore Cometa Solis magnitudine ; vt testatur Seneca c. 8. de Cometis . Variauit etiam hic suam magnitudinem , & molem , vt refert idem Seneca loco citato . Variauit quoque suam ille , qui visus est anno 1577. vt testatur Tycho . Variarunt suam non nulli alij .

Variarunt autem , atque variant ; vel quia incedunt se vertendo in se ipsis ; vt Scheiner, Keplerus docent in se ipso verti , & volui Solem . Nam cum in se ipsis se voluant , & non sint perfectè Sphærici , vt non sunt perfectè Sphærici Planetæ , modo partes maioris molis ad nos vertunt ; modo partes minoris . Vel variarunt molem , atque

que variant; quia augentur, aggregantur modò, & aggregantur illis successivè novæ exhalationes; modò ignefactione consumuntur; aut dissoluuntur calore Solis, & calore luminis Fixatum; motu supradicto Planetarum, & Fixarum; si existimas Cometas quidem esse exhalationum massas condensatas, constipatas; at non accensas; sed tantum illustratas, & illuminatas; ut illuminantur sydera, vel ut illuminantur nubes à Sole. Si vis ergo Cometas esse exhalationum massas condensatas, conspissatas, debes dicere; quòd hæ in mole crescunt, & videntur maiores, vel quia severtendo in se ipsis ostendunt portionem crassiorem, & maiorem molis suæ; vel quia accumuluntur novæ in dies exhalationes. Minuuntur autem; quia hæ vel in magna copia attenuantur, dissoluuntur calore Solis, lumine tam Planetarum, quam Fixarum, tam harum, quam illorum motu, & non sunt amplius aptæ; ut illustrentur, & illuminentur;

tur; vel ignefactione consumuntur. Quòd si demum vis esse luminosa corpora Cometas; si vis esse Stellas errantes, dic; quòd modò sunt nobis proximi, & in inferiori parte circuli magni, per quem se voluunt; in huius Perigæo, vel prope huius Perigæum, & tunc ob proximitatem videntur esse molis maioris; modò se attollendo à nobis se elongant, & tunc ob distantiam maiorem videntur esse molis minoris. En cur Cometæ variant magnitudinem, & molem; cur cernuntur modò parui; modò magni.

Visus est de nouo à nobis visus etiam, modò maior, & modò minor; variauit etiam ipse molem, & magnitudinem. Si sine Telescopio cernebatur; videbatur maior Stella Fixa primæ magnitudinis. Si verò Telescopio aspiciebatur; videbatur eius moles maior. Suam ille auxit in decursu molem. Vt auxit molem in decursu; sic deinde minuit, & minorem semper magis, atque magis se videndum dedit.

Mo-

Molem auxit, atque minuit ob rationem, quam tu potes ex allatis dare conformem opinioni, quam amplecteris. Inuenies in quaestio subsequenti in fine hoc idem melius examinatum; dum quæro; cur barbatus in initio visus fuerit, & deinde caudatus; cur degenerauerit in caudam barba, & ex caudato iterum euenerit barbatus, immutata, & immutata cauda in barbam.

Accuratior, & ad inueniendam magnitudinem Cometæ à nobis de nouo visi, ad percipiendam eius molem aptiores calculos in suo discursu, & in suis obseruationibus è Danzica ad nos misit Heuclius Mathematicus percelebris. Hic enim asserit; quòd die 14. Decembris obseruauit; quòd eius caput erat subflauo coloris, luminisque debilioris; at quòd erat in meditullio eius lucidius, & validius quoddam lumen trium, vel quatuor minutorum in diametro stipatum alio obscuriori capillitio, concluditque; quòd aestimabatur eius Diameter totalis 12. ferè



ferè minutorum .

Iuxta hanc hypothesim, si nullam Parallaxim passus est ; vt existimarunt aliqui , & ponatur supra Solem ; quia nulla datur supra Solem Parallaxis notabilis . Si Sol iuxta calculos Tychonis continet in se terræ magnitudinem centum quadraginta vicibus ex eo ; quia eius Diameter secundum calculos eiusdem est 31. triginta vnus Minutorum , & aliquid plus . Si supponamus cum Heuelio ob obseruatione , quam die 18. Decembris fecit, Diametrum Cometæ de nouo à nobis visi fuisse Minutorum 12. loquendo , & discurrendo iuxta eiusdem Tychonis calculationes, debet dici ex vi aureæ regulæ ; quòd continuit detractis semper fractis terræ magnitudinem 54. quinquaginta quatuor vicibus ad minimum . Dixi ad minimum ; quia cum ponatur supra Solem , debet dici ; quòd continuit plus .

Quòd si vis Diametrum Cometæ à nobis de nouo visi fuisse  
Mi-

Minutorum quatuor , & Atmosphæ-  
am reliquum ; vt in verbis supra  
allatis videtur annuisse Heuelius ;  
dicendum est Cometam habuisse  
continentiam terræ magnitudinis  
8. decem , & octo vicibus , & ali-  
quid plus .

Si vis autem Diametrum Co-  
metæ à nobis de nouo visi fuisse  
Minutorum tantum , & Atmo-  
sphæram reliquum ; vt ex eiusdem  
Heuelij verbis supra allatis potest  
colligi , dicendum est , Cometam  
habuisse continentiam terræ magni-  
tudinis 13. tredecim vicibus , &  
aliquid plus .

Pater Honoratus Faber æquè  
in Mathematicis , ac in Philoso-  
phia , & Theologia eximius , qui  
accuratissimè Cometam de nouo à  
nobis visum obseruauit instrumen-  
to , quod hæreditauit à solertia  
P. Greinbergerij Mathematici ce-  
lebratissimi nostri sæculi , existimat  
fuisse ad summum eius Diametrum  
vnius tantum Minuti , reliquum Co-  
metæ Atmosphæram , & in vaporibus ,

bus, qui illum obuellabant lumen refractum. Qua facta hypothefi; fi fupponatur fupra Solem, debet dici; quòd habuit terræ magnitudinis continentiam quatuor vicibus, & aliquid plus.

Si è contra fupponatur; quòd fecundum Tychonem fit Solis Diameter 32. Minutorum; vt fupponit Scheiner libr. 4. fuæ Roſæ Vrfinæ Parte 2. c. 6. in fine. Sol contineret terræ magnitudinem 144. centum quadraginta quatuor vicibus, & aliquid plus.

Cometa verò fiue 12. duodecim fiue 4. quatuor, fiue 3. trium Minutorum, fiue 1. vnus Minuti continebit terræ magnitudinem tot vicibus, quot fupra diximus ex fuppoſitione, quòd Sol habeat Diametrum Minutorum 31. cum ſolum differentia fit in fractis.

Iuxta hanc ſuppoſitionem, quòd Sol habeat Diametrum 32. triginta duorum Minutorum, habet ſecundum Scheiner.

Solis	Semidiameter	Paf-
		ſus

fus 18411619. octodecim milliones , quadrigenta vndecim millia , sexcentos , & nouendecim . Milliaria verò Romana 18411. octodecim millia , quadrigenta vndecim , & aliquid plus .

Diameter Passus 36823238. triginta sex milliones , octingenta viginti tria millia , ducentos triginta , & octo . Milliaria verò Romana 36823. triginta sex millia , octingenta viginti tria , & aliquid plus .

Circūferentia Passus 115683612. centum quindecim milliones , sexcenta octoginta tria millia , sexcentos , & duodecim . Milliaria verò Romana 115683. centum quindecim millia sexcenta octoginta tria , & aliquid plus .

Circumferentiæ Dimidium Passus 57841806. quinquaginta septem milliones , octingenta quadraginta vnum millia , octingentos , & sex . Milliaria verò Romana 57841. quinquaginta septem millia , octingenta quadraginta vnum ,  
&

& aliquid plus .

Sic ex vi aureæ Regulæ facta hac suppositione , & facta hypothesi ; quòd habuerit Cometa Diameter 12. duodecim Minutorum, dicendum est , quòd eius .

Semidiamiter habuerit ad minimum Passus 6904357. sex milliones , nongenta quatuor millia , trecentos quinquaginta , & septem . & aliquid plus . Milliaria verò Romana 6904. sex millia , nongenta quatuor , & aliquid plus .

Diameter ad minimum Passus 13808714. tredecim milliones , octingenta octo millia , septingentos quatuordecim , & aliquid plus . Milliaria verò Romana 13808. tredecim millia , octingenta octo , & aliquid plus .

Circumferentia ad minimum Passus 43381354. quadraginta tres milliones trecenta octoginta vnum millia trecentos quinquaginta quatuor , & aliquid plus . Milliaria verò Romana 43381. quadraginta tria millia , trecenta octoginta vnum ,

vnum, & aliquid plus.

Circumferentiæ dimidium ad minimum Passus 21690677. viginti vnum milliones, sexcenta nonaginta millia, sexcentos septuaginta septem, & aliquid plus. Milliaria verò Romana 21690. Viginti vnum millia, sexcenta nonaginta, & aliquid plus.

Si verò supponamus Cometam habuisse Diametrum 4. quatuor Minorum, dicendum est ex vi eiusdem aureæ Regulæ, quòd eius

Semidiamiter habuit Passus 2301452. Duos milliones, trecenta & vnum millia, quadringentos quinquaginta duos, & aliquid plus. Milliaria verò Romana 2301. duo millia trecenta vnum, & aliquid plus.

Diameter Passus 4602904. quatuor milliones sexcenta duo millia, nongentos quatuor, & aliquid plus. Milliaria verò Romana 4602. quatuor millia sexcenta duo, & aliquid plus.

Circūferētia Passus 14460451.  
qua-

quatuordecim milliones, quadringenta sexaginta millia, quadringentos quinquaginta vnum, & aliquid plus. Milliaria verò Romana 14460 quatuordecim millia, quadringenta sexaginta, & aliquid plus.

Circumferentiæ dimidium Passus 7011475. septem milliones, vndecim millia, quadringentos septuaginta quinque, & aliquid plus. Milliaria verò Romana 7011. septem millia, vndecim, & aliquid plus.

Si supponatur autem, quod Cometa habuerit Diametrum trium Minutorum debet dici, quod ex vi antea Regulæ habuerit eius.

Semidiamiter Passus 172608 centum septuaginta duo millia, sexcentos octo, & aliquid plus. Milliaria verò Romana centum septuaginta duo, & aliquid plus.

Diameter Passus 3452178. tres milliones, quadringenta quinquaginta duo millia, centum septuaginta octo, & aliquid plus. Milliaria verò Romana 3452. tria millia quadringenta quinquaginta duo,



duo , & aliquid plus .

Circūferētia Passus 10845338.  
decem milliones , octingenta qua-  
draginta quinque millia , trecentos,  
triginta octo , & aliquid plus . Mil-  
liaria verò Romana 10845. decem  
millia, octingenta quadraginta quin-  
que , & aliquid plus .

Circumferentiæ Dimidium  
Passus 5422669. quinque milliones  
quadringenta viginti duo millia,  
sexcentos sexaginta nouem , & ali-  
quid plus . Milliaria verò Romana  
5422. quinque millia , quadringen-  
ta viginti duo , & aliquid plus .

Si supponatur denique, Come-  
tam habuisse Diametrum vnus Mi-  
nuti , dici debet, quòd ex vi Aureæ  
Regulæ habuerit eius

Semidiameter ad minimum  
Passus 575363. quingenta septua-  
ginta quinque millia , trecentos  
sexaginta tres , & aliquid plus. Mil-  
liaria verò Romana quingenta  
septuaginta quinque , & aliquid  
plus .

Diameter Passus 1150726.

E

vnum

Vnum millionem, centum quinquaginta millia, septingentos viginti sex, & aliquid plus. Milliaria verò Romana 1150. mille, centum quinquaginta, & aliquid plus.

Circúferentia Passus 3615112. tres milliones, sexcenta quindecim millia, centum duodecim, & aliquid plus. Milliaria verò Romana 3615. tria millia sexcenta quindecim, & aliquid plus.

Circumferentiæ dimidium Passus 1807556. Vnum millionem, octingenta septem millia quingenta quinquaginta sex, & aliquid plus. Milliaria verò Romana 1807. mille octingenta septem, & aliquid plus.

Si verò passus est Cometa de nouo à nobis visus Parallaxim Minutorum ferè quatuor; vt quamplures tenent, inter quos Pater Gottignies, qui maxima cum laude docet in Collegio Romano Mathematicam, & summo studio illum incessanter obseruauit; cum Sol ad summum Parallaxim Minutorum trium

patiatur, non potest consequenter  
 dici nisi; quòd Cometa de nouo à  
 nobis visus fuerit non supra Solem;  
 sed vbi Venus girat; vndè cum  
 iuxta calculos Blancani sit Veneris  
 Diameter apparens Minutorum 3.  
 trium, & secundum eundem Blan-  
 canum contineatur magnitudo Ve-  
 neris à terra sex vicibus; sequitur  
 ex vi eiusdem Aureæ Regulæ; quòd  
 si Diameter apparens Cometæ à no-  
 bis de nouo visi 12. Minutorum,  
 debet dici; quòd secundum eundem  
 Blancanum continebatur à terra  
 vna vice cum dimidio 1.  $\frac{1}{2}$ . Si Dia-  
 meter apparens Cometæ à nobis de  
 nouo visi fuit 4. quatuor Minuto-  
 rum, debet dici; quòd contineba-  
 tur eius magnitudo, & moles 4.  
 quatuor vicibus, & aliquid plus à  
 terra. Si Diameter apparens Co-  
 metæ à nobis de nouo visi fuit 3.  
 trium Minutorum dici debet; quòd  
 à terra continebatur eius moles, &  
 magnitudo 6. sex vicibus. Si de-  
 nique Diameter apparens Cometæ  
 à nobis visi fuit Minuti 1. vnus

tantum, dici debet ex vi eiusdem  
Aureæ Regulæ; quòd ille à terra  
continebatur 18. decem, & octo vi  
cibus.

Habes has calculationes, qua  
posui; vt iam dicta magis in-  
notescerent, redactas in  
subsequentes Ta-  
bular.



.TA.

# DE COMETIS. 101

## T A B V L A I.

Supposito; quòd secundum Tychonem Brahe; vt est apud Scheiner lib. 4. suæ Rofæ Vrsinæ par. 2. c. 6. in fine, Diameter Solis in media à terra distantia sit minutorum 32<sup>1</sup>. habebit.

Solis Semi-diameter	Passus	Milliaria	} detra tis
	18411619	Romana	
Diameter	O&thodecim mil liones, quadrin genta vndecim millia, sexcen tos, & nouem decim.	28411 O&thodecim millia, qua dringenta. & vndecim	} fra- tis
	Passus	Milliaria	
Circumfe- rentia	36823238	Romana	} detra tis
	Triginta sex mil liones, o&tingē ta viginti tria millia ducentos triginta octo.	36823 Triginta sex millia, o&tingenta viginti tria	
Circumfe- rentiæ di- midium.	Passus	Milliaria	} detra tis
	115683612	Romana	
	Centum quinde cim milliones, sexcenta octo ginta tria mil lia, sexcentos, & duodecim.	115683 Centū quin decim mil lia, sexcen ta o&ogin ta tria.	} fra- tis
	Passus	Milliaria	
	57841806	Romana	} detra tis
	Quinquaginta septem millio nes, o&tingenta quadraginta vnum millia, o&tingentos, & sex.	57841 Quinqua ginta se ptē millia, o&tingenta quadragin ta & vnum	

## T A B V L A II.

Facta dicta suppositione; quòd Sol  
Diameter haberet 32'. Minuta; & sic te  
Passus, & Milliaria procrearet eius Se  
midiameter, Diameter, Circumferen  
tia, & Dimidium Circumferentiæ. Co  
metæ verò; si supponamus; quòd eius  
Diameter fuit 12'. Minutorum, habu  
detraclis semper utrobique fractis

Cometæ 12. Min. Semidia- meter	Passus 6904357 Sex miliones non genti quatuor millia, trecentos quingenta septem.	Milliaria Romana 6904 Sex millia, nongenta quatuor.	&
Diameter	Passus 13808714 Tredecim millio nes, octingenta octo millia, se ptingentos qua tuordecim.	Milliaria Romana 13808 Tredecim millia, octin genti octo.	qui
Circum- ferentia	Passus 43381354 Quadringenta tres milliones, trecen ta octoginta vnū millia, trecenta quingenta quatuor.	Milliaria Romana 43381 Quadragin ta tria mil lia, trecenta octoginta, & vnum.	
Circum- ferentiæ dimidium	Passus 21690677 Viginti vnum milliones, sex centa nonaginta millia, sexcentos septuaginta sep tem.	Milliaria Romana 21690 Viginti vnū millia, sex centa nona genti.	plu

Si supponatur, eius Diametrum fuisse  
Minutorum quatuor, habuit  
detractis semper fra-  
ctis.

Cometæ 4. Min. Semidia- meter	Passus 2301452 Duos miliones, trecenta & vnū millia, quadria- gentos quinquaginta duos.	Milliaria Romana 2301 Duo millia trecenta, & vnum.	&
Diameter	Passus 4602904 Quatuor millio- nes, sexcenta duo millia, non gentos, & qua- tuor.	Milliaria Romana 4602 Quatuor millia, sex- centa, & duo.	ali-
Circumfe- rentia.	Passus 14460451 Quattuordécim milliones, qua- dringenta sexa- ginta millia, qua- dringentos quin- quaginta, & vnū.	Milliaria Romana 14460 Quattuorde- cim millia, quadringen- ta, sexagin- ta.	quid
Circum- ferentiæ Dimidiū	Passus 701475 Septem millio- nes, vndecim millia, quadrin- gentos septuagin- ta quinque.	Milliaria Romana 7011 Septem mil- lia, & vnde- cim.	plus



## T A B V L A IV.

Si supponatur, eius Diametrum fuisse  
Minutorum trium, habuit de-  
tractis semper fra-  
ctis .

Cometæ 3 <sup>l</sup> . Min. Semidia- meter	Passus 172508 Centum septua- ginta duo millia sexcentos octo .	Milliaria Romana 172 Centum se- ptuaginta duo .	& ali
Diameter	Passus 3452178 Tres milliones, quadringenta quingenta duo millia, cen- tum septuaginta octo .	Milliaria Romana 3452 Tria millia, quadringen- ta quingenta duo .	quid
Circum- ferentia	Passus 10845338 Decem milliones octingenta qua- draginta quin- que millia, tre- centos triginta octo .	Milliaria Romana 10845 Decem mil- lia octingen- ta quadra- ginta quin- que .	plus
Circumfe- rentiæ di- midium	Passus 5432669 Quinque millio- nes, quadringen- ta viginti duo millia, sexcen- tos sexaginta no- nem .	Milliaria Romana 5422 Quinque millia, qua- dringenta viginti duo .	

## T A B V L A V.

Si verò supponatur, fuisse eius Diame-  
trū non nisi vnius minuti, habuit  
detractis semper fra-  
ctis .

Cometæ 1 <sup>a</sup> . Min. Semidia- meter	Passus 575363 Quingenta se- ptuaginta quin- que millia, tre- centos sexaginta tres .	Milliaria Romana 575 Quingenta septuaginta quinque.	& ali-
Diameter	Passus 1130726 Vnum millionem centum quinquaginta millia, se- ptingenta vi- ginti sex .	Milliaria Romana 1150 Mille, centū quingagin- ta .	quid
Circumfe- rentia	Passus 3615112 Tres milliones, sexcenta quinde- cim millia, cen- tum duodecim .	Milliaria Romana 3615 Tria millia, sexcenta quindecim .	plus
Circumfe- rentiæ di- midium .	Passus 1807556 Vnum millionem octingenta se- ptē millia, quin- genta quinquaginta sex .	Milliaria Romana 1807 Mille, octin- genta septē .	

## T A B V L A VI.

Si supponatur ergo Sol cum Diametro  
31. Min. continebit terram iuxta Ty-  
chonem 140. vicibus

Cometa verò cum Diametro  
12'. M. continebit terrā 54 vicibus; } & ali  
1. M. continebit terrā 4 vicibus; } quid  
3'. M. continebit terrā 13 vicibus; } plus.  
4'. M. continebit terrā 18 vicibus; }

Sol cum Diametro

32'. Min. continebit terram 144 vicibus  
& aliquid plus.

Et in hac suppositione Diametri So-  
lis 32'. Minutorum, & Solis magnitu-  
dinis respectu terræ, Cometa in Dia-  
metro 12'. Min. 1'. Min. 3'. Min. & 4'. Min.  
habebit eandem continentiam terræ,  
quæ notata est superius; cum sola  
varietas sit in fractis.

Si ponatur Venus cum Diametro  
3'. M. vt ponit Blancanus, continebi-  
tur à terra 6 vicibus,

Et Cometa cum Diametro  
12'. M. cōtinebitur à terra  $1\frac{1}{2}$   
1. M. continebitur à terra 18 vicibus;  
3'. M. continebitur à terra 6 vicibus;  
4'. M. continebitur à terra 4 vicibus;  
& aliquid plus.

*Qua nam figura Cometæ appa-  
reant ; Et qua nam visus fuit  
de nouo à nobis visus .*

## CAPVT VI.



VOD ad sextum , &  
ad Figuram Come-  
tarum spectat ; di-  
co ; quòd Cometæ  
apparent diuersissi-  
mis Figuris .

Se expediunt facilè ob hac va-  
rietate figurarum , qui dicunt esse  
Stellas Errantes , & luminosa cor-  
pora , dicendo ; quòd hac , vel illa  
forma fuere à Deo creati , cum ta-  
li , & tali mole ; cum tali , & tali  
E 6 den-

densitate ; cum tali in coma , in crinibus , in barba , & cauda partium raritate ; quòd in se ipsis se vertendo , vt Sol , barbam , caudam huic modo hìc , modo illic obuertunt , & ob id modo hìc , modo illic cernitur illuminata ; vel dicendo ; quòd sicuti tam Stellæ Fixæ , quam Planetariæ maleficæ vim habent excitandi exhalationes , in hac parte , aut illa ventos commouendi ; sic eandem habent vim Cometæ ; quòd exhalationes excitent in hac modò parte , aut illa , & cõformentur hæ nunc in morem barbæ ; nunc in morem caudæ ; nunc in morem comæ , aut crinium.

Qui verò dicunt esse massas conflatas ex exhalationibus , volunt hanc diuersitatem figurarum prouenire ex commixtione varia exhalationum , quæ in aliquibus eorum partibus extrinsecis sũt magis raræ , & malè vnitæ ; in aliquibus sũt magis densæ , & benè vnitæ . Cometa , qui in morte Constantini apparuit , fuit , vt testatur Plinius libr. 1. c. 7. figura circulari ; quia compactus erat

erat exhalationibus inter se bene constipatis , & unitis ; qui verò partes , & exhalationes non habent tam unitas , & tam constipatas inter se , non uniformiter in girum conspissatas ; sed sparsas , explicatas , & protensas aliquando magis , aliquando minus ; modò in formam caudæ , modò in formam barbæ , aut comæ conformatas , apparent vel comati , vel criniti , barbati , vel caudati .

Auctores , qui existimant Cometas esse massas conflatas ex exhalationibus , in tres diuiduntur classes , vt supra vidimus . Tres eorum sunt sententiæ , tres diuersæ consequenter dandæ solutiones sunt ; vt enodetur melius difficultas , & vt abundè magis huic satisfaciamus in qualibet eorum opinione .

Si vis ergo sustinere Cometas esse massas conflatas ex exhalationibus ignitis , & ex exhalationibus inter se bene conspissatis , quæ accenduntur , & ignescunt , dic ; quòd ex eo videntur barbati , vel caudati , criniti , vel comati ; quia modò  
in

in hanc exhalationes, modo in illam partem in morem caudæ, aut barbæ se protendunt; in morem modò comæ, modò criniū explicant; quòd concepto igne ignescunt quidem; sed non tam constipata flamma, vt ignescunt illæ, quæ eorum discum conflant; quia non tam crassæ, & pingues, tam densæ, & conspissatæ sunt; sed raræ, dissipatæ; quòd in illis ob id conceptus ignis parum lucet, ob id splendor comæ, aut crinium est valdè languidus; lux barbæ, aut caudæ debilis. E' contra in Orbita Cometæ apparet valida; quia lucet magis ignis in materia magis densa.

Si existimas Cometæ non esse massas conflatas ex exhalationibus ignitis; sed à Sole illuminatis, vt ab hoc illuminantur Planetaria sydera; dic prouenire ex eo; quia non nullæ partes Cometarum extimæ, quæ in morem comæ, aut crinium explicantur, quæ in morem modò barbæ, aut caudæ protenduntur, non sunt continuatæ; sed sparsæ,



fæ, & explicatæ, raræ, & parum densæ; ob id illæ tantum, quæ remissam habent densitatem, remittunt ad nos lumen, quod à Sole accipiunt.

Si vis illos esse exhalationum massas à Sole illuminatas, non ut illuminantur ab hoc sydera; sed ut illuminantur nubes, quæ non remittunt ad nos lumen saltem tam validum, ut astra; dic ex eo videri nunc comatos, nunc crinitos, nunc barbatos, nunc caudatos; quia ut à Sole illuminantur partes Cometarum magis densæ, & exhalationes valde constipatæ, quæ eorum Discos conflant, sic illuminantur partes extimæ, quæ ad modum comæ, aut crinium explicantur, quæ ad modum barbæ, aut caudæ protenduntur; partes, quæ sunt diaphanæ imperfectè, & secundum quid; quæ sunt discontinuatæ, & raræ; quæ non tam spissam, & opacam habent densitatem, & quia non tam spissam, & opacam habent densitatem, ideò non ut astra à Sole illuminantur;

tur; sed vt nubes.

Habes iam in qualibet sententia; cur Cometæ modò appareant cum crinibus, & coma; modò cum barba, aut cauda.

Cometa, qui de nouo à nobis visus fuit, barbam in initio habuit; deindè caudam, in quam illa sensim sine sensu degenerauit. Suam habuit Atmosphæram, vt Sol habet sæpè suam, cum in nubibus interdum reflectuntur, refranguntur eius radij; cum ob id circum circa apparet quoddam lumen comatum, & radiosus crinibus coronatum. Quid simile videmus etiam in lucernæ lumine, quod quando est aër humidus, & crassus, videtur quasi comam luminosam, & in orbem ductam habere; videtur crinibus ornari splendidis, & luce coronari. Vt ornauit illum Atmosphæra; sic illam deformauit barba, quæ deindè in caudam degenerauit. Versam, ad Orientem illam modò habuit; modò ad Occidentem versam.

Si quæras à Cardano causam;  
&

& rationē huius; respondebit libr. 4. de subtilitate pag. 164. quòd Cometae barba, aut cauda semper est ex ea parte Soli opposita, in qua hìc potest illam illustrare, illuminare; itaut si Sol est in Occidente, vel ab Occidente parum elongatus, sit ad Orientem illa versa; quia ex Occidente illam respicit, & percutit sua luce; quia ex Occidente eum illuminat. Si Sol autem est in Oriente; vel ab Oriente parum elongatus, sit illa versa ad Occidentem; quia in Oriente, vel propè Orientem illum respicit, & ei communicat suum lumen. Quia ergo, quando apparuit, & se videndum nobis dedit, Sol erat propè Orientem, cum se cernendum nobis in initio daret post sex horas, & in confinio septem, non est mirum; quòd tunc eius barba versa esset discurrendo cum Cardano ad Occidentem. Cum se deinde videndum nobis dedit, dum tenebrescebat dies, & apparebant alia sydera, versa erat barba ad Orientem; quia

tunc

tunc Sol stabat in Occidente.

Refutatur hæc solutio ex eo, quia si Cometa habebat in suo giro externo expansas, explicatas ex qualibet sui parte in orbem exhalationes raras, & attenuatas inter se disjunctas, seu partes dissipatas, & opacitate tenui constipatas; cur ut illuminabat semper illas, quæ constabant Discum Cometæ Sol, dum erat in Occidente, vel Oriente, non illuminabat extimas? Præterea cum ex Occidente versa est Cometæ barba in Orientem, Sol illum respiciebat ex trāsverso. Ergo partes extimæ Cometæ versæ ad Occidentem, & laterales illi oppositæ debuerant illuminari ob illo potius; quam partes extimæ Cometæ, quæ erant ex parte Orientis. Si dicas dicunt illi non in orbem habuisse, & in extremo suo giro circumquaque sparsas, explicatas partes illas raras, & opacitate tenui constipatas; exhalationes illas discontinuatas, & non compactas tam densas, non tam pingui crassitie; sed ad latus

bar-

ham exprimentes, quomodo se hæc contulere ab Occidente in Orientem; dum se barba ab Occidente, vertit in Orientem? En cur, dicunt aliqui, subsistere non potest solutio data.

Existimarem tamen ego defendi posse, & sustineri, si duo supponantur. Suppone primò; quòd non habebat ille in extimo suo giro in orbem circumquaque sparsas, explicatas partes illas raras, & opacitate tenui constipatas; exhalationes illas discontinuatas, & compactas non tam pingui, & crassa materia; sed ad latus tantum in morem barbæ, aut caudæ conformatas. Suppone secundò, quòd in se ipso se vertebat Cometa, & in centro sui, ut asserit moueri Solem in seipso Scheiner, & Keplerus; quòd se voluendo in centro sui tunc quando barba se vertit ad Orientem haberet ad hanc partem versas partes, & exhalationes illas non tam constipatas sparsas in morem barbæ, & videbis, si euacuatur, enodatur difficul-

ficultas ; quia Sol illuminat, illustrat  
semper quodcumque est aptum ad  
recipiendum lumen ; quæ responsio  
tam valet in sententia eorum , qui  
Cometas esse volunt Stellas Erran-  
tes , quam in sententia eorum , qui  
volunt esse massas conflatas ex ex-  
halationibus illuminatis , vt illumi-  
nantur astra , aut nubes ; vel si velis  
Cometas esse massas conflatas ex  
exhalationibus ignitis dic ; quòd ex  
eo barba se ab Occidente vertit in  
Oriente ; quia se voluendo in cèn-  
tro sui obuertit ad Orientem par-  
tes , & exhalationes illas accensas ;  
quæ in morem barbæ conformatae  
erant. Quin si videretur aliquis Co-  
meta , quòd esset tam per Coelum,  
vagus , vt haberet barbam , vel  
caudam versam modo in Austrum ,  
modò in Septentrionem , modò ad  
Orientem , modò ad Occidentem ,  
dicendum esset pari modo , quòd se  
vertendo in centro sui conuerteret  
modò ad hanc partem , modò ad il-  
lam barbam , vel caudam suam .

Fuit eius barba ; dum coepit  
appa-

apparere , non admodum extensa ,  
aut sparsa ; dum autem ille secun-  
dum molem creuit , illa creuit , &  
se semper elongando , & dilatando  
in caudam degenerauit ; vnde ex  
barbato euenit caudatus . Post dies  
aliquot euenit ex caudato iterum  
barbatus , & immutata est cauda  
in barbam .

Debemus in hac re quoque  
iuxta varietatem opinionum , quas  
retulimus discurrere .

Si velimus dicere ; quòd fuit  
Cometa ille vnum ex corporibus  
sydereis , & vna ex Stellis Erranti-  
bus , quæ sunt in aura ætherea , de-  
bemus dicere ; quòd ille ex eo ha-  
buit , dum apparuit , barbam non  
admodum extensam , & sparsam ;  
quia tunc elongatus erat , & dista-  
bat considerabili distantia à nostro  
visu , & à Circuli sui magni Peri-  
gæo . Prout deinde ad hoc se ap-  
proximauit , & ad nostrum visum ,  
creuit , & dum prope fuit , vel in  
hoc , in caudam degenerauit ; quia  
ob maximam propinquitatem no-  
stro



astro visui, huic factus fuit magis visibilis, & barba ob id in caudam degenerauit; ob id se admodum extensam, atque sparsam ostendit. Iterum in barbam cauda immutata est, & ex caudato iterum euenit barbatus; quia iterum se à nobis elongauit, se per suum magnum circulum vertendo, & ad huius Apogæum se approximando.

Si velimus dicere; quòd ille fuit de nouo in Cœlo generatus, & conflatus ex exhalationibus inter se constipatis, conspissatis, & accensis; debemus dicere; quòd ille ex eo, dum apparuit, visus est cum barba non admodum extensa, aut sparsa; quia exhalationes illæ condensatæ, constipatæ incipiebant tunc accendi, & nondum omnes ignem conceperant. In mole creuit Cometa, & se extendit ita deinde barba; vt degenerauerit in caudam; quia tota massa exhalationum ignem tunc concepit, & in flammam iuit. Se iterum Cometa immi-

minuta est, in barbam immutata; quia ignis, quo diu illa massa exarserat, consumpserat exhalationes eius in magna copia.

Si dicere velimus, Cometas componi quidem ex exhalationibus inter se bene nexis, constipatis, conspissatis non ignitis; sed à Sole tantum ut nubes, vel ut astra illuminatis; debemus dicere; quòd ideo, dum videri à nobis cœpit, visus ille fuit cum parua mole, & parua barba; quia tunc non erat tanta massa exhalationum. Quia in maiori copia hæ in eo se deinde condensarunt, conspissarunt, cum ipsius mole, quæ ob id visa fuit maior, barba creuit, & in caudam degeneravit. Iterum Cometæ moles minor apparuit; iterum non multo post hæc in barbam immutata est; quia lumen, atque calor Solis, Martis &c. cum motu Planetarum rapidissimo quamplures, & quamplures exhalationes dissipavit; & dissoluit quamplures, & quamplures ineptas ad illustrationem reddidit.

Re-

Representant, exprimunt Cometae interdum Figuras alias. Cometa, qui anno Domini 139. visus fuit, representauit, & expressit sagittam. Cometa, qui visus est anno Domini 362. representauit, & expressit, vt testatur Diuus Chrysostomus hom. 14. in Actus Apostolorum, & homil. 40. in Euangelio Matth. & hom. 2. contra Iulianum formam crucis, quem ego tamen dicerem fuisse miraculosum; quia tunc apparuit, dum studebant iterum ædificare templum Salomonis Iudæi; vt refert Eusebius l. 4. h. c. 7. Cometa, qui visus est anno Domini 555. representauit, & expressit formam trabis, &c.

Cur has exprimant, vel illas Figuras representent quæris? & ego vt scita tua sententia tibi possim satisfacere, quid existimas Cometæ esse quæro; quod dices, dicam posse dici.

Si existimas Cometæ esse luminosa corpora, & Stellæ errantes, dic his figuris fuisse à Deo crea-

tas ab initio mundi ; vt futura tem-  
 pore statuto præsignaret Signo , &  
 Cometa euentibus , qui præsignandi  
 erant, aptato , & mundo ostenderet  
 fuisse qualibet futura præscientiæ  
 suæ præsentia; vt confunderet, con-  
 uinceret insaniam , & blasphemias  
 Atheorum , qui nil dicunt ex præ-  
 scripto Dei fieri ; sed casu omnia .  
 Quòd si sectatoribus sententiæ huius  
 opponas, se videnda nunquam post-  
 modum dedisse post tot interualla  
 temporis, vt iterum videnda se de-  
 dissent ; si verè se conuerterent per  
 illum magnum circulum , per quem  
 illos dicunt verti ; respondebunt  
 prouenire ex eo ; quia est hic tam  
 magnus , vt sit eius Apogæum extra  
 mundum in imaginarijs spatijs. (*Li-  
 ceat ait Blancanus libr. 16. suæ  
 Mundialis Fabricæ cap. 3. in fine ,  
 cum Italicis Pythagoricis , & Sene-  
 ca , Cometæ inter æterna naturæ  
 opera recensere ; ita vt non de no-  
 uo in Cœlo generentur ; sed de no-  
 uo appareant ; ita vt non cessent es-  
 se ; sed tantum apparere desinant ;*  
 F quia

*quia nimis in Cœlestes sublimitates  
euehuntur, & sic à nostris visibus  
paulatim se subducunt; paulatim-  
que proprium motum remittunt;  
quia instar Planetarum in suo ma-  
gno gyro sursum ascendunt; in quo  
ascensu tardi primum; mox statio-  
narij euadunt; deinde post longa  
tempora, postquam per imaginaria  
illa spatia, quæ etiam extra mun-  
dum nonnulli imaginantur, spacia-  
ti in superiore parte Circuli fue-  
runt, iterum ad nos descendere in-  
cipiant, iterumque in nostros se de-  
mittant aspectus.) Quo posito sunt  
dicunt, ex Cometis aliqui, qui ha-  
bent Circulum maiorem, per quem  
conuertuntur, in sublime magis  
eleuatum, & protensum, & hi in-  
sumunt magnum tempus, antequam  
se iterum videndos nobis præbeant;  
nonnulli autem minorem, & nou-  
ad spatia imaginaria; sed ad ali-  
quam ætheream altitudinem termi-  
natam, & hi non insumunt tantum  
tempus antequam se iterum viden-  
dos nobis dent. Si hoc tibi videtur  
du-*

durum, & non te omnino responsio hæc satisfaciat, dic; quòd hæ figuræ Cometarum formantur ab exhalationibus coelestibus virtute ipsorum excitatis, & attractis; vt excitantur, vi magnetica trahuntur, & coadunantur à Planetis, & à Fixis maleficis, in eorum Atmosphæra casu; vt in nubibus formantur casu hæ, vel hæ figuræ; vt videntur sæpè in medullis arborum, & crustis marmorum formata casu venulis figuræ variæ. Absoluto giro suo, & suo magno círculo Cometæ se vi-dendos nobis præbent iterum; sed non cum eadem figura; quia exhalationes illæ, quibus hoc, vel tali modo fuerant formata casu, fuerunt iam ab eo disiunctæ, dissolutæ, dissipatæ; quia combinationes illæ casuales non concurrunt, vti concurrerunt.

Si verò vis Cometæ conflatas esse ex exhalationibus inter se benè constipatis, conspissatis, quæ vel succenduntur, vel à Sole illuminantur tantum, dic apparuisse hæc, vel

hac figura ; quia se combinarunt ca-  
su hoc, vel illo modo exhalationes,  
vel ex præscripto Dei volentis no-  
bis ostendere præscientiam suam,  
& suum regimen, quo hanc mundi  
machinam gubernat ; volen-  
tis nobis præsignare,  
quæ nam euetu-  
ra sint.



A quo



*A* quo in Cometis prouenit colorum  
 diuersitas, & pallor subfi-  
 scus, qui in de nouo vi-  
 so visus est, pro-  
 uenit.

## CAPUT VII.



QVOD pertinet ad Se-  
 ptimum, & ad co-  
 lores Cometarū, di-  
 co; quòd diuersissi-  
 mis coloribus Co-  
 metæ apparent. Vi-  
 dentur enim ex his aliqui splende-  
 re luce pallida; alij ferruginea; te-

tra, aut plumbea; aliqui succensa,  
& alij sanguinea.

Oritur diuersitas colorum; ut  
ex Optica suppono ex diuersitate  
lucis maioris, vel minoris, & va-  
rietate opaci, vel diaphani imper-  
fecti, quod est modò magis, modò  
minus crassum, & densum; siue in  
hoc fiat eius refraction, siue fiat re-  
flexio.

Colores aliqui sunt transeun-  
tes, aliqui sunt permanentes. Co-  
lores permanentes sunt illi, qui  
constantur ex luce permanente in-  
trinsēca subiecto, debita ex prin-  
cipijs huius intrinsēcis, & cum ip-  
so genita; sed obscurata, hoc, &  
alio modo modificata ab eiusdem  
subiecti, in quo recipitur, & per-  
manenter est, opacitate. Colores  
transeuntes sunt illi, qui sunt ex  
luce transeunte, non debita subie-  
cto, in quo recipitur, nec cum ipso  
genita; sed aduentitia, ab opacita-  
te, & à crassitie subiecti hoc modo,  
aut hoc obscurata, seu modificata.

Colores permanentes sunt illi, quos

videmus in picturis , qui consistunt in luce debita subiecto ex huius principijs intrinsecis , cum ipso genita , diuersimodè modificata , & obscurata à diuersa eiusdem subiecti opacitate . Colores transeuntes sunt colores , qui videntur in Iride , in trigono , & collo columbæ , qui consistunt in lumine non permanente ; sed transeunte , & aduentitio ; & opacitate , seu crassitie subiecti , in quo recipitur , & diuersimodè modificatur , obscuratur .

Colores principales tam permanentes , quam non permanentes sunt candor , & nigror ; color flauus , & puniceus ; viridis , & cœruleus .

Vt intelligatur benè ; in quo nam contradistinguantur hi colores principales debet sciri ; quòd duplex est diaphanum . Purum scilicet , seu purè perspicuum , & transparent perfectum ; cui opponitur opacum perfectum ; & diaphanum secundum quid , seu imperfectum ,

cum quo conuertitur opacum imperfectum . Diaphanum purum , & perfectum est id , quod , si interponatur inter potentiam visuam , & obiectum visibile , non terminat , non impedit visionem huius ; sed per ipsum transeunte specie , & imagine obiecti visibilis videtur . Tale est aër purus ; quia aër purus non terminat , non impedit visionem , nec videtur ; sed videtur tantum obiectum visibile . Opacum perfectum est id , quod terminat visum , & si interponatur inter potentiam visuam , & obiectum aliquod visibile , non potest hoc videri . Tale est marmor ; quia terminat visionem , & si interponatur inter potentiam , & obiecta visibilia , impedit , ne videantur . Præter corpora diaphana perfectè , & perfectè opaca , dantur etiam corpora , quæ sunt diaphana secundum quid , & imperfectè opaca . Diaphana imperfectè , & imperfectè Opaca sunt illa , quæ non absolutè , & perfectè terminant visionem ; nec perfectè , & absolutè illam non ter-  
mi-

minant; sed partim illam terminant, & partim illam non terminant. Talia sunt aqua, vitrum, & similia, quæ aliquo modo terminant visionem sua crassitie, atque opacitate sua modificant, refrangunt lucem extrinsecam, atque obscurant; & visionem quoque partim aliquo modo non terminant; quia non impediunt illam absolutè sua crassitie, & opacitate sua, quia non omnino luci, & speciebus obiectorum obstant, nec omnino prohibent videri.

Per hanc opacitatem, & crassitiem contradistinguuntur colores supradicti inter se. In candore est lux in magna quantitate, & opacitas subiecti, in quo recipitur, minima; consequenter illa est modificatissime modificata, & obscurata. In nigrore est opacitas, crassities maxima subiecti, & lux satis parva, maximè ab opacitate maxima subiecti, in quo recipitur, modificata, & obscurata. Vndè ob id ab Aristotele vocatur albi, & candore

ris quasi priuatio. Non dicitur ab eo; quod sit priuatio; sed quasi priuatio; quia cum sit nigror verum, & positium ens; cum terminet visionem, & oculo suam porrigat imaginem, non potest dici; quod ille sit priuatio; sed quasi priuatio, illius scilicet perfectionis maioris, & lucis perfectioris, quam in se includit color albus, qui longè, & longè magis accedit ad lucem.

Color flauus transiens, & apparens fit à magna copia lucis extrinsecæ, & non debitæ subiecto, quod crassitiem, & opacitatem habet modicam. Color verò flauus permanens fit à magna copia lucis intrinsecæ debitæ subiecto, ex huius principijs intrinsecis, modificatæ, & obscuratæ à parua ipsius opacitate. Probatur primò; quia flamma in medio est semper magis flaua, quam propè fumum, vel flammæ pabulum, & ligna succensa. Secundò; quia carbones; dum sunt bene accensi, magis flauescunt; quam

quan-

quando non sunt bene accensi; dum enim carbo est bene accensus, minorem habet crassitudinem, opacitatem. Tertiò; quia Sol summo mane, vel vespere apparet rubeus ob vaporum copiam, qua offuscat; in meridie verò apparet flauus ob minorem copiam vaporum.

Color rubeus transiens, seu apparens; quia est opacus magis, quam sit flauus, producitur à luce transeunte valida, quæ attingit extrinsecè subiectum, concurrente diaphano secundum quid, & imperfecto, quod est magis crassum. Color verò rubeus permanens conflatur à quantitate, & copia magna lucis intrinsecæ, debitæ subiecto ex huius principijs intrinsecis, modificatæ, & obscuratæ à maiori opacitate, seu crassitie, quæ est in ipso subiecto. Probatur primò; quia color flauus, si opponatur ei velum nigrum in loco Sole irradiato, & maximè luminoso apparet rubeus. Ergo signum est; quòd si rubescit flauus ad permixtionem nigri; quòd



de nigrore maximè participat, & de crassitie. Secundò; quia fabri ferrarij; dum intendunt temperare ferrum; observant quando est hoc rubrum, seu rosei coloris; quia tunc est ipsis signum certissimum, non esse adhuc in partibus internis benè ignitum; sed solum in externis. Ergo lux cum crassitie, & densitate maiori subiecti causat colorè rubrum. Tertiò; quia quò sunt nubes crassiores, eo magis rubræ apparent à Solis radijs illuminatæ summo manè; si verò puriores sunt, & non tam crassæ flavescent; ergo lux cum maiori diaphani crassitie causat colorem rubrum. Quartò; quia dum est aër humidus, & crassus, lucernæ flamma, quæ est propè fumum, est rubicunda magis, quam in medio; quia ibi adest maior copia aëris, & diaphani magis crassi.

Color viridis apparens, seu transiens non fit à luce extrinseca valida; sed debili, concurrente diaphano imperfecto, quod habet quidem suam crassitiem, & opaci-

tatem ; sed non tantam , quantam  
habet diaphanum imperfectum ,  
quod concurrit cum luce valida ad  
causandum colorem rubrum. Co-  
lor verò viridis permanens consti-  
tur ex luce debili intrinseca, debita  
subiecto ex huius principijs intrin-  
secis modificata, & obscurata ab  
opacitate, & à crassitie non tam  
densa, sicuti est crassities, & opaci-  
tas, quam habet color rubeus.

Color coeruleus transiens, seu  
apparens fit à luce maximè debili,  
concurrente diaphano imperfecto,  
quod habet paulò maiorem crassi-  
tiem, & opacitatem, quam habet  
diaphanum imperfectum, quòd con-  
currit ad colorem viridem. Color  
verò permanens coeruleus fit à luce  
maximè debili intrinseca debita  
subiecto ex huius principijs in-  
trinsecis, modificata, & obscurata  
ab opacitate, & à crassitie maiori,  
quam sit illa, quæ obscurat lucem  
in colore viridi, & in hoc eam  
modificat.

Utumque patet in flamma li-  
gno-

gnorum viridium , quæ minus propè ligna apparet viridis , quæ magis propè cœrulea . Eodem modò apparet flamma olei , sæui , & rerum pinguium . Ex quo colligitur apertè ; quòd hi duo colores causantur ex luce magis debili , vel minus debili ; & ex maiori , vel minori corporum crassitie . Quod dixi de cœruleo probari potest vltro primò ex eo , quia corpora , quæ perspiciuntur è longinquo , ex eo apparent cœrulea ; quia parum lucis ob distantiam possunt reflectere , & continent in se opacitatem , & crassitiem maiorem , quam sit opacitas , quam sit crassities , quæ concurrat ad causandum colorem viridem . Secundò ex eo ; quia commixto pulvere coloris nigri cum albo , & viridi formatur color suboscuro cœruleus .

Colores transeuntes ; seu apparentes , quorum hìc cognitio est nobis magis necessaria ; vt satisfaciamus supraposito quæsito , affines suprapositis sunt quamplures .

Ful-

Fuluo , seu flauo affines , & ad flauedinem vergentes sunt color melleus , pallidus , citrius , croceus , aureus , leonatus , & his similes quamplures alij .

Purpureo , & rubro affines , seu ad purpuram , & ad rubedinem vergentes sunt color roseus , violaceus , & sanguineus , flammeus , & his similes quamplures .

Viridi colori affines sunt herbaceus , ærugineus , & his similes quamplures .

Coeruleo affines sunt plumbeus , glaucus , & his similes quamplures .

Exemplificare possumus quodcumque diximus vccusque de colore flauo , & rubro , de viridi , & coeruleo transeunte , & apparente ; nam de colorum apparentium cognitione hîc , vt dicebam indigemus , tam in Trigono , quam in Ampulla vitrea repleta aqua , & Soli opposita ; quam in Iride , vel collo columbæ , in quibus producantur colores supradicti per refractionem .

tionem. Producentur autem in Trigono colores supradicti per refractionem; quia lux impingens in Trigonum, & per illud transiens refrangitur, debilitatur, obscuratur, & refracta, repercussa, & obscurata in hoc, vel illo situ, hunc in illo, & hunc in alio colorem format; nam cum colorum varietas, vt dixi, proueniat à maiori, vel minori diaphani imperfecti crassitie; cum refrangat magis illam secundum aliquam sui partem, quam secundum aliam Trigonus, & lux impingat in minori eius crassitie, & opacitate in hac parte, in maiori in hac alia; hinc est, quòd refracta, & obscurata in hac Trigoni parte, quæ minorem habet crassitiem, & opacitatem flaua; in alia, quæ maiorem in Trigono opacitatem, & crassitiem habet, debilitata magis, refracta, & obscurata appareat coerulea; quòd refracta in parte habente mediocrem crassitiem, debilitata, repercussa, & obscurata in illa appareat viridis; quòd

quòd refracta , & in maiori opacitate , & crassitie debilitata , magis obscurata appareat rubra . Sic vos discurrete in Ampulla vitrea oppleta aqua , in qua lux Solis frangitur , & per quam transiens producit non absimiles colores . Sic discurrete de Iride , in qua variatione crassitie rarioris , aut densioris , quam nubes habent , & per quam lux transiens debilitatur , obscuratur vario modo , variantur , diuersificantur colores supradicti .


Ex hoc discursu patet ; cur Mars flammeus , & igniuoluitus appareat ; cur Saturnus plumbeus ; cur hoc colore videatur suffusus hic Cometa ; hoc alio videatur alius . En loquendo de Planetis quomodo loquuntur Conimbricenses in libr. 1. de Cœlo quæst. 5. art. 3. ( *Quod ad Planetarum , colores attinet , dicendum est , non inesse eis veros colores ; sed lucem variè modificatam , quæ in quibusdam ad unum , in alijs ad alium colorem videntur accedere ; eam autem modi-*

*dificationem prouenire partim ex diuersa eorum à Sole distantia, partim à maiori, minorique eorundem varietate: Hæc enim in causa sunt; ut nec omnes Planetae similiter lucem ab eo hauriant; nec eodem pacto ad nos repercussum splendorem vibrent.)* Loquendo verò de Cometis debemus nos de his eodem modo discurrentes dicere; quòd modo videantur sanguinei; modo pallidi; modo flauī, aut plumbei; quia lux Solis, qua illustrantur, modificatur tali, & tali modo in hoc Cometa, aut illo habente hanc, vel illam opacitatem, & crassitiem, constante tali, & tali raritate, aut densitate maiori, vel minori, in qua lux eius recipitur.

Visus est Cometa de nouo à nobis visus suffusus pallore nubiloso; lumine suffusco illuminatus; visus est pallore quasi sulphuris asperso; quia non absimili crassitie, & opacitate, ab opacitate, & à crassitie, qua sulphur constat, constabat. Sic teneris dicere; siue esse



existimes Cometas Stellæ errantes,  
& sydereæ corpora ; siue existimes  
conflatas esse ex exhalationibus in-  
ter se bene nexis , constipatis , & à  
Sole illuminatis , vt illuminantur  
sydera , vel vt illustrantur nubes .  
Si vis sustinere ; quòd Cometæ sint  
conflati ex exhalationibus inter se  
quidem nexis , & bene constipatis ;  
sed ignitis , dic , quòd ex eo visus  
est suffusco , & nubiloso pallore suf-  
fusus ; quia cum simili materia sul-  
phuris conflatus esset , accensis  
simili pallore suffusa flam-  
ma , vt illud ardet ,  
exarsit .



*Quæ nam motu Cometa moueantur, & quo nam à nobis visus se mouit.*

# CAVPT VIII.



**Q**UOD ad Octauū spectat, & ad Cometarum motum, dico; quòd Cometæ tam Elementares, seu Sublunares; quam non Elementares, seu Coelestes mouentur motu duplici; motu scilicet diurno, & motu proprio.

Probatu r; quòd mouentur motu raptus, seu diurno ab Oriente in Occidentem primò; quia si non

mo-

mouerentur ab Oriente in Occidentem motu raptus, & consisterent immoti, videri possent quacūque noctis hora. Sed non videntur quacumque noctis hora. Ergo non consistunt immoti. Confirmatur; quia ex eo nō consistunt immoti veri Planetæ; sed in Oriēte oriuntur, & in Occidente occidunt; quia rapiuntur ab Oriente in Occidentem motu raptus. Ergo pari ratione Cometæ ex eo; vt Planetæ Spuriij non consistunt immoti; sed in Oriente oriuntur, & in Occidente occidunt; quia rapiuntur ab Oriente in Occidentem motu raptus.

Probatur secundò experientia; quia omnes visi sunt, si credimus historijs, & velimus fidem dare auctoritati auctorum magni ponderis, conuerti, ferri, rapi ab Oriēte in Occidentem, & quilibet est oculatus testis huius in Cometis, quos vidit.

Quòd autem moueantur etiam motu proprio; probatur; quia non oriuntur in eodem Cœli loco, neque

que in eadem parte conspiciuntur ; sed modo in vna , modo in alia , se à loco , à quo affulserunt , elegantes .

Scio ; quòd non defunt ex Peripateticis , qui dicunt non moueri Cometas Sublunares motu proprio verò ; sed apparenti , ac videri verti ab Occidente in Orientem ; nec esse in eodem loco , in quo primo affulserunt ; quia non ita velociter sequuntur , & motum raptus secundant ea celeritate , qua secundant illum Cœli , vel ob materiæ crassitiem , aut raritatem ; vel ob nimiam à Cœlo distantiam , cum existiment non esse nisi in prima aëris regione .

Sed cur peto Cometarum Sublunarium motus proprius , quem solummodo refundunt in eorum tarditatem , materiæ crassitiem , vel raritatem ; in nimiam à Cœlo distantiam , est tam regulatus , tam periodicus , & vniformis ; vt tantum vnoquoque die conficiat motum , & non amplius ? Ex quo nam  
alio

alio nos inferimus Planetas veros ; & legitimos moueri contra Orientem motu proprio , nisi ex hoc ; quòd videamus illos moueri , verti hoc , vel illo contra Orientem motu regulato , & proprio ? nisi ex hoc , quòd aspiciamus illos esse modò in ista parte ; modò in alia ? Cum ergo ob id concedamus habere illos præter motum raptus motum proprium , concedere debemus consequenter , Cometas quoque habere hunc motum proprium præter motum raptus .

Hæc ratio non solum probat , Cometas Sublunares , & Elementares ; sed Cœlestes quoque habere præter motum raptus motum proprium .

Hic tamen Cometarum motus proprius non est vnus , atque idem in omnibus ; sed varius . Nam aliqui mouentur ab Occidente in Orientem ; aliqui mouentur ab Oriente in Occidentem , & defleunt modò ad Boream ; modò ad Austrum ; celeriter se mouent aliqui ; se mouent alij tardè . Celeritate


rate tanta se mouit vnus, quem diligentissimè obseruauit Regiomontanus, qui pulcherrimum libellum de Cometis scripsit; vt vno die confecerit quadraginta 40. Gradus. Habuere ex illis in principio motum velociorem, quam in fine aliqui; aliqui in initio, & fine apparitionis tardum, in medio velocissimum.

Cometa, de quo mentionem facit Aristoteles, confecit discurrendo gradus 180. centum octoginta. Confecit etiam ille, de quo mentionem facit Regiomontanus 180 centum octoginta gradiens contra ordinem Signorum, inchoato à Libra cursu suo, & in Arietem terminato. Discurrerunt alij gradus nonaginta 90. alij quadraginta 40. pauciores alij. Vndè sicuti Planetæ legitimi inter se in motu, & via; in velocitate maiori, vel minori differunt; sic inter se in motu, in via & in velocitate maiori, vel minori differunt Cometæ, qui vocantur à nonnullis Planetæ Spurijs,


rij , euaniidi , & extraordinarij .

Diuerſitas hæc curſus, ſeu viæ  
Cometarum vocatur curſus, ſeu viæ  
Cometarum quantitas , & excepto  
hoc vltimo , de cuius motu agemus  
infra , ex obſeruatis maxima , quam  
peregerunt , eſt ſupradicta gra-  
dum 180 centum octoginta . Hæc  
curſus , vel viæ quantitas dignoſci  
poſteſt notando obſervationibus di-  
ſtantias à Stellis Fixis vicinioribus .  
Diſtantiæ autem à Stellis Fixis vici-  
nioribus deſumi poſſunt per Qua-  
drantem ita ſitum ; vt vna & ſimul  
per Cometam, atque Stellam Fixam  
tranſeunte illius circumferentia, &  
Dioptra nunc ad Stellam quis, nunc  
ad Cometam dirigens nunc hunc ,  
nunc illam aſpiciat , donec Qua-  
drans manifeſtet in circumferentia .  
Gradus interceptos inter vtramque  
inſpectionem . Docet Gemma Fri-  
ſius modum alium dignoſcendi in  
Globo Aſtronomico curſus , & viæ  
Cometarum quantitatem . Aſſuman-  
tur , ait ille , quatuor Stellæ Fixæ  
vicinæ Cometæ ; ita vt Cometa ,  
G cuius



cuius inuenienda est cursus, & viæ  
quantitas existat in earum medio;  
vti in figura hîc posita videtur, &  
fit in concursu duarum linearum, ,  
quæ Stellas Fixas iungunt, & se in-  
tersecant. Assumptis extendantur  
fila in Globo Astronomico, in quo  
assumptæ quatuor Stellæ Fixæ sunt  
in suis locis depictæ. Vnum exten-  
datur filum ex opposito duabus Stel-  
lis; ita vt veniat in medio, & in fi-  
lorum intersecatione Cometa. Sic  
quotidie fiat, & singulorum dierum  
loca notentur. Si fiat accuratè mo-  
do dicto hæc obseruatio, & vna-  
quaque die notentur dicta loca,  
dignoscetur via cuiuslibet Come-  
tæ; cursus quantitas sciatur, & quæ-  
libet distantia ab Æquatore, à Tro-  
picis, à Meridionali Circulo, à qua-  
cumque Stella Fixa inuenietur.

Non



Non autem est tam facile rationem assignare ; cur tam differentem , tam diuersam quantitatem , cursus , & viæ quilibet Cometa habeat .

Qui existimant Cometas esse

G 2 cor-

corpora sydereæ , & Stellæ Errantes faciliè se ab hac difficultate expediunt , dicendo , vel quòd moueantur ab Intelligentijs ; vel à principio intrinseco ; vt in tractatu suo de Cœlo Tellez asserit , Planetas non moueri ab Intelligentijs ; sed à principio intrinseco ; dicendo ; quòd moueantur tali , & tali motu ; quia habuere à Deo , vt Planetæ Spuriij , & Extraordinarij præscriptas sibi leges , & metas motus , & viæ ; vt ab eodem habuere suas Planetæ nobis noti , & legitimi ; quia habuere tale , & tale principium intrinsecum à Deo ; vt habuere Planetæ ordinarij tale , & tale principium intrinsecum .

Desudant ; implicantur è contra illi , qui existimant Cometas cœlestes non esse Stellæ errantes , & corpora sydereæ ; sed massas conflatas ex exhalationibus cœlestibus inter se benè constipatis , conspissatis , quæ deinde succenduntur , & in flammæ abeunt , vel illuminatis , vt illuminantur sydera , aut illustrantur

cur à Sole nubes; qui existimant has  
massas non moueri, & circumuolui  
ab Intelligentijs; sed habere mo-  
tum proprium à principio intrinse-  
co; vt tenerentur dicere; si volunt  
discurrere vniformiter, qui vt Tel-  
lez sentiunt.

Recurrunt ad retardationem,  
qua volunt dictas massas retardare  
sua crassitie, & adhæsione maiori,  
vel minori raptum primi mobilis,  
& prouenire dicunt ab hac eorum  
motus varietatem. Sed hæc ratio  
non satisfacit omnino; quia aliqui  
ex Cometis vergunt, flectunt motu  
proprio ad Austrum; alij ad Bo-  
ream; alij modò ad Austrum, mo-  
dò ad Boream; hæc autem depli-  
natio non refundi potest ad retarda-  
tionem.

Abundè magis; vt opinor;  
satisfacerent, & à difficultate se  
magis expedirent; si dicerent, quòd  
ad Austrum aliqui defleunt; alij  
ad Boream; quòd ad Austrum mo-  
dò, modò ad Boream vergunt;  
quòd habent talem, & talem mo-

rum proprium; quòd per hanc viam  
atque hanc gradiuntur; quia sunt  
conflati tali, vel tali aggregato; hac  
vel hac cõgerie exhalationum, quæ  
euaporant à Sole, & à Planetis, à  
Stellis Fixis; nam cum coelestes  
euaporationes, & exhalationes di-  
stæ participant naturam Planeta-  
rum, & Fixarum; vt participant  
naturam terræ terreæ; vt Elemen-  
tares partes, quibus componuntur  
mixta, participant naturam Ele-  
mentorum, & ex eo diuersa tempe-  
ramenta mixtorum proueniunt. Si  
diuersæ propensiones, & naturæ; si  
tot diuersæ inclinationes, & in mix-  
tis varietates proueniunt; cur pari-  
passu discurrendo de Cometis, &  
de his aggregatis coelestibus non  
poteſt dici; quòd prouenit diuersi-  
tas eorum motus à diuersa aggrega-  
tione, conflatione exhalationum,  
& influxuum Planetarum, & Fixa-  
rum, & quòd ex his, vel his parti-  
bus propensis naturaliter, & incli-  
natis ad hos, vel hos diuersos mo-  
tus circulares, & ex influxibus tam

Pla-

Planetarum, quam Fixarum formetur aggregatum hoc, vel hoc, quod petit ex intrinseco principio suo talem, vel talem motum; quod appetit ex appetitu innato moueri ad hanc potius partem Coeli, & ad hunc Polum potius, quam ad aliam eius partem, & ad Polum alium? Non ne mouentur semper in sua Boreali parte sydera Borealia? Non ne mouentur semper in sua parte Australi Australia sydera? Quid mirum; si præponderarent exhalationes, & influxus syderum Australium, quòd aliqui ex Cometis deflectant semper ad Austrum? Quid mirum; si præponderarent, & haberent prædominium in alijs exhalationes, & influxus Borealiū syderum, deflectant semper, vergant ad Boream aliqui? Non ne videmus; quòd etiam Nati contrahunt ex influxibus cœlestibus, & Ascendentis prædominio, ex tali, & tali syderum concursu inclinationes tales, vel tales? Non ne videmus; quòd ex temperamentis Genitorum

contrahunt sua lineamenta, aspectus, naturas, propensiones, in moribus, in omnibus affinitatem cum aliqua diuersitate. Non ne ex cane, & ex leæna formatur lecisca, quæ participat naturam, & inclinationes tam leænæ, quam canis? Non ne ex insertis, & frustulis ramusculorum, quæ inseruntur modò in vna planta; modò in alia, trahuntur proprietates, & affinitates illarum arborum, quarum sunt illa frustula, & inserta, & fit plantarum aggregatum in vna planta? Non ne valet dicere; quòd ob eandem rationem diuersorum insertorum, producat diuersas frondes, diuersos flores, & diuersos fructus? Adde; quòd cum venti non sint meræ exhalationes, vt existimo rarefactæ, attenuatæ; sed exhalationes rarefactæ mixtæ cum influxibus coelestibus; (*nunc cur hi venti nunc in hac parte mundi, nunc in hac, & alia spirant? cur in hac regione hæ in aëre impressiones, hæ mutationes, & procellæ modò; modò in alia?*



*alia? cur hæ temporum vicissitudines in dies , & varietates cernuntur? quia modò hic , modò illic sydera ; quia in hac parte mundi , in hac regione modò , modò in alia secundum varietatem posituræ , in qua reperiuntur , in qua se respiciunt , influunt transmittendo qualitates suas , quæ hunc , vel hunc effectum causant ; ) cum hæ , vel illæ in aëre impressiones causentur à dictis qualitatibus Astrorum commixtis cum vaporibus ; vel cum exhalationibus ; cur non posset etiam dici ; quòd communicentur à syderibus his massis exhalationum , ex quibus sunt Cometæ conflati? quòd hi hos motus , hi alios habeant ; quòd ob id hi deflectunt ad Austrum semper ; hi ad Aquilonem semper vergunt ; hi modò ad Austrum , modò ad Boream deflectunt , & declinant ; quia sunt conflati , sunt compacti ex his , vel his exhalationibus euaporatis à syderibus tam Australibus , quam Borealibus , & eorum influxibus ; quòd hos cur-*

sus, vel hos habeant; has vel has vias teneant; has, vel has seruent periodos; quia hac, vel hac congerie halituum Planetarum, & aliorum syderum formantur, & sunt dicti halitus commixti qualitatibus, influxibus ab illis dispensatis, communicatis?

Habeo in hac re; ut probatum magis probem in simili clarissimâ, & validissimam instantiam; experientiam scilicet Marini æstus, fluxus, & refluxus maris, qui tam regulatus est; tam stabilis; tam adductus est tot horis; tam his est affixus metis; ut defatigauerit ingenia in inuenienda, & assignanda causa tam certi, & infallibilis, tam regulati motus. Fluxu tumescentes aquæ inundant littora; refluxu retrocedunt. Non patiuntur hunc marinum æstum omnia maria. Mediterraneum mare, quod à mari Siculo decurrit versus Columnas Herculeas, Hetruriæ, Liguriæ, & Galliæ Narbonensis ripas alluens non æstuat; vel, ut Conimbricenses volunt, tam  
exi-

exiguo æstuant æstu ; vt vix agnoscatur . A Columnis Herculeis pergendo versus Septentrionem est fluxus , & refluxus vsque ad mare Gothicum ; & æstus est maximus ; vt testantur Cardanus libr. i. de Nau-  
ta c.4. & Sigismundus in Commen-  
tario rerum Septentrionalium . Si à Columnis Herculeis versus Au-  
strum , & Meridiem pergas secun-  
dum littus Africæ vsque ad Insulas  
Capitis Viridis non est vllus fluxus,  
& refluxus . Neque sinus Maxica-  
nus , & mare , quod extenditur ad  
Cubam Insulam , ad Hispaniolam ,  
ad Ciuitatem nominis Dei habet  
huiusmodi marinum æstum , fluxum,  
& refluxum . Est tamen maximus in  
mari Oceano Britannico , Aquita-  
nico , Flandrico , & potissimum in  
mare Sur . Est etiam in Adriatico .  
Propè Insulam Sancti Thomæ in  
Indijs , & in Lusitano Oceano est si-  
cut in Adriatico . In mari Rubro  
est notabilissimus , & vehemens ; vt  
fidem facit Scaliger exercit. 52. In  
sinu Persico est idem fluxus , & re-

fluxus, qui est in Adriatico. Si à Columnis verò Hærculeis tendas versus Indias Occidentales in finu Marficano circum circa per longum tractum maris non reperitur marinus æstus; vt Petrus Martir asserit in suo summario c. 10.

In mari Adriatico, in Lusitano Oceano, in Sinu Persico, & propè Insulam Sancti Thomæ in Indijs crescit aqua per horas sex, & per horas sex decrescit. In Oceano Britannico, Gallico, seu Aquitanico, Flandrico, & Germanico, in quibus est fluxus, & refluxus maximus, intumescit, & excurrit aqua longissimè; vt etiam supra Britannicum; etsi in mari Baltico, vbi se inter Noruegiam, & Daniam infundit Oceanus, nec minimo commoueantur æstu. Ad fauces Indi, & Gangis recedit mare à littore per duodecim, aut quindecim miliaria. In mari Pacifico, quod dicitur del Sur alio nomine, æstus est tam magnus, & tam vehemens; vt videatur aqua fugere, & nisi essent  
la-

Iacunæ ad hunc vsum excauatae, in quibus consistunt naues, mare recedente non possent ibi commorari. Ad Guinæ oram est æstuantis maris tantus, ac talis impetus; vt tres anchoræ vix sustinere possint nauim, & impedire, ne allidatur. Ad Erythræum Africæ Promontorium per quatuor horas fluit, & per octo regreditur. Mare Rubrum per quinquaginta, vel sexaginta milliaria, octo horis excrescit, & quatuor horis minuitur.

Volunt hos tam regulatos motus, hos fluxus, & refluxus periodicos nonnulli prouenire quidem ab exhalationibus; sed ab exhalationibus commixtis, excitatis ab influxibus tam Solis, quam Lunæ; ab vtriusque qualitatibus transfusis, quæ cum his commiscentur, & causant æstus numeratos. Certæ Nautæ peritissimi se scire profitentur ex situ, in quo stat Sol, & Luna, ex horum Planetarum positione, & coniunctione, qua hora, quantus, quanto tempore futurus sit æstus sequen-

quenti die ; quod non possent scire ; nisi causarentur ab exhalationibus , & ab influxibus tam Solis , quam Lunæ . Est hoc tam certum apud ipsos ; vt perinde existiment de hac re dubitare , ac dubitare ; an dies esset à Sole .

Probat , & ostendit hoc in longum Contarenius libr. 2. de Elementis , atque obseruatum ab iisdem esse ; quòd quando æstus incipit , ab imo maris semper incipit , non ab eius superficie ; quod paulatim aqua illius attollitur , & feruet ; paulatim postea decrescit , & deferuet . Concurrit ad marinos æstus tam Sol , quam Luna ; quia Sol , inquit ille , exhalationes excitat , & maris aquam rarefacit ; Luna verò illas condensat virtute sua frigefactiua ; quare condensatæ longiori durant tempore .

Vt hoc patefcat magis , sciendum est , quòd Ioannes Iaisuerus in libello , quem accuratissimum de hac re scripsit , diuidit in quatuor partes Vniuersum . Prima Pars , in qua

qua illud diuidit , initium sumit ab Oriente, & terminatur ad Meridianum Apogæum , & hanc vocat Partem Fluxus . Secunda Pars initium sumit à Meridiano Apogæo , & terminatur ad Occidentē , & hanc vocat Partem Refluxus . Tertia Pars incipit ab Occidente, & terminatur in Hemispherio opposito ad Meridianum Perigæum , & hanc ille vocat Partem etiam Fluxus . Quarta Pars incipit à puncto , in quo Pars Tertia desinit, & à Meridiano Perigæo , & terminatur ad Orientem , & hanc vocat Partem Refluxus . In vnaquaque Parte ex numeratis ponit duo Puncta . Ex his , ait , aliud esse Punctum Debile , aliud Forte . Primum Punctum, quod est ab Oriente vsque ad medium Primæ Partis vocatur ab illo Punctum Debile Fluxus . Primum Punctum , quod ponit ille in medio dictæ Primæ Partis , vocatur ab ipso Punctum Forte Fluxus . Secundum Punctum, quod ponit in initio Secundæ Partis vsque ad medium eiusdem Secundæ

Par-



Partis appellatur à Iaisuero Punctum etiam Debile Refluxus. Secundum verò Punctum Secundæ Partis, quod ponit à medio eiusdem Secundæ Partis vsque ad Occidentem appellatur ab eodem Punctum Forte Refluxus. Tertium Punctum Tertiæ Partis, quod ponit ab initio Tertiæ Partis; hoc est ab Occidente vsque ad medium Tertiæ Partis, appellatur ab ipso Punctum Debile Fluxus. Punctum verò Tertium eiusdem Tertiæ Partis, quod incipit à medio Tertiæ Partis, & terminatur ad Meridianum Perigæum, & oppositum Meridiano Apogæo vocatur à Iaisuero Punctum Forte Fluxus. Quartum Punctum Quartæ Partis, quod ponit in initio Quartæ Partis; hoc est à Meridiano Perigæo, quod est oppositum Meridiano Apogæo vsque ad medium Quartæ Partis, appellatur ab illo Punctum Debile Refluxus. Punctum verò Quartum Quartæ Partis, quod incipit à medio Quartæ Partis, & terminatur ad Orientem,

tem , appellatur ab eodem Punctum Forte Refluxus .

Iuxta hanc assignationem factam Punctorum Debilium, & Fortium Fluxus, & Refluxus; vt Theoricam ad Praxim reducamus, incipit secundum hunc auctorem sub ortu Solis, & Primo Puncto Debili, Fluxus maris Adriatici, & primus aestus debilis per tres horas; intenditurque in Secundo Puncto Primæ Partis, & Forti Fluxus elatio vndarum maior, & incrementum notabilius per tres alias horas. A Meridie; à Puncto Debili Refluxus, & à Puncto Primo Secundæ Partis incipit Refluxus Debilis per tres horas, crescitque in Puncto Forti Refluxus per tres alias horas vsque ad Occasum. Incipit in Occidente de nouo à Puncto Debili Fluxus, & à Puncto Tertiæ Partis de nouo per tres horas crescit mare; intenditurque per tres horas Fluxus, atque augetur incipiente augmento, & eius incremento à Puncto Forti; hoc est à Puncto Secundo eiusdem.

Ter-

Tertiæ Partis; terminatur verò augmentum, incrementum Fluxus post tres alias dictas horas in Meridiano Perigæo: Incipit à media nocte decrefcere Refluxu, & decremento Debili à Primo Puncto Quartæ Partis, & Debili Refluxus per tres alias horas. Augetur verò Decrementum, & Refluxus per tres alias horas vſque ad Auroram à Puncto Forti Refluxus.

Hoc modo docet ipſe diſcurrendum eſſe de augmento quolibet, & decremento maris; ſubditque, ſe obſervatione accuratiſſima notaſſe; quòd (*hoc autem eſt in hac re nouum, ac mirum*) Si iſti duo Planetæ Sol, & Luna ratione ſui motus proprii ita inter ſe cõueniunt; vt vnus ex dictis Planetis ſit in Puncto Forti, vel Debili Fluxus; alter verò ſit in Puncto Forti, vel Debili Refluxus, non ſit neque Fluxus, neque Refluxus. Dicit inſuper; quòd obſeruauit; quòd ſi vnus ex Planetis ſupradictis eſt in Puncto Refluxus Forti; alter verò eſt in  
Pun-

Puncto Debili Fluxus , vel è contra , fit tam Fluxus , quam Refluxus . Subiungit ; quòd interdum inter se magis Sol , & Luna ; interdum inter se minus distant respectu motus proprii , quem habent . Quòd tunc minus distant , quando in Nouilunio se coniungunt , & est Luna Soli per Diametrum opposita ; quòd tunc sunt in eodem Puncto , & simul influunt ; & quia sunt in eodem Puncto , & tunc simul influunt , ille excitando exhalationes , hæc condensando , maximus fit æstus . Prout deinde hi duo Planetæ , inquit , Iasuerus magis , vel minus inter se distant ; magis disiunguntur , elongantur , vel vt vniantur iterum in Nouilunio approximantur , maior , vel minor fit æstus . Præterea dicit ; quòd si fit in Oriente coniunctio Planetarum , incipit die illa Fluxus in ortu Solis ; quòd si Sol præcedit parum Lunam , non incipiet die illa Fluxus Oriente Sole ; quia reliquens Lunam in Quarta Parte diuisionis supradictæ , hæc impedit actionem

So-

Solis, quoadusque Sol eleuetur supra Orientem. Octauo, vel Nono die; quia Luna est in Puncto Debili Fluxus, Sol in Puncto Debili Reflexus, nec Fluxus fit, neque Reflexus. Similiter non fit nec Fluxus, nec Reflexus vigesima prima die, vel vigesima secunda; quia quando vnus Planeta est in Puncto Debili, vel Forti Fluxus, alter in Puncto Debili, vel Forti Reflexus, nunquam fit Fluxus, nec Reflexus. Obseruatio est acutissima, & quamplures in hac re nodos, qui existimantur Gordiani, soluit.

Sed prascindendo ab hac doctrina, non ne ab exhalationibus commixtis cum influxibus; vt docent alij, solius Lunæ hi regulati motus, & æflus maris periodici causantur? non ne volunt; quòd sequatur mare motum Lunæ? quòd dum eleuatur ipsa ab Oriente ad medium Coelum, mare etiam ipsum eleuatur, & excrescit? Quòd cum illa non potest eleuari amplius; sed declinat versus Occidentem, mare quo-

quoque veluti declinans decrefcit ? Ita dicunt euenire in oppofito Emi-  
Sphæro, & quia motus Lunæ diurnus  
per raptum primi Mobilis abfolui-  
tur viginti quatuor horis , & in  
qualibet Quarta Parte fit variatio  
motus Lunæ, ob id etiam fit variatio  
in æftu maris . Dum eleuatur , &  
afcendit Luna , afcendit eleuatur  
aqua , & fit Fluxus per ſex horas ;  
vbi crefcit per ſex horas ; vt in ma-  
ri Adriatico &c. Cum declinat ver-  
fus Occidentem ; per ſex horas de-  
clinat , & decrefcit aqua ; per ſex  
horas fit Refluxus . Dum in oppo-  
ſito Emiſphæro iterum afcendit per  
ſex horas Luna , afcendit aqua ite-  
rum , & fit nouus Fluxus per ſex  
horas noctu . Dum in oppoſito  
Emiſphæro declinat , & deſcendit  
Luna per ſex horas, deſcendit aqua  
iterum , & fit nouus Refluxus per  
ſex horas noctu . Dicunt autem ;  
quòd ex eo dicitur , quòd operetur  
Luna hoc ſuis influxibus ; quia vi-  
detur habere , & exercere impe-  
rium , & dominium ſuper humida ;  
quia

quia Luna, ut ait Ptolomæus est  
foeminei sexus, & in natura ipsius  
excedit humiditas, ob quã Galenus  
libr. 3. de diebus criticis adscribit  
illi morbos pituitosos. Hinc est;  
quòd afflicti morbis, qui frigidita-  
te, & humiditate augentur, in Lu-  
næ coniunctionibus, in Lunationi-  
bus cruciantur magis, atque ob  
humiditatis additionem illas no-  
scunt, & præsentunt. Sic discun-  
t de fluxibus, & refluxibus alio-  
rum marium; quia in quocumque  
mari bis singulis diebus, ut Cabæus  
docet in libr. 2. Meteorolog. quæst.  
5. post medium, quæ crescunt, &  
bis in quocumque mari decrescunt.  
Sex augentur horis, & tot minuun-  
tur tam in Adriatico; quam in An-  
glia, Lusitania, & alibi; (Solum-  
que, ut ille subdit, discrimen est;  
quòd aliquibus in locis intumescenti-  
æ tempus augetur, detumescentiæ  
minuitur. Nam in Garumna, in  
Oceano Atlantico septem horis in-  
tumesceat, & quinque detumesceat. In  
Africa inter Tropicum, & Aequa-  
to-



*torem quatuor horis fuit rapidissime, octo minuitur, & refuit. Ali-  
bi etiam fortasse ætus inæquales  
habebit mensuras, semper tamen  
incrementa, & decrementa duode-  
cim continet horas.) Sic ille.*

Si tam ergo periodici, tam  
regulati motus, quales sunt fluxus,  
& refluxus maris causantur ab ex-  
halationibus commixtis cum influ-  
xibus solius Lunæ; vel cum influxi-  
bus tam Solis, quam Lunæ; cur  
non potest dici; quòd proueniant  
ex exhalationibus commixtis cum  
influxibus tam Planetarum, quam  
Stellarum Fixarum hi, vel illi mo-  
tus regulati Cometarum?

Adde; quòd his, vel his Pla-  
netarum, & Fixarum concurrenti-  
bus aspectibus, influxibus præpa-  
rantur ita singulis diebus aliquando  
vapores aquæ, vt quotidianas, &  
regulatas forment pluuias; vt statu-  
tis semper horis obnubiletur Cœ-  
lum, & in imbres resoluantur nu-  
bes effusissimos. Quòd in multis  
mundi partibus recurrunt statutis  
ho-

horis quidam venti. Quòd in animali naturalis calor excitat, disponit ita massam humorum, & febrilis æstus; vt incrementum habeat vnaquaque die periodicum, & decrementum regulatum, certis horis determinatum, & affixum.

Hoc ego certè modo potius discurrerem, sic potius dicerem; ne dicerem, vt dicunt aliqui Cometas moueri, verti motu proprio, non reali, & verò; sed apparenti, qui oritur à tarditate; quia motum raptus non ita velociter sequuntur vel ob crassitiem, vel ob raritatem materiæ, quam habent: ne dicerem; vt dicunt aliqui, moueri modò ad Austrum; modò ad Aquilonem, & ad Polos; quia est naturæ consentaneus accessus ad Polos; & ad hunc potius Polum, quam ad illum accedere; quia ex hac parte, & ex hoc Polo reperiuntur aggregatæ, & consipatæ exhalationes: ne dicerem, vt dicunt nonnulli, recessum à Polis esse aliquando ob dispositionem materiæ, quæ ob aliquam

quam peculiarem causam prius accenditur in partibus ad Polum obuersis : ne viderer velle diuinare : ne dicerem hæc euenire casu : ne admirabilem sapientiam Creatoris, quam ita commendamus in hac Vniuersi Fabrica, denigrarem ; cum videam summo ordine formata, & constituta reliqua .

Non est huius argumentum leue id, quod Nicolaus Paschalius, qui fuit Eminentissimi Caraccioli per multum tempus Secretarius ; in Astrologia hæc satis celebris, & apprime in Mathematicis versatus annotauit . Obseruauit hic ; quòd Cometa nuper à nobis visus ostendit semper inclinationem, quandam sympaticam ad Geminorum Constellationem, & quòd dum factus fuit Occidentalior Constellationi dictæ conuertit, & extendit ad hami speciem extremitatem caudæ suæ vibratione, crispatione tremula, & quòd, vt extendi solet flamula, ad lambendam partem ligni magis exsiccata, & magis dispositam

H            sitam

fitam ad recipiendam formam ignis; quòd, vt se conuertens ostendit magnes anhelare adesse contra Polum Arcticum, & in oppositum Polaris Stellæ; sic visus ille fuit impulsu quodam Sympatico in Constellationem Geminorum ferri. Vt obseruationi fidem præstes firmiorem, apponam hîc eius verba, quibus ille; vt vota secundaret mea; vt erga me se in dies magis humanissimum, & addictissimum ostenderet, sic mihi eam exposuit, sic exaratam mihi tradidit.

Sæpè à me petijsti; vt si quid obseruauerim de motu Caudæ Cometæ, qui apparuit anno Domini 1664. mense Decembris ad te perscriberem. Ego verò quo magis me tibi omnia debere confiteor; eo minus illud tibi vccusque aperire sum ausus; ne singulare nomê affectare viderer. Cœlestia enim Corpora propter eorum excellentiam sunt his inferioribus dissimillima, & propter remotiorem à sensibus nostris cognitu difficillima. Vndè quam periculosum

fit

fit noua proferre in re tam sublimi ,  
& ardua nemo non ignorat . Quo-  
niam autem tu amplum discurrendi  
aditum omnibus aperuisti ; dum  
sententia à te excogitata de varie-  
tate , & inæqualitate motuum Co-  
metarū concilianda admodum pro-  
babilis communiter sit iudicata, po-  
tissimum, & à Cassino, & à Gottignies  
laudatissimis Mathematicis , tum  
ob rationes , quas affers ; tum quia  
( *sunt verba Aristotelis libr. 1.  
Meteor. c. 4.* ) ( *De immanifestis  
sensui putamus sufficienter demon-  
strasse secundum rationem ; si ad-  
possibile reduxerimus ;* ) tandem te-  
neri non potui ; quin coniunctio-  
nem studiorum , amorisque nostri  
hoc quoque monumentorum gene-  
re declararem .

Cauda Cometæ nostri respexit  
semper Stellas Geminorum . Cum  
primum enim apparuit , numquam  
ab ipsis Stellis deuiavit ; sed eas per  
totum durationis tempus cauda cir-  
cuiuit . In principio apparitionis  
Caudam ad Occidentem protendit ;

quia illic Stellæ Geminorum erant :  
indè progrediendo contra successio-  
nem Signorum , iuxta situm , quem  
fortiebatur ad ipsas Stellas , Cau-  
dam ad Septentrionem proportionē  
flectebat ; adeo ut ubi fuit in recta  
linea cum Stellis Geminorū , ad un-  
guem illas respexit . Factus postea  
aliquantulum Occidentalior ipsis ,  
inflexit summitatem Caudæ in  
hami speciem , cuius pars recta ad  
Arcton spectabat ; inflexa verò ocu-  
lum Tauri petebat . Tandem ad Oc-  
cidentem progrediendo usque ad  
Arietis Signum , sensim inclinavit  
Caudam ad Orientem proportio-  
naliter pro situ Stellarum Geminor-  
um , & in toto hoc cursu descripsit  
Segmentum circuli inter Occasum  
Geminorum , & Ortum eorundem  
per Septentrionem interceptum :

Mirus quidem est hic Cauda  
Cometæ motus ; non tamen novus  
est . Etenim hoc idem ferè accidit  
Cometæ , qui in plaga Septentrio-  
nali apparuit anno Domini 1475  
die 13. Ianuarij in Signo Libræ ; v

refert Ziglierius ex obseruationibus Regiomontani ; & hoc fortasse utrique contigit ; quia ambo vires suas ab ipsis Geminorum Stellis agnoscebant , & qui quadam sympathica ; vt effectus ad suas Causas , ad ipsos Cauda inclinabant . Sic magnes ad Cynosuram ; sic Heliotropium ad Solem conuertuntur ; sic Palma ad Palmam proximam suos expandit ramos . Sic voluisse innuere videtur Aristoteles libr. 1. Meteor. c. 4. dum dixit . ( *Quando igitur iuxta Stellam facta fuerit talis concretio , eadem necesse est apparere latione , & moueri Cometem , qua quidem fertur Stella .* ) Et sic expresse asserit Cardanus his verbis . ( *Similiter & Cometem Cauda respicere Stellam aliquam , seu Erraticas , veluti dictum est de Comete illo Regiomontani , qui semper Stellam Geminorum obseruabat , minimè absurdum videri debet , quodque vires illius sortiatur , aut illarum . Tunc enim maxima fontium siccitas fuit ; & Henricus Rex*



*Angliæ cum filio Eduardo interemptus est . Constat autem Geminorum Stellæ ferme omnes naturæ esse Martis ♂ , & ♄ Saturni . Similiter & Turcæ Pannoniam sunt prædati . )* Sed & effectus cum prædictis consentiunt . Nam Cometæ eam terræ partem afficere creduntur à Prolomæo , ad quam Caudæ acumen inclinant . Noster autem Cometa in Scorpionis Signo primum exarsit , ac propter latitudinem in Capricorni circulo fulsit . Caudamque ad Occasum Geminorum porrexit , ac paulatim ad Ortum eorundem per Septentrionem deflexit : Hinc Smirnis , & Constantinopoli Hæbræorum ille Pseudomessias : Hinc arcis Candiæ validissima , & obstinatissima oppugnatio : Hinc Ragusa Ciuitas à Terremotu penè tota diruta , & absorta : Hinc crudelissimum nauale prælium inter Hollandos , & Anglos : Hinc celebre incendium Londini excitatum , quo tota ferè Ciuitas in cinerè redacta fuit : Hinc memorabile in-

cendium Hollandicæ classis in ipso  
 Absterdami portu : Hinc Poloniæ  
 Regni ab ipsomet Rege spontanea  
 abdicatio : necdum finis . Quæ om-  
 nia si bene perpendantur , & naturæ  
 Cometæ nostri , & situi eiusdem  
 Caudæ respondere videntur . Hæc  
 conijcere valui ; hæc , vt tuæ mo-  
 rem gererem voluntati tibi potui  
 exponere . Si minus rectè ; tu æqui  
 bonique consule . In magnis liqui-  
 dem voluisse sat est : Vale .

Ad Constellationem ergo Ge-  
 minorum vertebat Caudam Come-  
 ta inclinatione , propensione qua-  
 dam symphatica ; quia forsan erat  
 conflatus ex exhalationibus præser-  
 tim euaporatis ex illis Stellis Fixis  
 Geminorum in maiori cōpia ; quam  
 ex alijs .

Habet hæc opinio suas difficul-  
 tates . Primò ; quia in sententia  
 eorum , qui volunt Cœlum esse li-  
 quidum , & fluidum , qui excludunt  
 numerum Cœlorum , & existimant  
 usque ad Empyreum esse auram  
 ætheris leuissimam , & tenuissimam ,

in qua mouentur Stellæ Planetariæ,  
& Fixæ, non videtur, quomodo  
saluari possit motus raptus, & mo-  
tus proprius, quem habet quilibet  
Cometa. Secundò; quia posita hac  
sententia, & posito, quod diximus  
de motu proprio Cometæ, qui de  
nouo à nobis visus est, non vide-  
tur; cur se mouit semper tam motu  
raptus, quam motu proprio ab  
Oriente in Occidentem; cum nulla  
Stella, neque ex Planetarijs, ne-  
que ex Fixis moueatur motu pro-  
prio ab Oriente in Occidentem.  
Ergo non potest dici, quòd fuerit  
conflatus ex earum euaporationi-  
bus, & ex earum influxibus. Ter-  
tiò; quia Cometa de nouo à nobis  
visus non se mouit sub Polis Zodia-  
ci; vt se mouent omnes Stellæ Pla-  
netariæ, & Fixæ; sed se mouit sem-  
per sub Polis Mundi. Si autem ille  
participasset ex vaporationibus ea-  
rum, & ex earum influxibus mo-  
tum proprium, non debuisset mo-  
ueri motu proprio sub Polis Mun-  
di; sed sub Polis Zodiaci, sub  
qui-

quibus illæ se mouent .

Hæ difficultates habent solutiones suas . Habet Difficultas Prima solutionem suam ; quia si quis primò diceret , habuisse motum , raptus ab ipsa aura ætherea , & quòd hæc moueatur motu viginti quatuor horarum , quo dicimus moueri Primum Mobile ab Oriente in Occidentem rapiendo secum , Stellas Planetarias , & Fixas . Si quis secundò diceret , quòd ille habuerit à suo principio intrinseco talem motum , & quòd hic illi fuerit proprius ; si quis diceret , tam Stellas Fixas , quam Planetarias habere motum ab Oriente in Occidentem , astris om̃ibus communem à principiis suis intrinsecis , vt habent à principiis suis intrinsecis rationem vniuersalem substantiæ cunctis communem ; motum verò proprium , & peculiarem à differentia sui specifica , & à ratione vltima constituyente illas vltimò ; quòd datur tam in Stellis Fixis , & in Planetariis , quam in Cometis vnus simplex mo-

tus ; quòd hoc motu simplici mouentur ab Oriente in Occidentem , secundum rationem omnibus communem , & vniuersalem cunctis ; vt est vniuersalis cunctis ratio substantiæ ; quòd non mouentur motu retrogrado ab Occidente ad Orientem ; sed tanta , aut tanta , maiori , vel minori velocitate ; & quòd hæc maioritas velocitatis , vel minoritas est ratio vltima constitutiva ipsarum ; quòd motus retrogradus , & motus , quo dicuntur illæ moueri ab Occidente in Orientem nil aliud sit , nisi has tardè , & has velociter moueri ; quòd hoc motu simplici , & hoc modo se mouit Cometa , qui de nouo à nobis visus fuit ; si quis excludendo Primum Mobile negaret , & excluderet è Scolis motum raptus ab hoc prouenientem , & diceret hunc prouenire modo explicato à principio intrinseco ; hunc esse nexu indissolubili coniunctum cum motu proprio , hoc est cum tanta , aut tanta velocitate , motus , non ne enodaretur difficultas ,

tas ; & omnino eneruaretur ?

Secunda Difficultas non videtur habere vim ; quia est de subiecto non supponente . Supponit enim se mouisse semper Cometam , qui de nouo à nobis visus est, ab Oriente in Occidentem ; cum tamen omnes, qui obseruarunt illum incessanter ; obseruassent , fuisse , dum peruenit ad Arietem , retrogradum , & se mouisse tunc ab Occidente in Orientem . Sic certè Astronomi praclari Cassinus, & Gotignies celebris vterque Lector Mathematicæ obseruarunt ; sic non nulli alij , qui non intermiserunt vnquam in Germania , in Belgio obseruationes . Fuit ergo motus proprius motus Cometæ , qui de nouo à nobis visus fuit ; mixtus ; vnde argumentum corruit . Deinde etiam si se mouisset solum motu proprio ab Oriente in Occidentem , non ex hoc inferri posset ; quòd non potuit conflare , coagmentari ex exhalationibus coelestibus Fixarum , aut Planetarum . Nam quamuis non moueantur motu

proprio ab Oriente in Occidentem  
 Stellæ Fixæ , neque Planetariæ ,  
 Mixta nō debent participare quod-  
 cumque habent causæ , quæ concur-  
 runt ad ponendum Mixtum . Si in  
 loco humido ponatur ocymum sub  
 latere , gignuntur Scorpiones : ex  
 equi pilis diu in aqua , vel in dolio  
 vino pleno seruatis serpentes : ex  
 bouis strangulati ventre producun-  
 tur apes : ex equis mortuis Scara-  
 bæi : ex mulis locustæ ; ex lixatura  
 anatis ranæ : ex feminibus sericis  
 in sinu calefactis vermes : ex mate-  
 ria putrida quamplurima animalia ;  
 ex cineribus Phœnicis, cuius histo-  
 riam probat Aldourandus viginti  
 quinque auctorum testimonijs , ver-  
 mis gignitur , qui plumis postmo-  
 dum non multo post , & pennis ve-  
 stitur : ex arboribus quibusdam, de  
 quibus mentionem facit Iacobus  
 Aconensis Cardinalis in libro Oriē-  
 talis historiæ relatus à Maiolo in  
 colloquio 6. generantur aues . (*Ar-  
 bores , inquit Aconensis , sunt super  
 ripas maris , de quibus aues pro-  
 crean-*



*creantur rostris infixis arboribus dependentes; tempore verò maturitatis ex arboribus decidunt, ac per incrementa proficientes, sicut ceteræ aves volare incipiunt.*.) Sic ille idem asserit Vincentius histor. natur. libr. 16. c. 40. idem Odericus, & Ottellius à Maiolo ibidem relati : Fructus arboris cuiusdam, si in mare decidunt, ex illis generantur Anates; vt scribit Olaus libr. 19. c. 6. sensimque illis alis crescentibus in Siluis euolant : Piscis, de quo mentionem facit Vincentius natural. libr. 17. n. 81. & Albertus libr. 24. gignit varia piscium genera : Animal quoddam ex Quadrupedibus, de quo idem Albertus agit in libr. 24. conuertitur in senectute membris omnibus in piscem : è contra Piscis Astoiz, cum senuerit, mutata forma piscis in terrestre animal è mari in terram migrat; vt testatur idem Albertus ibidem, & terrestre factum terrestribus, nomenque mutans non Astoiz, vt prius; sed Abides vocatur. Simile  
quid

quid scripsit Aloysius Almeida ex  
Iapone anno Domini 1556. de  
quodam animale, canis magnitudi-  
ne, colore aureo, & villo molli,  
quod in Regno Goto extat in Syl-  
uis; (*Hoc, ut ipse, ait, cum senue-  
rit, in mare sponte ingreditur, ibi-  
que paulatim transformatur in pi-  
scem;*) idque adeo verum esse ob-  
restatur; ut aliquando contigerit  
hoc pisce capto, quod adhuc pars  
permanebat aliqua quædrupedis;  
pars altera iam squamis, atque  
pinnis deformata videbatur. Si re-  
censita in productionibus enumera-  
tis; seu transformationibus à cau-  
sis, quæ concurrunt ad illa virtua-  
liter producentia, aut transforman-  
ea non participant quodcunque  
causæ, quæ concurrunt, in se con-  
tinent? Si transmutatur incessanti  
variatione vnum Elementum in  
aliud, & ex eo vult Aristoteles sub-  
ministrari à fontibus perennes aquas;  
quia conuertitur in aquam, tran-  
smutatur incessanter aër contentus  
in cauernis, in terræ cavitatibus;

& tamen Elementum transmutatum non participat quodcumque causæ, quæ concurrunt ad ipsius transmutationem, continent in se? Cur Cometæ debent participare à suis causis quodcumque continent in se causæ virtuales, quæ concurrunt ad ponendos, ad conflandos illos? Quin Mixtorum ratio postulat; ut non participant quodcumque, quod in se causæ virtuales continent, quia in se mixta continent principium sibi communicatum ab ijs essentialiter diuersum, cui non debetur illud, quod debetur causis, quæ in sua virtute illa continent.

Ex dictis infero; quòd sicuti habuere à causis virtualibus inanimatis vitam recensita, & principium essenziale magis præstans; sic non est mirum; quòd ex exhalationibus cœlestibus, ex quibus conflantur, & in massam conspissantur Cometæ, sumant hi principium essenziale motus magis rapidi, velocis, quam habeant Stellæ, è quibus illæ euaporarunt. Deinde si diceretur; quòd

quòd ex euaporationibus eorum syderum præsertim producantur, & conflentur Cometæ, quæ vertuntur motu rapidiori, velociori; non ne difficultas eneruata, euacuata omnino esset? Si concurrente tigris, & cane generantur canes tam præstantes; ut virtutem æquent, generositatem, & validissimum leonis robur! (*Indici, Aelianus ait libr. 8. hist. animalium c. 1. canes sunt ferocissimi; nam fœminæ alligantur arboribus, ubi tigres habitant. Si contingat tigres Venere mansuescere, & coire, gignuntur adeò mirabiles canes; ut leonibus sint virtute pares.*) Et libr. 4. c. 18. de his agens ait. (*Ferocissimi sunt canes Indici, & fortissimi, ac canum maximi. Reliqua animalia contemnunt; contra leonem pergunt, & inuadentem sustinent; rugienti oblatrant; mordentem mordent, & postquam multis malis leonem affecere, & læsere, non nisi morte vincuntur. Et si leo victus fuerit, tamen canis mordens for-*

fortissimè eum retinet, nec morsum remittit, etiamsi eius crura abscindas, nec nisi mortuus relaxat morsum.) Fuit vnus ex his canibus appositus; vt decertaret coram Alexandro Magno cum leone. (Ad extremum, inquit Aelianus in dicto libr. 8. c. 18. leonem protulerunt in medium. Cum vidit eum ira exarsit, ac tanquam iustus hostis in certamen descendisset, sine mora illum intrepidus inuasit, atque acerrima comprehensione leonem constrictum tenens, illius fauces premebat. Indus, qui hoc spectaculum Regi præbebat, quique propè sciebat eius robur, & animi constantiam, primum illi caudam abscondi iussit: deindè crus suffringi imperauit. Aequè tamen ille, vt à principio urgebat, & nihil remittebat, quasi alienum crus, & ad se nihil pertinens suffringeretur; post alterum arctè nihilominus tenebat; tum tertium incidi præcepit; vt ante nihil se relaxauit à retinenda leone; tum etiam quartum

tum crus abscindi voluit; sed ille  
 maximo robore leonem tenens ad  
 eius perniciem incumbibat. Deni-  
 que et si caput à reliquo corpore ab-  
 scissum fuit, illius tamen dentes ex  
 illi leonis parte, in quam primum  
 fixerat, pendeabant simul; & quam-  
 vis mortuus esset, eius tamen  
 ex leone appensum caput fereba-  
 tur.) Si concurrente ad produ-  
 ctionem horum canum tigre, & ca-  
 ne tam validi, & præstantes canes  
 generantur? quid mirum; quòd  
 concurrentibus exhalationibus eo-  
 rum syderum; quæ rapidiora velo-  
 ciora sunt in motu, formentur tam  
 in motu rapidi Cometæ? Dixi con-  
 currentibus Stellarum cursu magis  
 concitato decurrentium euapora-  
 tionibus; quia existimat Cabæus,  
 quòd non est improbabile, tam Stel-  
 las Fixas, quam Planetarias habere  
 sua Emissoria, è quibus euaporant,  
 ut à Solis Emissorio, exhalatio-  
 nes.

A duerte insuper; quòd non est  
 mirū, quòd Cometa à nobis de nouo  
 visus

visus habuerit tam rapidum , & tam velocem motum ; quia se mouit semper sub polis mundi rectè , sine obliquitate , & se compendiosissima , breuissima conuertit gyratione . Præterea circulus , per quem se mouit fuit Ellypticus , non Sphæricus perfectè ; fuit coarctatus , brevis peripheriæ , & angusti gyri , quem facile , quem expeditè gyrare poterat . Non ex eo videtur Luna expeditiori , velociori , rapidiori cursu ferri ; quam reliqui Planetæ ; grandiori gressu incedere ; quia gyrationis eius semita est breuior ; quia eius orbita non est tam ampla , vt aliorum Planetarum orbitæ ?

Ad tertiam dico ; quòd eodem modo responderi posset , non participare in se mixtum quodcunque habeat causæ , à quibus ponitur , & est harum proprium ; vt iam dixi . Quare etsi Planetæ , & Fixæ moueantur sub Polis Zodiaci , non autem sub Polis Mundi , non est necessarium ; vt etiam Cometæ ex exhalationibus , & ex influxibus Fixarum ,



rum, & Planetarum conflati moueantur sub Polis Zodiaci, non autem sub Polis Mundi; quia hoc dicit Mixtum, differre in aliquo ob rationem sui constitutiua[m] vltimam specificam, vel indiuiduationem à causis, à quibus ponitur.

Si his non obstantibus non probas solutionem datam, & expeditam magis optas, dic, vt dicitur communiter in Scolis, quòd hi regulati Cometarum motus, ac cursus periodici habentur ab Intelligentijs, à quibus Deus facit per has, vel illas Coeli partes moueri, & circumuolui Cometas; vt ostendat, in quibus terræ partibus euenient, quæ per illos designat; vt sciatur, se præscire omnia, & à suo nutu regi; nil fortuitò, nil casu fieri; sed à se quodlibet præuisum, & à sapientia sua ordinatum.

Quòd autem pertinet ad motum Cometæ de nouo à nobis visi, dico; quòd obseruari hìc primò coepit circa medium mensis Decembris anni 1664. protensa barba,  
quæ

quæ degenerauit postea in caudam subtus Corui rostrum. E' Corui rostro motu rapidissimo, concitatissimo progressus est ad Hydram, ultimam, quæ in Crateris pede sita est, Stellam quasi lambens, & attingens in ipso transitu. Ex Hydra, cuius corpus in penultima illius Spira, & Curuatura interfecauit, deuenit ad malum Nauis Argi; deinde ad huius proram. E' Nauis Argi prora non tam concitato cursu gradiens ascendit versus Canem maiorem, cursumque lento pede prosequens; nec tam veloci gressu, ut ante procedens peruenit ad Leporem. E' Lepore deuenit ad Eridanum, quem pertransiens progressus est ad os Coeti. Ex huius ore excurrit ad Tauri Signum. E' Tauri Signo progressus est ad Arietem, in cuius cornibus diu stetit factus Stationarius, & ibi post multum temporis, quo solum Telescopio cernebatur simplici oculorum visui factus inuisibilis, disparuit.

Duplici se mouit motu; diurno

no scilicet, seu raptus, quo rapiebatur ab Oriente ad Occidentem, & motu proprio, quo se mouit etiam ab Oriente in Occidentem, declinando modò ad Austrum, modò ad Boream, gradiendo semper contra Signa; quia à Libra iuit ad Arietem, à quo debuisset ire; vt moueretur iuxta Signa, ad Libram. Pertransiuit hoc suo motu proprio gradiens per Constellationes supradictas, declinans primò ad Polum Antarcticum, & per quinque gradus subtus Tropicum Capricorni se extendens, & ad Polum Arcticum progrediens; mox de nouo Capricorni Tropicum pertransiens, & Æquinoctialem circulum, peruenit ad Arietem ad Austrum declinando, confecitque in hoc suo cursu centum octoginta 180. gradus; cum tot intercipientur gradus inter Libram, à quo cursum inchoauit, & Arietem, in quo illum terminauit, & disparuit.

Si quis autem à te petat; cur habuerit hunc motum proprium, da

da ex supra allatis rationem illam ,  
quæ facit pro sententia , quam se-  
queris , & tibi arridet magis .

Difficilius verò est , causam as-  
signare ; cur modò motu rapidissi-  
mo , concitatissimo se ille mouerit ;  
modò lento , & fuerit in fine , vt in  
initio Stationarius .

Habet tamen etiam difficultas  
hæc solutionem suam , quam potes  
dare iuxta illam , quam ex superio-  
ribus elegeris sententiam .

Si existimas ; quòd sint Co-  
metæ Stellæ Errantes , & quòd ex  
his ille fuit ; dic illum habuisse  
vel ab Intelligentia , quæ eum mo-  
uit motu illo peculiari ; vel à prin-  
cipio intrinseco , & hoc illum ha-  
buisse à Deo ; quando fuit creatus ,  
vt reliqui Planetæ Spuriij ; vti ha-  
buere ab illo veri , & legitimi Pla-  
netæ . Quòd si vis adhuc scire ;  
cur cum habuerit à Deo motum il-  
lum , se mouit motu rapidissimo ,  
concitatissimo in initio ; deinde len-  
to , & in fine fuit ille Stationarius .  
Dico ; quòd in initio se mouit mo-  
tu

tu rapidissimo, concitatissimo; quia dum se videndum nobis dedit Cometa, descendebat à suo Auge ad secundam stationem sui Epycicli, & movebatur consequenter cum suo Epyciclo tunc motu Deferentis, & suo non retardante; quando verò coepit moueri motu retrogrado, coepit eius motus proprius; quia erat contra motum Deferentis, qui mouetur semper iuxta Signa, non contra; ut tunc movebatur Cometa, coepit retardari à motu Deferentis. Ut hoc perciperetur melius, existimaui hic ponere hanc Figuram, in qua est, ut vides Epyclicus Cometæ cum suis Stationibus, per quem tu debes supponere, quod hic girauit.



Motus Directus  
Statio 2.<sup>a</sup>  
Statio 1.<sup>a</sup>  
Motus retrogradus



Quilibet Planeta excepto Sole suum habet Epyciclum, per quem gyrat, & cum quo voluitur per Deferentem suum. Dum Epyciclus vertitur, & per Epyciclum Planeta, defertur motu Deferentis tam Epyciclus, quam Planeta, qui per Epyciclum gyrat, ab ipso Deferente; & defertur, cum moueatur Deferens iuxta ordinem Signorum, qui inchoatur ab Ariete, prout hic cum Firmamento vna cum alijs Signis inchoauit motum à mundi initio, ab Occidente in Orientem. In Epyciclo, per quem mouetur Planeta; vt calculetur motus Planetæ, quo per Epyciclum suum mouetur, ponuntur duæ Stationes in latere Epycicli dextero, & sinistro prima, & secunda. Prout consideratur Planeta descendere à suo Auge, à suo Apogæo ad Perigæum, & ad Apoauge, dicitur moueri cum suo Epyciclo ad motum Deferentis iuxta ordinem Signorum, & hoc modo, dum se videntum nobis dedit Cometa, se mouebat



bat cum Epyciclo suo delatus motu sui magni Circuli, & Deferentis; & quia mouebatur tam motu suo tunc; quia descendebat à suo Auge per costam Epycicli sui iuxta ordinem Signorum; quia ferebatur quoque iuxta hunc ordinem Signorum Deferens; quia vterque vertebatur ex eadem parte; quia à Deferente non retardabatur, visus est Cometa, tunc moueri motu rapidissimo, concitatissimo. Transacta costa sui Epycicli dicitur moueri quilibet Planeta motu retragrado, & motu consequenter lento; quia retardatur eius motus, quo mouetur tunc contra Signa se per Epyciclum suum, vertendo, à motu Deferentis; vt retardatur, & ex eo fit lentus motus nauis, vel piscis; dum mouetur contra cursum fluminis. Ob id Cometa, dum transacta costa sui Epycicli se approximauit ad Apogæum, & Perigæum Epycicli moueri coepit motu tardo, & lento; quia motus eius retardabatur à suo Deferente, qui mouebatur iuxta Si-

gna. Transacto Perigæo incipit Planeta Epycicli costam aliam ascendere; ut deueniat ad primam Epycicli Stationem, & tunc existimatur Stationarius; quia respectu nostri visus videtur in linea quasi recta costæ Epycicli; ut figura manifestat; & quia dum videtur aliquod obiectum, quod mouetur in ea linea; cum non possimus eius motum distinguere; cum videamus semper moueri in eadem recta linea, videtur nobis non moueri, etsi de facto moueatur; videtur nobis factus Stationarius. Hoc modò se fecit nobis Cometa Stationarius in Ariete, & visus est diu ibi stare, quia videbatur ascendens costam; ut ad Stationem primam sui Epycicli deueniret, in dicta linea recta. Si tali modo vis discurrere, & saluare, quæ contra opponi possunt, teneris dicere; quòd Deferens, & eius gyros non habebat idem centrum, quod habent Deferentes Planetarum; sed peculiare, & suum; quòd non mouebatur ab Occidente, ut

hi in Orientem , vt Deferentes Planetarum ; sed ab Oriente in Occidentem . Vel si censes non dari Cœlos plures , & hos solidos ; sed vnum tantum esse ; in quo tam Planetæ Spuriij , quam Legitimi moueantur , & hoc esse liquidum , conflatum ex materia tenui , & fluida , dic illum motum habuisse à principio intrinseco , & hoc à Deo ; sed nō habuisse pro sui gyri centro centrum , quod habent pro suis gyris Planetæ Veri , & Legitimi ; sed peculiare , à centro , quod hi habent diuersum , & contradistinctum .

Si vis è contra sustinere ; quòd Cometæ sint conflati ex exhalationibus ignitis ; vel dic , quòd ex eo illa massa ignita , & Cometa ille habuit talem motum proprium ; quia modò in vna parte ignescebat , modò in alia ; vel dic illum habuisse ab Intelligentia , quæ mouit eum tali motu : vel dic illum habuisse ; quia aggregatum illud exhalationum habebat tale intrinsecum principium motus ob rationem suprapositam .

Si demum vis ; quòd Cometae  
sint conflati non ex exhalationibus  
ignitis ; sed ex exhalationibus à So-  
le tantum illuminatis , dic habui-  
se illum à suo principio intrinseco  
quia erat aggregatum talium  
exhalationum ; vel quia  
tali modo moueba-  
tur ab Intelli-  
gentia .



*Quo nam modo cognosci possit Al-  
titudo Cometarum ; Et in  
qua fuit de nouo à  
nobis visus .*

## CAPVT IX.




**Q**UOD ad Nonum ; &  
ad Altitudinem Co-  
metarum spectat, Di-  
co ; quòd eorum Al-  
titudo , hoc est di-  
stàtia eorum à terra ,  
inuestigari , & indagari potest di-  
uersis modis .

Inuestigari, & indagari primò potest, ( *Quod est modus inter alios modos magis expeditus, atque certus,* ) Parallaxi, videndo; an patiatur hanc, nec ne. Si non patiuntur Parallaxim, vel vix distinguibilem, sunt à nobis remotissimi, & in maxima Altitudine. Si verò Parallaxim patiuntur maximam, sunt nobis maximè propinqui. Si minorem quidem Parallaxim; sed non maximam patiuntur, non sunt à nobis remotissimi; sed sunt respectu eorum, qui patiuntur maximam, & sunt consequenter nobis maximè propinqui, à nobis remotiores.

Parallaxis est, ut ipsum nomen sonat, diuersitas aspectus, qua colligitur Planetæ, vel Cometæ positura; quia ex differentia maiori, vel minori graduum, qui intercedunt inter locum verum Planetæ, in quo verè est, prout consideratur à centro terræ spectatus, & locum eiusdem apparentem, in quo existimatur esse, & verè non est, prout spectatur à terræ superficie, ha-

habetur, in qua positura ætheris  
 Planetarij sit Planeta. Colligitur  
 ab hac diuersitate aspectus Cometæ  
 positura; quia prout aspicitur in  
 locis maximè distractis inter se, ex  
 differentia maiori, vel minori gra-  
 dum, quæ reperitur, dum specta-  
 tur in vno loco, à tali, vel tali  
 Stella Fixa, vel ab aliquo puncto  
 Firmamenti accepto, ac dum spe-  
 ctatur in alio maximè longin-  
 quo loco colligi, & haberi  
 potest eius positura  
 in æthere sy-  
 dereo.






Habes in appositā Figura Parā-  
laxim Planetariam . A signat cen-  
trum terræ , è quo aspicitur in suo  
loco vero ; in loco , in quo verè est  
Luna . B signat eius superficiem , è  
qua illa cernitur in loco , vbi non  
est ; sed existimatur esse ; in loco  
non vero ; sed apparente . E signat  
lo-

locum verum, in quo verè est Luna. D signat locum apparentem, in quo verè non est; sed existimatur esse. C signat Parallaxim, hoc est angulum exteriorem linearum se interfecantium, quæ tendunt ad locum verum Lunæ, & ad locum apparentem. Nam tam dictus angulus exterior vocatur Parallaxis ab Astronomis; ut videre est apud Blancanum in sua Mundiali Fabrica libr. 9. c. 1. circa finem; quam arcus graduum, qui interponitur inter lineam verticalem F, & locum verum, vel apparentem Lunæ, quæ videtur. Circulus interior adumbrat Cœlum Lunæ; Circulus exterior Firmamentum; medius Cœlum Mercurij. Linea, quæ per medium terram fecat, adumbrat Orientem. Posset deduci supra superficiem terræ ab vna extremitate Circulorum ad aliam, & adumbraret Orientem Astronomicum sensibilem. F signat lineam Verticalem; hoc est illam, quæ directè ad centrum terræ tendit, & cadit su-

pra verticem ad perpendicularum.

Si spectaretur ergo Luna è centro terræ, appareret in E, & distaret à linea verticali F tot gradibus, quot numerarentur ab E, in quo appareret, vsque ad F lineam Verticalem. Si verò spectaretur non ex A, & centro terræ; sed ex B, & superficie terræ Luna, cerneretur in D, non in loco eius vero; sed apparenti, & existimato vero, distaretque à Verticali linea F tot gradibus, quot inter dictum locum apparentem, & Verticalem interponuntur, quot enumerantur in ipso arcu, qui inter D, & F intermediat. Hæc diuersitas, hæc differentia inter locum verum, in quo supponitur spectata à centro terræ Luna, & locum apparentem, in quo spectata à superficie terræ apparet, dicitur propriè Parallaxis Lunaris. Dicitur autem verus locus ille, in quo supponitur, vt dixi, spectata à centro terræ Luna; quia cum omnia tendant ad centrum Vniuersi per suam lineam rectam, & centrum Vniuersi

si sit centrum terræ ; dum ex hoc supponitur spectata non potest non supponi visa nisi in proprio loco ; quia ex hoc venit per suam lineam rectam ad centrum, per quam videtur . Cum verò cernitur à superficie terræ ; cum ad oculum non veniat per lineam rectam, non aspiciatur in loco proprio ; sed apparente. Inuento loco vero , & apparente astri consideratur arcus supradictus, qui est inter locum verum , vel apparentem , & dictam lineam Verticalem , & consideratur angulus exterior supradictus linearum se interfecantium , quæ tendunt ad locum verum Astri , & ad locum apparentem . Quot gradus continet dictus arcus , tot continet dictus angulus . Numerantur gradus , & iuxta numerum maiorem , vel minorem graduum , qui reperiuntur , scitur quæ sit Parallaxis maior, vel minor . Habes in hac posita Figura Parallaxim tam maiorem , quam minorem .



Habet, ut in posita Figura cer-  
 nis, Aſtrum, quod eſt in altiori Cœ-  
 lo, minorem Parallaxim; quia mi-  
 norem angulum, & arcum format;  
 quia in hoc continentur in minori  
 numero gradus, qui intercipiuntur  
 inter locum verum, & lineam Ver-  
 ticalem. E' contra Aſtrum, quod  
 eſt in inferiori Cœlo, habet maio-  
 rem Parallaxim; quia maiorem an-  
 gulum, & arcum format; quia in  
 hoc

hoc continentur in maiori numero gradus, qui intercipiuntur inter locum verum, & lineam Verticalem; & quia Lunæ Parallaxes sunt maiores, quam aliorum Planetarum Parallaxes, hinc inferunt Astronomi; quòd est alijs magis infima, & in Cœlo nobis proximiori.

Aduerte tamen; quòd dum est Luna, & quilibet Planeta ex ijs, qui patiuntur Parallaxim, in puncto verticis F nullam patitur Parallaxim; quia per eandem lineam tunc videntur tam ex terræ centro, quam ex terræ superficie. E'contra, dum Luna, & quilibet Planeta ex ijs, qui patiuntur Parallaxim, est in Horizonte sensibili, tunc Parallaxim magnam exhibet; quia lineæ per quas tunc videntur ductæ è terræ centro, & ex eius superficie, maximè tunc distant inter se; sicuti quominus dictæ lineæ inter se distant, eo minorem Parallaxim habent.

Vt hæ Parallaxes; & hæ differentiæ cognoscantur, necesse est; ut sciatur locus verus Astri in Cœlo,

lo , & in quo Eclypticæ gradu sit . Nisi enim hoc quis sciat , non potest scire , qui nam sit locus eius appa-rens , & differentia eius à loco ve-ro ; nec posset scire , quem angulum facit linea deducta à centro terræ ad locum verum cum linea , quæ deducitur à superficie terræ ad lo-cum apparentem ; nec scire quot gradus intermediant à Zenith arcus Verticalis , ex quo perpendicula-riter deducitur ad centrum terræ linea F in suprapositis Figuris .

Si vis autem scire locum Astri verum in Coelo consule Ephæmeri-des , in quibus reperies . Scito Astri loco vero , vide quem angu-lum format linea ad hunc deducta , è centro terræ cum linea deducta à superficie terræ ad locum apparentē . Si maior erit angulus ab his forma-tus , maior erit Parallaxis ; si minor erit angulus , minor erit Parallaxis .

Habes ergo ; quid sit Paralla-xis ; quæ sit maior , & quæ sit mi-nor . Habes ; quòd Astra , quæ mi-norem habent Parallaxim , sunt à  
no-



nobis remotiora; quæ maiorem habent, sunt nobis propinquiora. Tam Luna, quam Mercurius, quam Venus, atque Sol patiuntur Parallaxim. Quin etiam Mars; dum suo motu fertur subtus Solem, suam Parallaxim patitur. Maiorem tamen Parallaxim Luna patitur, ut constat ex Astronomorum tabulis de Lunæ Parallaxibus, quam patiantur Sol, & Mars, quam patiatur Venus, & Mercurius; & ob id est nobis magis proxima. Exhibet minorem Parallaxim Mercurius, & ob id non est tam nobis propinquus. Exhibet minorem Parallaxim Venus Parallaxi Lunæ, & Mercurij, & ideo est à nobis magis remota. Sol exhibet minorem Parallaxim Parallaxi Lunæ, Mercurij, & Veneris; quia duorum modò cum aliquo alio; modò trium ad summum cum aliquo etiam alio Parallaxim patitur; ob id est à nobis magis distantis Planetis distans. Mars dum gyrat supra Solem, nullam notabilem Parallaxim exhibet; dum autem

tem

tem est in suæ orbitæ Apogæo , & propè hunc vertitur , maiorem , quam Sol , tunc Parallaxim exhibet , & ideo colligitur ; quòd tunc , est magis nobis propinquus , quam Sol . Alij verò duo Planetæ Iuppiter nimirum , & Saturnus ; sicuti nec Stellæ Fixæ , non patiuntur Parallaxim nisi penè indiscernibilem , & minimam ; quia maximè à nobis distant , & ob imbecillitatem nostræ potentiæ visivæ etsi tubis opticis adiutæ non possumus distinguere diuersitatem eorum altitudinis ; vt multò minus Stellarum , quæ sunt in Firmamento .

Quia ergo Iuppiter , Saturnus , & Stellæ Fixæ patiuntur Parallaxim , tam indiscernibilem , tam indistinguibilem ; & minimam ; vt nisi accuratissimè obseruentur instrumentis prægrandibus , non possit in illis inueniri ; quia non potest sciri hac via eorum Altitudo , vtuntur ad inuestigandam illam Astronomi non minus certa ; hoc est Eclipsibus .

bus . Ex eo enim , quòd vident Eclypsari Solem , & Stellam tam errantes , quam non errantes , occultari à Luna , deducunt Lunam esse reliquis Planetis , & Fixis inferiorem . Hoc idem colligunt , deducunt ab Eclypsibus aliorum Planetarum , qui se ad inuicem occultant , loquendo de inferioribus respectu superiorum , & Stellarum tam errantium , quam non errantium . Vt Astronomi agnouerunt Planetarum altitudinem , & Stellarum Fixarum à nobis distantiam Eclypsibus ; sic Cometarum altitudo , dum hi nullam habent Parallaxim discernibilem , agnosci posset Eclypsibus , vel aliquo alio modo ex ijs , quibus vti solent illi ad inueniendam Planetarum superiorum , & Fixarum altitudinem .

Si tamen habet Cometa Parallaxim ; tunc hac inuenta scitur consequenter eius altitudo , & eius distantia à terra ob id , quod dicam infra . Vt sciatur autem ; an Cometa patiat , habeat Parallaxim , obseruari potest ille , vel in locis  
maxi-

maximè longinquis , vel in eodem loco .

Obferuari potest primò Cometa in locis maximè longinquis , & à se maximè distractis ; in locis à se ita distitis ; vt polorum altitudines inter se valdè differant ? Si sunt hi loci inter se maximè distracti plures , quam duo , eo est illa certior . Insuper si in ijs ita fiat ; vt obseruetur conuentione facta Cometæ distantia ab eadem Stella Fixa , tunc magis erit tuta . Facta obseruatione in dictis locis ; si nulla deprehendetur Parallaxis , & diuersitas ; si inuenietur distare in ijs Cometam eadem prorsus distantia ab eadem Stella Fixa , deprehendetur stare in loco , in quo sunt Planetæ , qui nullam patiuntur Parallaxim notabilem . Si deprehendetur Parallaxis aliqua notabilis , videndū est , quam Parallaxim exhibet , quam differentiam , & iuxta Parallaxim maiorem , vel minorem , quæ inuenietur , stabiliendum est , & concludendum , esse in tali , & tali

Pla.

Planetæ loco . Hoc modo Tycho deprehendit , quòd Cometa , quem obseruauit ipse Vramburgi in Dania , obseruauit Tadæus Hogecius Pragæ in Boemia , nullam patiebatur Parallaxim ; quia sunt dicta loca inter se valdè dissita , & diuersam habent poli altitudinem ; quia vterque eadem die , eadem hora obseruauit quantum ab eadem Stella fixa , quod multum , vt dicebam , in reddendis certis obseruationibus facit , distaret . Hoc modò deprehensum fuit , Cometam anni 1618. nullam habuisse Parallaxim , & fuisse in loco , vbi sunt Planetæ , qui nullam patiuntur Parallaxim notabilem . Nam obseruatus fuit non solum in diuersis Italiæ locis ; sed etiam in Germania , in Belgio , in Indijs eodem tempore , & vbique fuit adnotata ab iisdem Stellis Fixis distantia .

Potest quoque fieri dicta obseruatio in eodem loco , & cognosci eodem plane modò , etsi non tam tuto ; an Cometa , qui obserua-

tur,

tur, habeat Parallaxim. Siquidem si quis manens in eadem Ciuitate obseruaret illum in duobus Cœli locis inter se notabiliter distractis illam inueniret facilè. Si quis illum obseruaret; dum est supra Horizontem eleuatus ita; vt facillimè considerari possit, ac dignosci, & illum obseruaret; dum est prope Occasum, & Occidenti proximus; si quis obseruaret distantiam, quam ille distat à duabus Stellis Fixis, inter quas est collocatus in linea Parallela Horizonti.

Si




Si quis filum in directum oculis  
 prætenderet, & assumptis Stellis  
 exponeret; si quis dum est Occiden-  
 ti proximus Cometa, prætendatur  
 iterum, & extendatur idem filum,  
 in eadem linea Parallela cum iisdem  
 Stellis assumptis; non ne illam quo-  
 que deprehendet? Deprehendet au-  
 tem; quia si videret; quòd Come-  
 ta existeret in eadem recta linea Pa-  
 ral-



rallala , & in eadem distantia cum  
ijsdem Stellis Fixis assumptis , col-  
ligeret , inferret ; quòd nullam Pa-  
rallaxim , nullam varietatem ille  
patitur ; quòd consequenter est su-  
pra Planetas , qui illam patiuntur .  
Si verò cerneret ; quòd ille est hu-  
milior , & non in eadem recta linea  
Parallala cum ijsdem Stellis Fixis  
assumptis , colligeret inferret con-  
sequenter , quòd ille Parallaxim  
patitur , & varietatem ; quam si  
quis vult scire quanta sit vtatur  
Quadrante , & hoc illum accuratè  
obseruet . Nam quot minutis , vel  
gradibus inueniet illum discedere  
à prædicta rectitudine , tanta erit  
Parallaxis , & aspectus variatio . Nec  
calculationi obstabit refractio , quæ  
prope Horizontem solet ob aëris  
crassitiem efferre sydera supra ve-  
rum eorum locum ; quia tam assump-  
ptas Stellas Fixas illa , quam Co-  
metam eleuabit , oculos eodem mo-  
do hallucinando ; ac proinde ea-  
dem positio tam Fixarum , quam  
Cometæ erit .

In-



Inuestigari demum potest Cometae Parallaxis Quadrante ; dum est in maxima altitudine, obseruando eius distantiam ab aliqua determinata Stella fixa ; & dum est vel in Oriente, vel in Occasu . Si obseruata eius distantia, dum est in dictis posituris, reperiatur habita ratione proprii motus, seruasse eandem distantiam in utroque loco, nullam consequenter ille habebit Parallaxim, & aspectus varietatem . Si

K non


non seruauerit eandem distantiam sed hæc fuerit variata, & reperiat<sup>r</sup> diuersa, dum obseruabitur, vel in Oriente, vel in Occasu, ac dum obseruabitur in eius maxima altitudine. Si videatur vel inferior vel superior dictis Stellis Fixis assumptis; si Cometa excedit, vel non attingit rectam lineam, in qua illæ veniunt per Dioptram, dicendum est habere tunc Cometam Parallaxim, & tantam, quanta est variatio distantia à Stellis Fixis.

Si igitur Cometa obseruatus in locis maximè distractis inter se, vel in eodem loco modo supradicto Quadrante, vel aliquo alio instrumento inueniatur in eadem distantia à tali, vel tali Stella Fixa, à tali, vel tali puncto accepto Firmamenti, in iisdem gradibus vbique, & semper admodum, signum est; quòd nullam habet Parallaxim. Si non inueniatur autem in iisdem planè gradibus, & in eadem distantia, distantia diuersa, quæ inuenietur inter Stellam Fixam acceptam, vel

pun-

punctum Firmamenti , & inter Cometam ; seu varietas graduum , quæ in Quadrante veniet , denotabit quanta sit eius Parallaxis . Si maior erit , quam Parallaxis Lunæ , signum est ; quòd est subtus Lunam ; si verò minor , signum est , quòd est supra Lunam ; si verò nulla omninò , erit loquendo de notabili ; signum est ; quòd est supra Solem , qui aliquam sensibilem , notabilem patitur Parallaxim . Hoc modo dicit Tycho , inuenisse quinque Cometarum posituram , & ob id asseruisse , fuisse supra Lunam .

Cometæ Parallaxi inuenta , & eius quantitate ; hoc est inuento quanta dicta Parallaxis Cometæ sit ; vt inueniatur altitudo , seu distantia Cometæ à terra , formetur ; vt in figura , quam inferius posui , vides , & constitui , Triangulus  $ABC$  , ex latere  $AB$  , quod adumbrat Semidiametrum terræ ; ex latere  $AC$  , quod ducitur à centro terræ vsque ad corpus Cometæ , & ex latere  $BC$  , quod ducitur ex oculo Astro-



Formato dicto Triangulo ; v  
 sciatur , in qua altitudine Cometa  
 sit , videndum est , quoties Semidia-  
 meter terræ B A litteris signatus in-  
 grediatur in latere A C ducto à cen-  
 tro terræ ad ipsum Cometam . Hoc  
 autem obtineri , haberi haud po-  
 test ; nisi habeantur tria nota , ex  
 quibus deducatur hoc quartum  
 ignotum iuxta regulam Trigonome-  
 triæ . Tria nota , quæ sunt in Trian-  
 gulo , qui est in posita figura , sunt  
 hæc , Angulus A ; Angulus B ; &  
 ba-

bas Trianguli, hoc est Semidiameter terræ .

Primum notum est Angulus A; innotescet autem hic ; si obseruetur , quot gradus contineat arcus interpositus inter punctum verticale , & locum Cometæ in Firmamento ; quod consequi , & cognoscere quis poterit , si deprehendet Quadrante , vel aliquo alio instrumento , quot gradibus sit eleuatus Cometa in hora obseruationis supra Horizontem . Supponamus , quòd sit eius altitudo graduum 60. sexaginta; cum complementum eius usque ad 90. nonaginta gradus, quæ est integra Quarta ab Horizonte ad verticem loci , sit 30. triginta , arcus consequenter , seu chorda E F, quæ subtendit Angulum A, erit triginta 30. graduum. Arcus, seu chorda E F , quæ subtendit Angulum A, erit 30. triginta graduum; ergo Angulus etiam A , qui correspondet illi, & ab eo subtenditur, erit iuxta Propositionem sextam 6. libri primi Euclidis , & iuxta Propositionem

nem decimam octauam 18. & decimam nonam 19. eiusdem libri primi Euclidis eiusdem quantitatis 30. triginta graduum; ac proinde nobis est notus Angulus A, quod erat demonstrandum.

Ad indagandum autem Angulum externum, & internum B sic agendum est. Sumatur ab Astronomo instrumentum aliquod, Quadrans V. G. & dirigatur eius Dioptra versus Cometam; tandiu fusque, deque ea moueatur, quousque per eius foramina inspiciatur Cometa, & notetur gradus, quem in limbo Quadrantis signat Regula Fidei. Quot gradus continebit arcus interpositus inter punctum verticale, & corpus Cometæ, qui subtendit angulum externum B, totidem graduum erit Angulus externus B contra eum positus ex vi Propositionum Euclidis, quas supra citavi. Est tibi factus ergo notus Angulus externus B; vt fiat autem tibi notus Angulus internus B, dic cum duo illi Anguli notati littera B,

in-



interior, & exterior sint æquales duobus rectis; ut duo recti continent in se gradus 180. centum octoginta; ut constat ex Propositione 13. libri primi Elementorum Euclidis, sequitur; quòd continebunt quoque interior, & exterior gradus 180. centum octoginta, & per consequens si demerentur gradus arcus, seu chordæ correspondentis angulo exteriori, hoc est gradus, qui inter verticalem, & Cometam intercipiuntur, ex gradibus centum octoginta 180; gradus, qui remanent, constituent angulum ineriorem, & sic fiet quoque nobis notus ipse quoque.

Tertium, quod est nobis notum in hoc triangulo est Basis; seu Semidiameter terræ; quia terræ Semidiameter, seu Basis continet secundum Ptolomæum milliaria tria millia quingenta septuaginta novem 3579. & aliquid plus; secundum recentiores triginta millia triginta quinque 3035. & aliquid plus.

Habemus igitur iam tria nota;

Angulum nimirum A ; Angulum B ;  
 & Basim ipsius Trianguli ; hoc est  
 Semidiametrum terræ . Habemus  
 hæc tria nota ? ergo consequenter  
 fit etiam nobis notus Angulus C ;  
 quia cum ex Propositione 32. libri  
 primi Elementorum tres Anguli  
 vnius Trianguli sint æquales duobus  
 rectis ; cum duo recti contineant 180.  
 gradus, & omnes tres Anguli Trian-  
 guli simul sumpti contineant 180.  
 gradus ; cū sciamus, vt ex dictis con-  
 stat , quot gradus continet Angulus  
 A , & Angulus B , sequitur , quòd  
 scimus quoque quot gradus , minu-  
 ta , vel secundas continet Angu-  
 lus C ; quia scimus quot gradus, mi-  
 nuta, vel secundæ supersunt ex illis  
 duobus Angulis ; quia scimus com-  
 plementum , & residuum graduum,  
 minutorum , vel secundarum, quod  
 in arcu comprehenso à linea signāte  
 locū verum Cometæ, & à linea desi-  
 gnante locū apparentem continetur ;  
 quòd deprehenditur in arcu , qui  
 correspondet terræ Semidiametro ,  
 à quo dictus Angulus C subtenditur ;

ex

ex eo , quòd habeamus illa-  
 tria nota, & habeamus notum quo-  
 que Angulum C , fcimus etiam la-  
 tus A C ductum à centro terræ ad  
 Cometam ; hoc est distantiam ip-  
 ſus Cometæ à centro terræ tali pa-  
 cto diſcurrendo . ( *Si ſinus An-*  
*guli C dat mihi unum Semidiamete-*  
*rum terræ ; quot Semidiametros*  
*dabit ſinus Anguli B ?* ) Et ſi vis  
 practicè id peragere, metire circino  
 quot Semidiametri ingrediātur in li-  
 nea A C , & dic tot Semidiametris  
 à terra diſtat ergo Cometa à terra .

Ex vccuſque dictis de Come-  
 tarum altitudine colligitur Come-  
 tæ huius , qui de nouo à nobis vi-  
 ſus eſt , altitudo .


Si ſentire vis cum hiſ , qui  
 exiſtimarunt nullam oſtendiſſe Pa-  
 rallaxim, & in eadem ſemper fuiſ-  
 ſe diſtantia à Stellis Fixis & à pun-  
 ctis Firmamenti ſumptis , teneris  
 dicere ; quòd ille ſupra Solem fue-  
 rit . Quantum autem ſupra Solem  
 fuerit , nil certi poteſt aſſeri , quia  
 cum Mars, Iuppiter , Saturnus ha-

beant Paralaxes satis tenues, deberemus habere tam Quadrata, quam Quadrantes tantæ magnitudinis; vt in his essent adnotata quælibet Minuta, in quæ essent ipsorum partes diuisæ, & quælibet secundæ, in quas essent Minuta subdivisa. Si tantæ magnitudinis, & tantæ perfectionis Quadrata, vel Quadrantes haberemus, possemus quidem obseruare; vt obseruauit Tycho; sed quia non habemus instrumenta ad has Paralaxes satis tenues inueniendas apta, & in Quadratis, quibus vtimur, supputationes, calculi non possunt tam distinctè, & admodum inueniri; hinc est; quòd est omnino difficillimum inuestigare, & scire quantum præcisè supra Solem sint Cometæ. Si tamen haberentur instrumenta supradicta Geometrica diuisa modo dicto accuratissimè, tam Planetarum superiorum, quam Cometarum, quæ sunt supra Solem, Paralaxes possent inueniri, & altitudo. Nec solum inueniri hæc modo dicto posset; sed etiam

tiam Eclypsis . Certè his collegerunt Astronomi , ex his intulerunt Planetarum altitudines . Potest item Cometaum altitudo colligi vel ex colore consimili colori cuius Planetæ ; vel ex Stylo , & huius umbra , quam proicit .

Hunc modum saltem docet Clavius , Blancanus , & Bettinus , cum nonnullis alijs , dicentes , ex hoc capite desumi quoque Planetarum , & Fixarum altitudines . Quo enim aiunt , Styli umbra est maior , eo est depressior Stellæ , & terræ magis propinqua . Et licet non ita splendeant Stellæ Fixæ , nec reliqui Planetæ faciant à stylo tam patentem umbram proici ; ut Sol , & Luna , inuestigari tamen , sciri potest , quò protenderetur eorum , & Fixarum umbra , si proicerent palpabiliore umbram ; quò ferantur , & rectè tendunt harum , & illorum radij ; si ponatur oculus ad styli verticem ; si per Dioptram huius applicatam respiciantur . Ob id certè docet Clavius in sua Sphæra statuisse Astronomos Systema ,

quod ipse recipit, & Planetarum ordinem, qui in eo ponitur; quia pluries obseruarunt proici maiorem Vmbram à Luna, minorem à Mercurio, & Venere, & minorem quam proiciunt hi, à Sole, à Marte, à Ioue, à Saturno, à Fixis, vti vides in hac posita Figura.



Aduerte tamen hîc; quòd modus, quo modò diximus inuestigari posse Cometarum altitudinem, est insufficiens, & inutilis, si existimas, quòd sint Cometæ Stellæ Errantes; quia cum ponas, vti ponunt communiter auctores, qui tuentur hanc

sententiam , magnos circulos , & horum Auge in vltimis confinijs Firmamenti , cum dicas illos tunc videri ; dum sunt prope Perigæum ; non videri verò dum in altum attoluntur , & se à nobis elongant ; sciri consequenter potest mediante vmbra, quam proicerent, in qua positura essent tunc, dum obseruantur, & in qua altitudine , distantia à terra ; at non potest sciri eorum vltima distantia à nobis , eorum vltima altitudo ; quia dum sunt in suo Auge , vel prope suum Auge ; dum sunt in vltima portione circuli , per quem voluuntur , vel prope hanc, nō sunt tunc discernibiles nec Tubo Optico . Aduertendum insuper hic est ; quòd ad hoc , quod diximus , verificetur , & diuersam vmbra, stylus , prout est ab Astro superiori, vel ab inferiori illuminatus proiciat, requiritur ; vt dictæ Stellæ non solū successiuè veniant in eadem quidem linea , vt in Figura hac alia veniunt ; sed in eadem recta linea , quæ supponatur ducta à centro ter-



ræ; non quòd successiue veniant in eadem linea visuali, quæ ab ipso styli vertice directè tendit ad earum discum; nam hoc pacto semper eadem omninò proiceretur umbra; quia per eandem tunc omninò lineam veniret lumen, quo illud quælibet ex dictis  
Stellis rectà illuminaret.

Fig. fol. 230





Si Sentire è contra vis cum  
 ijs, qui existimant Cometam osten-  
 disse Parallaxim Minutorum ferè  
 quatuor, teneris consequenter di-  
 cere; quòd ille extiterit in Cœlo  
 Veneris; non supra Cœlum Solis,  
 vel in ipso Cœlo Solis; quia hic  
 Parallaxim non patitur ni-  
 si Minutorum trium  
 ad summum.



*Quo tempore durare solent Cometa, & quo de nouo visus durauit.*

C A P V T X.



**Q**UOD ad Decimum, & ad Durationem Cometarum spectat, dico ; quòd Plinius docet libr. 2. c. 25. videri eos ad minimum per septem dies ; ad summum non excedere octoginta. Vtrumque est falsum. Falsum enim primò est ; quòd durent per septem dies ad minimum ; quia Cometa, qui in initio Commodi Imperatoris  
se

se videndum dedit, duravit vno tantum die. Secundò falsum est; quòd ad summum durent per dies octoginta; quia Cometa, qui visus est anno Domini 681. duravit per tres menses. Cometa, qui visus fuit anno 1264. duravit etiam tribus mensibus. Cometa, qui se videndum dedit anno 1337. regnante Ludouico Bauaro duravit quatuor integris mensibus. Cometa anni 1416. duravit vnico mense. Cometa, qui tempore Neronis visus est, duravit per sex menses; vt refert Seneca. Cometa, qui se videndum dedit in Excidio Hyerosolymæ, fuit per annum. Quid his positis inferri potest; nisi quòd non potest assignari Durationi Cometarum præfinitum tempus; hoc enim si loquamur de Cometis Sublunari-  
bus dependet ex maiori, vel minori copia exhalationum, quibus coagmentatur, & conflantur, ex maiori, vel minori earum crassitie, viscositate, & densitate. Si sunt in magna copia, & maximè tenaces,  
cras-

crassæ, conspissatæ; tunc magis durant, quia difficilior consumuntur: loquendo in sententia eorum, qui volunt conflatos esse ex exhalationibus, quæ ignescunt, Cometas vel dissoluuntur difficilior, loquendo in sententia eorum, qui existimant conflatos esse ex exhalationibus, quæ non ignescunt; sed merè illuminantur. Si non sunt in tanta copia, nec tam tenaces, pingues, atque condensatæ, tunc quia facilius consumuntur, aut dissoluuntur, parum durant. Dissoluuntur autem motu raptus, motu proprio, calore Solis &c. Si loquamur verò de Cometis Cœlestibus, & vis hos esse Stellæ Errantes; Dic ex eo longiori tempore videri à nobis aliquos; quia eorum magni circuli sunt magis Sphærici, & maiorem habent Periphæriam, per quam circumuoluuntur; quia maius tempus infumunt in eorum gyratione. Non tam longo tempore nonnulli apparent; quia eorum circuli magni, per quos voluuntur, non tam amplam ha-



habent Periphæriam : Si vis Cometas non esse Stellas Errantes ; sed Massas conflatas ex exhalationibus Cœlestibus , quæ ignescunt, vel quæ merè illuminantur ; da easdem solutiones , quas supra dedimus loquendo de Cometis Sublunaribus .

Cometa , qui de nouo se videndum nobis dedit, obseruari hîc coepit circa medium mensis Decembris anni 1664, & durauit vsque ad 18. decimam octauam Martij præsentis anni 1665. millesimi sexcentissimi sexagesimi quinti . Fuere ex ijs , qui illum obseruarunt , quamplures , inter quos Ioannes Dominicus Cassinus, qui asseriebant, quòd nonnullis, antequam omninò ex oculis elaberetur, euanesceret diebus , cernebatur tantum Eleſcopio , non puro oculo . Si posita hac hypotesi rationem optas, dic , si censes eum, fuisse vnâ ex Stellis Errantibus , id euenisse ; quia tunc se maximè eleuarat , ad supremas , magis eleuatas sui gyri partes deuenerat , ad sublimiores huius eminentias . Si  
verò

verò existimas Cometas conflatos  
esse ex exhalationibus ignitis, dic;  
quòd tunc ex eo non cernebatur pu-  
ro oculo; sed Tubo solum Optico,  
quia erat tunc ex illa massa concre-  
mata, consumpta magna exhalatio-  
num copiâ; quia erat maximè tunc  
diminuta. Si demum putas, for-  
matos illos esse quidem ex exhalationibus;  
sed non ignitis, dic; quòd  
non aspiciebatur tunc puro oculo;  
sed Eleſcopio; quia dissoluta fue-  
rat ex illa massa magna exhalatio-  
num copia, & redacta fuerat in  
non tam vastam molem; quod hæc  
ob maximam distantiam, &  
sui minoritatem ex aspe-  
ctu, ex oculis au-  
fugerat.



*Quid*

*Quid nam Cometa designant , &  
cui Regioni ; quid , & cui  
de nouo visus præsi-  
gnauit .*

## CAPVT XI.



**Q**UOD spectat ad Vn-  
decimum , & ad Pro-  
gnostica .  
Existimant nonnul-  
li ; quòd Cometa non  
præsignent , neque  
causent vllum infortunium . Non  
mortes Principum , & mutationes  
Dominiorum ; non commotiones ,  
bella , vastationes , cædes ; non  
prægrandes siccitates , & penurias ;  
non morbos exitiales , atque pestes ;  
non

non diros terremotus , atque ventos rabidos .

Non præsignant , neque causant mortes Principum ; quia complures , & quamplures Pontifices Imperatores , Reges , Principes magnates mortui sunt nullo prævi Cometa .

Ratio , quæ communiter afferatur ad probandum ; quòd eorum mortes causant, est ; primò ; quia Magnatum corpora sunt debiliora , sunt delicatiora . Secundò ; quia acuitur , accenditur eorum bilis Cometis , vel pravis influxibus ; vis esse Stellæ Errantes ; vel exhalationibus attenuatis , rarefactis dissolutis , & disjunctis , per aërem dispersis , propagatis ; si vis illo esse massas conflatas ex exhalationibus inter se condensatis , constitutis .

Sed impugnant , & eneruant rationem allatam huius primæ parti respondendo ; quia qui nam magis se præservare possunt ; quam possunt evitare melius tales im-  
pres-

siones , quam Principes , qui ad la-  
tus , & salutem eorum incumbentes  
semper habent medicos ; nutribus  
parata , prompta quolibet medica-  
menta? Impugnant , & eneruāt ratio-  
nem allatā secundæ parti responden-  
do ; quia Principes , & in delitijs  
enutriti minus , quam alij bilim-  
congerunt , & nutriunt ; quia cum  
in otio viuant , & vt plurimum in-  
dulgeant gulæ ; cum sint in edendo ,  
& in bibendo ferè omnes profusissi-  
mi ; cum lautæ sint eorum mensæ ,  
& natent in eduljijs ; cum qui viuunt  
splendidè ; vt hæ patinīs , & ciathis  
grauantur , grauent ciborum abun-  
dantia stomachos , in ipsis aggeran-  
tur potius inconcocti humores ,  
quam bilis . Non hæc ; sed pituita  
potius , flemma in ijs potissimum  
abundat ; vnde à constitutione po-  
tius adiuuantur , quam læduntur .  
Qui nam præterea caloris , æstuan-  
tis Coeli nimiam intemperiem tem-  
perare possunt vestitu , & ædificijs ,  
potibus perfrigidis , obsonijs ad in-  
frigidandum confacientibus , nisi  
ipsi

ipsi Principes? Cur debent, addunt, excitari, accendi potius magnatum bilis à Cometis, & non remigum, messorum, rusticorum qui alijs, capis vescuntur, qui labore, motu, potu vini puri, quo se quarunt roborare, & æstu Solis cui incessanter sunt expositi, bilim augment? Ultimò non ne asserit Hypocrates aiunt; quòd constitutio humidior, quæ reperitur passim in Principibus, qui ciborum liberalitate nimia, & profusa potatione humores congerunt, est morborum expers, & absolutè saluberrima quòd febres veneficæ sunt raræ in ea?

Non præsignant, neque causant dicunt, pestes; quia cum iuxta sententiam horum auctorum Cometae sint massæ conflatae ex exhalationibus inter se constipatis; dum haec in dies dissoluuntur, purificatur aer, non inficitur; perficitur hi ignibus, non deprauatur. Certè aiunt ipsi, Hypocrates curauit totam Græciam à peste ignibus, non  
læ-

lædunt , inquiunt , illæ aerem ; sed purgant ; inquinamenta dissipant , non aggerant .

Non præsignant , neque causant Annonæ penuriam ; etsi siccitates causent ; quia anni 1556. & 1558, in quibus arserunt duæ Cometæ ; vt anni 1575, & 1605. fuerunt quidem sicci , & calidi ; sed maximè salubres , & feraces . Deindè in terris , dicunt , subiectis Zonæ torridæ nunquam pluit , & tamen sunt fertilissimæ ; adduntque exhalationes à Cometæ , à massa dissolutas , & per aërè diffusas , siccitates ab his causatas temperari à vaporibus , qui sursum incessanter attolluntur è mari , è lacubus , è fluuijs , è fontibus .

Non præsignant , neque causant Cometæ commotiones , bella , cades ; non vrbiū , non regnorum vastitates , mutationes dominiorum , nouitates ; quia sæpè apparuerunt Cometæ , ad quos hi effectus non sunt subsequuti , & sæpè hæc euenerunt in mundo nullo Cometæ præuio .

Non ergo , inferunt , Cometæ

L

præ-



signant, aut causant effectus; que  
asserunt Astrologi causari, præ-  
gnari ab ipsis. Diras, linguas in-  
eorum vaticinia acuunt; inanes di-  
cunt esse, atque aniles fabulas eo-  
rum diuinationes; mendacia, im-  
mera somnia eorum pronuntiata,  
nullo fundamento nixa, firmata eo-  
rum prognostica; gerere exaratur  
eorum hyeroglyphica, gerere figu-  
ras, quas de natis formant, in fron-  
te scriptum illud Epigraphe, (*No-  
est in ore eorum veritas.*) Si effe-  
ctus, aiunt, è concursu tot, & to-  
causarum, quæ in illos simul in-  
fluunt, quæ ad ponendos illos con-  
currunt; quomodo, si has ignoramus  
vel non considerant; quomodo,  
influxus omnium non perpendunt  
possunt asserere, id euenturum certè  
id infallibiliter futurum? Sub eo-  
dem polo respiciuntur ab eodem  
Astro centum stipulæ, & frument-  
culmi, & tamen viuacioribus hi ve-  
stiuntur, folliculis; hi quasi emor-  
tuis; hi pinguibus aristis onerantur  
hi emundis; hi erecti in altum ca-

put attollunt; hi vix se è terra erigunt, ac si falcem, ac si casum timerent. Vndè hæc, aiunt, diuersitas? non ab Astro; quia hoc eodem modo influit centum illis stipulis, & culmis frumenti sub eodem polo stantibus; ergo à concursu aliarum causarum. Hæ ab Astrologis vel ignorantur; cum sit impossibile moraliter loquendo posse sciri omnes; vel non considerantur; ergo quæ fides, inquiunt; eorum prædictionibus præstari potest? Ad ponendum talem natum, talem partum non concurrit solum Coelum; tale, vel tale Astrum; sed concurrunt pater, mater in tali, & tali tunc constitutione; concurrunt qualitas ciborum, quibus tunc, cum formari debet embrio, vescitur; concurrunt imaginatio, & causæ similes. Si ad hunc natum ponendum omnes concurrunt, & omnes influunt, quo modo potest esse certa diuination, si vel non sciatur, quæ concurrunt; vel si sciatur, omnes non considerantur ab Astrologo? Addunt; quòd sicuti

non omnes Stellæ sunt vccusque agnitæ ; sicuti à Tychone fuere plures , quas non obseruarat Ptolomæus , obseruatæ ; sicuti fuere à Galilæo Tubo Optico nonnullæ aliæ cognitæ ; sicuti compertum illo fuit compactam esse Stellulis minutis Viam Lacteam ; his compactas nebulosas Stellas , & Firmamenti maculas , hoc est duas illas nubeculas , quæ sunt in Polo Antartico . Sicuti tot , & tot Stellulæ de nouo cognitæ fuerunt mediante Tubo Optico , quot , dicunt , credendum est esse nondum agnitas ? cum Abrahamo Deus dixerit ; ( *Numeras Stellas si potes ?* ) Quo posito , cum vnaquæque Stella habeat suum influxum proprium , & qualitatem peculiarem , quam his inferioribus communicat ; cum possint , etsi sint minutulæ , habere maximam virtutem ; vt vim habet maximam , virtutem prodigiosam Remora , etsi sit paruulus pisciculus , sistendi , immobilem reddendi nauim onerariam ; cum possint esse quamplures  
aliæ

aliæ primæ magnitudinis, quæ quia sunt in vltimis confinijs Firmamenti ob maximam à nobis distantiam non discernuntur. Si hæ, & illæ nobis sunt ignotæ; si non cognoscuntur earum qualitates, & influxus; quid mirum, si tam sæpè errant in futuris prædicendis Astrologi? Quòd si aliquando euentus comprobatur, quod dicunt; vel casu, dicunt, euenit; vel quia tunc influxus Planetarum, & eorum syderum, quos tantum ponderarunt, præua-  
lent, vt validiores, qualitatibus, influxibus aliarum Stellarum, & aliarum causarum, quæ cum ijs concurrunt; vel si est euentus liber, euenit; quia liberè voluntas influxus syderum, qui præua-  
lent, secundat. Quomodo non etiam, aiunt, errabunt passim Astrologi in ferendo de effectibus futuris iudicia; cum tot, & tam diuersæ causæ concurrant; quomodo, cum illæ habeant vim, & virtutem tam à virtute aliarum repugnantem, possunt scire, qua remissione attemperen-  

L 3

tur,

tur, & modificentur influxus, & earum qualitates? Quot, dicunt, in super ab illis in calculando errores committuntur? Quot in Ptolomæ calculationibus inuenit Tycho, & correxit? Quot in Argoli supputationibus; etsi hic esset Astronomus eximius, reperiuntur? & nolunt dicunt, Astrologi, cum sua in dies iudicia fundent in erroribus illius non errare? Fabricentur Ephæmerides cum maximo labore, diligentia accuratissima, vt suas fabricauit Argolus, nonne omninò prodigiosum erit, si processu temporis non inuenietur in ijs error? Si erroribus sunt hæ subiectæ; non sunt consequenter, inquiunt, Astrologica iudicia infallibilia, nec tam certò possunt hoc Astrologi, vel hoc futurum, vt afferunt, afferere. Si non possunt, subdunt, certò afferere quid euenturum sit ex vi influxuum syderum; etsi sint factæ tot, & tot de ijs obseruationes; quid futurum certò possunt prædicere ex vi influxuum Cometarum, qui vt rarò  
appa-

apparent, rarò possunt obseruari. Cur ergo, concludunt, tam assue-  
 ranter tot affectus Cometarum nu-  
 merant Astrologi? Morbos asserunt  
 prædicere, cum hi non proueniant  
 ex exhalationibus eorum depraua-  
 tis, quæ dissoluuntur; vel ex eorum  
 influxibus; sed à ciborum qualita-  
 te, varietate, & copia; ab immo-  
 deratis potationibus; à corporis in-  
 commodis, & insuetis defatigatio-  
 nibus; à bilis accensionibus ob ri-  
 xas, vel quid simile; à malincon-  
 cis subbullitionibus, ab hypocon-  
 driacis affectibus, & turbationibus;  
 ab aëris vitiiati prauis exhalationi-  
 bus, & ab infectis vaporibus, re-  
 spirationibus &c. Pestem, dicunt,  
 præsignare, quæ ferè semper in ali-  
 qua regione, & parte mundi grassa-  
 tur; quæ adscribi potius debet, dum  
 in hac, vel hac debacchatur, viget,  
 vel ad cadauerum, & mortuorum  
 animalium corruptelam; vel ad ta-  
 lem facum euaporationem nimis  
 putridam; ad halitus infectos, qui  
 è terræ sinibus exhalant. Ab his

causis, dicunt, & similibus causatur pestis, non à Cométis. Si loquamur, inquiunt, de terremotibus, & ventis rabidis, hi quam sæpè veniunt sine præuijs Cometis causati ab exhalationibus, quæ è terra exhalant in magna copia; nonne ab his, dicunt, proueniunt quoque siccitates? Cur ad Cometas igitur hos effectus, aiunt, refundimus?

Existimant è contra alij, Cometas præsignare effectus numeros, & causare; quia nunquam, ut in longum probat Framundus in suo eruditissimo Catalogo, quem texit de funestis præsignatis à Cometis, ingemuit mundus, vel ob commotiones, & ob bella, Regnorum mutationes, & ingentes clades; vel ob flagella ingentis famis, pestis, & similium; quòd non fuerit à Deo admonitus Cometis; ut curaret retinere poenitentia admotam arcui manum, & sagittas ictibus intentas. Præmittuntur illi, inquiunt, ut quæ imminet prænuntient; ut eorum luce, tamquam lingua Coeli hortemur



mur ad deflenda nostra crimina ; vt  
fugiamus à ventura ira , & videamus ;  
an conuertatur , & ignoscat  
nobis Dominus . Non solum experientia  
id probant , & historijs ; sed auctoritate ,  
afferendo pro se Damascenum 2. de fide  
Orthodox.c.7. & venerabilem Bedam libr. de  
natura rerum ; Delrium , Mizzaldum ,  
Eraftum , & quamplures alios cum  
omnibus Astrologis . Afferunt , vt  
magis opinionem suam corroborarent  
Pontanum , qui de Cometis agens  
sic ait .

*Ventorum quoque certa dabunt  
tibi signa Cometae ;*

*Illi etiam belli motus , feraque  
arma minantur ,*

*Magnorum , & clades populorum ,  
& funera Regum .*

Afferunt Manilium , qui libr. 1.  
Astron. prope finem de Cometis loquens  
sic ait .

*Squallidaque elusi deplorant arua  
coloni ,*

*Et steriles inter sulcos defessus  
arator*

*Ad iuga mærentes cogit frustra  
ta iuuenços ;*

*Aut grauibꝯ morbis , & lent  
corpora tabe*

*Corripit exustis letbalis flammæ  
medullis ,*

*Tabentesque rapit populos , tot  
tusque per vrbes*

*Publica succensis peraguntur fa  
ta sepulchris .*

*Et paulò post idem sic ait .*

*Quin & bella canunt , varios  
subitosque tumultus ,*

*Et clandestinis surgentia frau  
dibus arma .*

*Et infra .*

*Ciuiles etiam motus , cognata  
que bella*

*Significant .*

*Afferunt Virgilium , qui lo  
quens de signis , quæ præcesserunt  
mortem Iulij Cæsaris sic ait .*

*Non aliàs Cælo ceciderunt plura  
sereno*

*Fulgura : nec diri toties arserunt  
Cometæ .*

*Et idem alibi sic ait .*

*Nun-*

*Nunquam Cælo spectatum impunè Cometem .*

Afferunt ; vt magis illam firment Haly Heben Rodan Ptolomæi vetustissimum interpretem ; qui sub finem secundi libri Quadrip. sic ait. ( *Apparuit nobis Cometa ingens rotundæ figuræ , triploque maior Venere , cuius claritate totus orbis illustrabatur , eratque lux eius , quantum si quarta pars Lunæ lucret ; fuit in quinta decima parte Scorpij , mouebaturque motu primi Mobilis ab Oriente in Occidentem ; ita ut velocius procedendo ferretur contra Signorum ordinem , donec peruenit ad quintam decimam partem Virginis . Ab eo autem successit inter Mauros discordia maxima , prælia atrocissima , & cædes innumerae cum magna ciuium , & Ciuitatum depopulatione , ac magno luctu , & siccitas aëris , & annonæ penuria , indeque pestilentia maxima ; ut mors tam peste , tum bello fuerit innumerabilium hominum , surrexitque potens Hæ-*

*reticus , siue Rebellis , qui Regem  
Mecha , & Hyetob maximis cla-  
dibus affecit . )*

Afferunt Sybillæ oraculum  
libr.3. oraculorum ; vbi hæc legun-  
tur carmina .

*Sole sub occiduo vero uocitata*

*Cometa*

*Stella relucebit gladij mortalibus  
index ,*

*Et famis , & mortis , præclaro-  
rumque virorum &c.*

Afferunt instando magis tem-  
porum euentu comprobata testimo-  
nia, & conantur inductione hoc fir-  
mius confirmare . Ante euersionem  
Hierosolymæ se videndum dedi-  
Cometa ad modum gladij per inte-  
grum annum . Se videndum dedi-  
tempore Anaxagoræ Cometa ingen-  
tis magnitudinis per septuaginta-  
quinque dies , ad quem subsequen-  
tus est tam rabidus ventorum impe-  
tus , vt lapidem molarem à rupe  
auulsum secum adsportarit per lon-  
gum spatium turbo . Post Come-  
tam illum celebrem , qui apparuit  
anno

anno 340. subsequutum est fune-  
 stum bellum , & mors Constantini .  
 Post Cometam illum celebrem , qui  
 apparuit anno 454. quo ardere  
 Cœlum visum est , & hastis igneis  
 futuras inuasiones præsignare , Ita-  
 liam Attila non multò post inuasit ,  
 & vastauit . Ad Cometam anni 570.  
 subsequutæ sunt tot commotiones ;  
 vt existimauerit Gregorius instare  
 mundi finem . Post Cometam anni  
 603. occisus fuit à Phoca Impera-  
 tor Mauritius vna cum Coniuge ,  
 & Liberis , & cœpit deficere Con-  
 stantinopolitanum Imperium . Ad  
 Cometam anni 745. subsequuta est  
 pestis tam magna ; vt in Syria , &  
 Græcia assumpserit quamplura mil-  
 lia hominum . Post Cometam anni  
 1472. subsequuta est tam praua  
 constitutio aëris ; vt ob glaciem ,  
 niuem , & pruinam absumpserit , &  
 deuastauerit tam campos , quam vi-  
 neas . Post Cometam anni 1473.  
 subsequuta sunt bella cruentissima ,  
 & trium annorum siccitas vexauit  
 orbem . Ad Cometam anni 1527.  
 sub-

subsequuta est ingens grando, quæ frumenta, vineas, arbores destruxit. Post Cometam anni 1240. subsequutus est tantus terremotus; ut concurrere inter se montes viderentur. Post Cometam anni 1352. subsequutus est tam vehemens ventus; ut à fundamentis villas integras euelleret, & extirparet sylvas. Post Cometam anni 1477. tanta est subsequuta siccitas; ut sylvæ exsiccarentur. Longus essem, si reliquos effectus Cometarum funestissimos, quos ipsi enumerant, enumerarem. Sat est illos delibasse; ut vim inductionis, quem in longum ipsi faciunt, annuerem. Si quis autem vellet curiositati abundè satisfacere, legat Framundum, qui eorum longam seriem texit in suo eruditissimo catalogo.

Sunt Cometæ non solum signa; sed causæ iuxta hos auctores; quia sicut inuenere Astrologi experientijs, & observationibus per longum tempus factis, quæ sit natura, & efficacia cuiuscumque syderis; sicut  
illas

illas repetendo , & frequentando per plures , atque plures vices didicere à posteriori, qui nam sint nobis ex Planetis legitimis propitij , qui verò sint ferales, & infaufti . Sicut illi notauere Iouem esse nobis salutarem , Venerem beneficam ; è contra Martem esse malignum, & Saturnum maleficum . Sicut illum vocauere ob effectus, quos obseruauerunt , produci ab ipso faustos , atque fortunatos, Fortunam magnam ; Venerem ob similes effectus beneficos, & faustos Fortunam parvam . Sicuti Saturnus ob malignos , & infauostos, quos causat, magnum Infortunium , Martem verò minus Infortunium vocauere ; sic quia notarunt sequutos esse effectus post Cometas pessimos ; concluderunt , hos esse causas ferales, exitiales ; continere in sua virtute qualitates noxias, maleficas , & secum ferre infortunia . Vt volunt legitimos Planetas , non solum agere in hæc inferiora per lumen , atque motum , sed per qualitates sibi proprias , quibus influunt ;



fluunt; sic volunt hos Planetas spuri-  
rios agere per qualitates venenatas,  
quibus hæc Sublunaria inficiunt. Ex  
effectibus per longum tempus ob-  
servatis collegerunt; quòd Sol sit  
ex natura sua moderatè calidus, &  
parum ficcus; quòd vim habet, &  
virtutem calefaciendi, & desiccandi  
leniter, collegerunt; quòd sit Lu-  
na humida; quia è terra eleuans  
suo lumine vapores aërem hume-  
stat, & madefacit; quòd subiecta  
corpora corrumpit, & putrefacit  
humores, reddens illa mollia; quòd  
ita tamen Sublunaria humectat; vt  
vim quoque habeat calefaciendi ob  
illustrationē Solis, & ob lumen, quod  
ab hoc acceptum ad nos remittit. Ex  
observationibus diu experientijs  
comprobatis collegerunt; quòd Sa-  
turnus est frigidus, & ficcus; quia  
cum à Sole distet maximè, & ob id  
ab hoc accipiat lumen debile, pa-  
rum consequenter illud ad nos re-  
mittendo calefacit, quòd respectu  
nostri est refrigerare. Quia vim,  
virtutem habet etiam exsiccandi  
ter-

terram, & producendi cum frigidi-  
 tate siccitatem, dicitur ab ipsis esse,  
 non solum frigidum, sed siccum,  
 terræ, ac viuentibus contrarium  
 maximè, & nociuum. Collegerunt  
 ex eisdem; quòd esset Iuppiter fœ-  
 cundus, temperatè calidus, & hu-  
 midus; vtpote qui extaret medius  
 inter Saturnum quasi non calefa-  
 cientem, & inter Martem intempe-  
 ratè calidum, & æstuosum; quòd  
 cum magnam molem habeat, &  
 multum luminis, trahit, eleuat va-  
 pores, & humectat; sed non in tan-  
 ta copia, vt Sol, & Mars; cum à  
 terra valdè distet. Collegerunt ex  
 eisdem; quòd sit immoderatè cali-  
 dus, & siccus; quia Soli est magis  
 proximus, & densiorem habet mo-  
 lem; quòd ob maiorem densitatem  
 molis, quam habet, ad nos validius  
 remittat lumen Solis; quòd ob  
 proximitatem accipit ab hoc magis  
 intensum; quòd magis calefaciat, &  
 exsiccet dissipans, consumens vapo-  
 res eleuatos à Stellis; & quia vita  
 nostra consistit in calore humido;

seu

feu in calore, vt dicitur communi-  
ter vitali, dixere Martem esse ini-  
micum naturæ. Nam sicut calor  
febrilis; quia mordax est, adurens,  
est destructiuus naturæ; sic calor  
Martis; quia est similis, vocatur  
naturæ destructiuus. Colleguerunt  
ex eisdem; quòd sit Venus quidem  
calida; sed magis humida. Calida;  
quia est Soli proxima; humida; quia  
magnam habet molem, & magnum  
lumen; quia cum habeat magnum  
lumen, & sit terræ proxima, quam-  
plurimos à terra vapores attrahit,  
quibus aër refrigeratur, humecta-  
tur, quibus calor eius enervatur, &  
ob id est magis humida. College-  
runt ex eisdem; quòd Mercurius est  
versatilis naturæ, & anceps; quia  
quando associatur cum alijs Stellis  
Erraticis earum qualitates imitatur.  
Vt collegerunt ex obseruationibus,  
quæ nam essent ex Erraticis benefi-  
cæ; quæ nam maleficæ; quam nam  
vim, naturam, virtutemque habeat  
quilibet legitimus Planeta; si iisdem  
collegerunt; quòd Cometæ sint ma-  
le-

lesici; quòd producant effectus venenatos, & vitæ noxios; quòd causent qualitates deprauatas, exitiales; quòd dici quoque debent hi Planetæ Spuriij; vt Saturnus, & vt Mars Infortunia.

Non solum ex obseruationibus Astrologi naturam cuiuslibet legitimi Planetæ, aut Spuriij collegerunt; sed etiam ex lumine. Ex eo enim; quòd Mars fulget ignita luce, & vt carbo accensus, dicunt vim habere maximam calefaciendi. Ex eo; quòd Saturnus splendet luce pallida, suffusca, & plumbea, dicunt vim, naturam eius esse producendi qualitates pessimas naturæ humanæ. Ex eo; quòd luce fulget aurea Iuppiter, benignæ hunc dicunt esse naturæ, & mortalibus propitiæ. Quia Venus lucet pura, clara, & argentea, naturæ dicunt esse faustæ, & felicitantis natos. Sic aliorum Planetarum colligunt naturam ex eorum lumine. Eandem Stellis Fixis naturam tribuunt ex simili colore; prout illæ assimilantur in colore  
ali-

alicui ex Planetis ; ita dicunt similem fortiri vim agendi , & influendi , similem naturam , & virtutem . Dicunt esse Martiale Cor Scorpionis ; quia assimilatur Marti in colore . Iouialem esse dicunt Bootem quia assimilatur in colore Ioui . Quod id dicunt esse Martialia omnia sydera rubentia ; pallentia Saturnina , aurea Iouialia , & sic de reliquis discurrunt . Vt ex colore colligunt naturam cuiuslibet Planetæ Legitimi ; sic colligunt naturam cuiuslibet Planetæ Spuriij , & cuiuslibet Cometæ . Vt plurimum colores Cometarum , vel sunt Martiales , accensi , igniti ; vel Saturnini , plumbei , pallidi , suffusci , ferruginei ; ideò naturam , vim , actiuitatem illi habent Martialem ; Saturninam hi malignam , prauam , infauſtam , exitialem , vitæ noxiam .

Fatentur quidem ; quòd ſequuntur quoque mali effectus in hijs rebus Sublunaribus nullo aliquo Cometa præuio , & antecedente præfulgente rara enim eſſent infor-

for-

tunia in mundo ; si solum euenirent ; dum Cometæ tantum videntur ; non defunt , dum hi defunt , aliæ causæ malignæ , & prauæ , quæ malignè influunt , & in dies illa causant . Sed volunt ; quòd ad quemlibet Cometam etiam sequantur effectus prauis ; quòd , quando fulgent hi Planetæ Spuriij , sit signum ; quòd aliquod mortalius immineat infortunium . Nisi experientia , nisi inductio , nisi observationes , aiunt , tot præteritorum sæculorum negari volunt , negari haud potest esse , & Signa , & Causas euentuum infauitissimorum . ( *Relinquo , inquit , in libro primo sue Meteoræ. text. 37. in fine Cabeus , qui est huius opinionis , numerare pessimos effectus , qui subsequuti sunt Cometæ , qui uocasse in mundo apparere , & in historijs numerantur , solumque nominis sufficiant infortunia , quæ prægnauit , & causauit Cometa anni 618. Quas Deus benè præter mortem Matthiæ Imperatoris turbationes , bella , clades , vastitates in*

*Ita-*

*Italia, & in Germania, in Gallia in Hispania, in Europa tota prænuntiauit, & causauit? quas pestes, & quos morbos, penuriam famim? Fuimus, probo dolor tragediarum oculati spectatores, & nos ipsi testes historiarum sumus & viue historiae.) Sic ille.*

Aduertendum tamen est; quòd qui existimant Cometas præsignare & causare effectus supra numeratos non existimant hos præsignare, & causare vbique eodem modo; sed peculiari, & validiori influxu in ijs Regionibus, quæ sunt sub ijs constellationibus, per quas deferuntur, conuertuntur, per quas deuoluuntur discurrendo motu proprio Constellationes illas, quæ directe eas respiciunt.

Aduertendum insuper hìc est quòd non existimant, ex mera Cometae præfagiri posse mortem huius, aut illius Principis, quia præsignare mortem huius, & huius Principis, vt multi faciunt, ex mera, & sola actiuitate Cometarum

ex



ex horum meris influxibus est mera diuination, & mera fabula; est deliramentum manifestum; est ostendere se insipienter sapere, & se velle cogere mentiri turpiter Astrologiam.

Non descendendo igitur ad has, vel has personas existimant auctores, qui tuentur hanc sententiam; quòd si Cometæ sunt Planetæ Spuriij, & Stellæ Errantes, causent effectus numeratos influentijs suis malignis, vt malignè dispensando influxus suos, & deprauatas qualitates suas in hæc inferiora Mars illos, & Saturnus causant. Si verò sunt Cometæ massæ conflatae ex exhalationibus malignis inter se constipatis, condensatis, existimant causari ab ijs; dum modo dicto dissoluuntur, dissipantur, successiuè propagantur, & cum aëre nostrali commiscentur.

Dicunt; quòd Cometæ causent primò ventos; quia cum non sint aliud venti, nisi exhalationes rarefactæ, & excitatae ab influxibus

Astro,

Astrorum ; cum tunc hi influxus deprauati sint in magna copia ; si supponatur illos esse Stellas Errantes quid consequenter mirum est, si tunc ab illis maximè excitètur exhalationes rarefactæ ; si cum his commixtæ fremant ; si tunc maximè per aërem grassentur venti ? Si verò existimetur , supponatur ; quod sint Cometæ massæ ex exhalationibus inter se conspissatis ; cum hæ dissoluantur in magna copia ; cum hæ semper magis , atque magis à calore Solis , & à Cælorum motu attenuentur , & attenuatæ , rarefactæ diffundantur quid mirum, si commixtæ in aere per quem sunt in tam magna copia sparsæ , cum influxibus Astrorum fremunt , furunt , si tam efferi , tan rabidi formantur venti ?

Dicunt ; quòd Cometæ causant secundò terremotus ; quia cum hi non sint aliud ; quam exhalationes terræ euaporatæ , quæ se rarefactæ mutuò impellunt, & cum aere, qui cum ipsis continetur intra terræ viscera , efferatè quærunt exitum ;

si sunt Cometæ Stellæ Errantes , cum ab harum influxibus malignis excitentur; quid mirum; quòd tunc illæ quærant; quòd tunc illæ vi sibi pandant exitum; quòd tunc regnēt, debacchentur terremotus validissimi? Si sunt Cometæ massæ conflatae ex exhalationibus inter se constipatis, condensatis, sentiuntur terremotus magni; quia cum in dies dissoluantur modo dicto in magna copia exhalationes, & hæ sparsæ per aërem cum hoc recipiantur intra terræ viscera; cum ex hæ novæ, & novæ exhalent, quærunt rarefactæ, attenuatæ calore Solis; vel excitatæ influxibus Astrorum exitum, & causant terremotus.

Dicunt; quòd Cometæ causant tertiò siccitates, morbos, pestem, mortem potissimum nobilium, & magnatum, vel suis pravis influxibus, si sunt Cometæ Stellæ Errantes; ut hæc causat Mars, & Saturnus influentijs suis malignis; vel suis exhalationibus, quæ modo supradicto dissoluntur; cum non de-

sint, qui volunt eos formari præsertim ex halitibus, suffumationibus, exhalationibus, quæ exhalant, evaporant è Marte, & è Saturno, inter quos est Cabæus, qui in libro 1. suæ Meteoræ text. 38. ex eo existimat produci ab ipsis effectus tam malignos, exitiales.

Dicunt; quòd Cometæ causant quartò turbationes, bella, clades, dominiorum mutationes; quia suis influxibus, si sunt Stellæ Errantes; vel suis deprauatis exhalationibus, si sunt massæ conflatae ex his, dum modo supradicto dissoluuntur, & per aërem sparguntur, bilem excitant in omnibus; sed in Dynastis potissimum, qui facilius irascuntur, quam cæteri. Non sufficeret ad commotiones, dicunt, excitandas, ad suscitanda bella bilis excitatio, bilis suscitatio; quia stare potest inconcussa semper, firma hominum voluntas, & syderum impulsui obistere; sed quia non obstant illi ut plurimum; quia rapi sinunt, & occurrere videntur ultro influxibus

Astro-

Astrorum prouti ad exequendum ; ob naturæ nostræ ad malum nimis pronæ promptitudinem ; ob id sequuntur sæpè numerati effectus, qui non sequerentur ; si effrænas illi voluntates , vt deberent , frænarent , si non habenas ijs laxarent ; si dum astris incitantur , detinerent ; si earum faciles assensus cohiberent ; Deo Cœli legibus subiectas continerent . In ijs tantum se non diuinare aiebat Ioannes Baptista Porta respiciendo propensiones naturæ , quas in fronte , in vultu lineatas , ab Astris scriptas legebat , in quibus naturæ legibus lex Dei præualebat ; in quibus immutabilis , & firma semper voluntas , vt in sua firmitate firma terra , stat .

Si vtramque ex his duabus , quas retulimus, sententijs existimas probabilem , & illas optares concordare ; Dic ; quòd loquendo de Cometis Sublunaribus ex his sunt aliqui conflati ex exhalationibus terrestribus vitiatis , deprauatis ; alij ex exhalationibus terrestribus

non deprauatis. Qui non sunt conflati ex exhalationibus terrestribus vitiatis, deprauatis non sunt signa, neque causæ effectuum, quos supra numerauimus. Qui sunt autem ex exhalationibus vitiatis, venenatis, deprauatis conflati, sunt eorum signa, & causæ. Si loquamur verò de Cometis Cœlestibus, eodem modo discurrendo Dic; quòd aliqui Cometæ Cœlestes, si hos existimamus esse Stellas Errantes, & Planetas Spurios, habent influxus deprauatos; alij non deprauatos; vt aliqui ex Planetis Legitimis ferales, & malignas, venenatas, deprauatas habent influentias, vt Saturnus, & Mars; alij non deprauatas, & malignas; sed benignas, vt Iuppiter, vt Sol, & Venus. Ad Cometas, qui non habent venenatos, & malignos, influxus deprauatos non sequuntur supra numerati effectus. Ad Cometas verò, qui malignè influunt, sequuntur ob malignas influentias, quibus influunt. Si vis dicere; quòd sunt Cometæ Massæ ex exhalationibus

bus

bus cœlestibus conflata; Dic; quòd ideo sequuntur ad Cometæ aliquos prædicti effectus; quia sunt conflati ex exhalationibus, & ex halicibus malignis, qui euaporant ex Saturno, & Marte, ex Stellis Fixis, quæ ex eo malignè quoque influunt; quia sunt in natura Saturno, & Marti consimiles. Ob id ad alios non sequuntur; quia sunt conflati ex halicibus non deprauatis, & exhalationibus non venenatis, quæ exhalant, euaporant ex Sole, ex Ioue, & Venere, & ex Stellis Fixis, quæ non malignè influunt; quæ sunt in natura Planetis dictis consimiles.

Sed quamuis sint tam ex Sublunaribus, quam ex Cœlestibus Cometæ infaufti, & exitiales; Cometæ, qui malignè, vt Mars, & vt Saturnus influunt; non vbique eodem modo tamen illi malignè influunt; sed malignè magis influunt in illis mundi partibus, & illis Regionibus, quæ stant sub ijs Constellationibus, per quas illi diuagantur, per quas illi conuertuntur motu pro-

prio; in illis vbi præfulserunt, ortum habuerunt.

De nouo à nobis visus; quia se videndum dedit luce pallescente, & tetra, subfusca, & nubilosa; luce, quæ tendebat ad Saturni lucem; quia visus est, vt hic suffusus pallore retro, & submesto, quid iuxta Astrologos deduci, inferri poterat; quam quod participaret ille infauſtam, & malignam naturam Saturni; quòd quia oriri cœpit, & gyrauit in Constellationibus, vt plurimum, quæ sunt prope Antarcticum, & sub quibus substant quamplurimæ Regionēs Turcicæ, cum sint illæ his Verticales, his potissimum minari, & ominari infauſta; in his effectus prauos sequuturos videretur; quod his erat validiori, robustiori influxu nociturus; si certa sunt Astronomorum axiomata; si vera sunt effata Astrologorum, qui colligunt naturam Cometarum ex colore, quem accuratè in his obseruant; qui ex eo, quòd vident in colore consimiles Saturno, aut Marti aliquas ex

Fi-



Fixis , dicunt has esse Saturninas , aut Martiales , has participare Saturni , aut Martis naturas .

Si Cometa est ergo Saturninus dicūt illi, hoc est si Saturni participat naturam , præfagit famem, sterilitates, & pænuriam ; præfagit ægritudines Saturni genio non absimiles , hoc est fluxiones &c. Et has præfertim ominatur senibus , & melanchonicis ; præfagit luem ; tempora insueti frigoris ; præfagit glacies, niues, grandines ; præfagit tempestates , naufragia , inundationes , ventos violentos, damna animalium humano vsui inferuentium , & similia ; sed in his præfertim locis , quæ Constellationibus , per quas se conuertit , substant , vt dicebam .

Si Lunaris est , & Lunæ participat naturam ; præfagit, aiunt, mutationes insuetas aëris ; variationes aliquando legum , & rituum . (*Intellige tu tamen , quòd id asserant respectu propensionum , quas ad nouitates communicant , & ad Inno-*

*tendant* . ) Præfagit , aiunt , affectiones prauas cerebri ; catarrhos , epiplegias , obstructions , & similia ; sed in his præsertim locis , quæ substant ijs Constellationibus , per quas se conuertit , & in quibus coepit videri .

Si Cometa apparet, atque oriatur in Libra, dicunt præfagire commotiones contra Principes , subditorum rebelliones , deprædationes , latrocinia ob inclinationes, quas ad hæc communicant, interceptiones, & iacturas mercium, exsiccationes fluminum , & fontium , terremotus , sterilitatem , & pænuriam ; sed in his præsertim locis , quæ sunt subiecta huic Signo Libræ , & substant Constellationibus , per quas ille se conuertit .

Cum Cometa de nouo à nobis visus fuerit colore , qui tendebat ad colorem Saturninum , & Lunarem ; cum apparuerit in Libra scire consequenter poteris sciendo , per quas ille se conuertit Constellationes , quid ille præfagiret , & quibus

bus præsertim locis illa præfagiret , in quæ validiori , & robustiori influxu debebat ille influere. Ijs etiam locis minari videbatur iuxta Ptolomæi principia , quæ sua cauda , velut digito monstrabat , & ad necem , ad ruinas , ad excidia , ad commotiones , terremotus , pestem , & similia designabat . Fuere hæc autem Asiæ vltima confinia ; hoc est Constantinopolis , & Smyrnæ ; Africa , & in hac præcipuè Aegyptus ; fuere Bosna , & Ragusa , Creta , Burgundia , Flandria , Ollanda , Zelandia , Anglia , & Polonia . Sic prædicendum , præfagiendum erat iuxta Ptolomæi principia , & iuxta eos , qui existimant fundari Astrologos in fundamentis probabilibus .

Dixi iuxta eos ; qui existimant fundari in fundamentis probabilibus Astrologos ; quia sunt complures , qui censent eos fundari in fundamentis parum firmis . Negari certè haud possunt syderum influxus . Sunt hi tam evidentes , tam

palpabiles ; vt si quis nolit hos concedere , fateri omninò debet, se cæcutire in luce , & in meridie tenebras palpare . Negari haud potest habuisse à Deo infusam ; vt ab eodem habuit Salomon , Astrologiam cum scientijs reliquis Adamum ; fuisse ab hoc & filijs , & nepotibus communicatam illam cum alijs scientijs , quæ ei fuerant à Deo dispensatæ ; didicisse illam cum reliquis tam Noe , quam huius filios ; ab his Abraham , ab hoc , & illis è Chaldaea propagatam in diuersas mundi partes . Sed , vt aquæ , dum elongantur à suo fonte , conspurcantur , deprauantur , & amittunt natium suum nitorem ; sic illæ suum amiserunt ; temporum decursus illas deprauarunt , & vitiarunt ; infallibiles demonstrationes in errores turpiter degenerarunt . Hinc est ; quòd errant sæpe Astrologi ; qui cum passim etiam limites in prædicendo excedant , & plusquam præsignent Astra dicant ; cum in hac arte facta iam vulgari nimis quilibet

bet se eximium, & egregium iactet; etsi vix ipsius Elementa prima prælibavit; cum non influxus omnium syderum inuestigentur, ponderentur; sed solum Planetarum, & concursus Fixarum principalium; cum non Astrorum omnium; quia non sunt nobis nota, vel ob maximam distantiam, vel ob minoritatem molis quælibet quæ Deus creauit, inuestigari, ponderari qualitates possunt; cum non perquiratur, quænam cum Astris aliæ causæ concurrant, nec hæ sciri possint omnes; nec qua remissione, si scirentur illæ, aut intentione cum syderibus concurrant; cum calculationes non sint bene sæpe factæ, quid mirum; si fallaces sunt vt plurimum eorum prædictiones, & erroribus eorum Natiuitates scateant? Si reddidere mundo exosam hanc artem? Ex his ego interim sic concludendo infero; quòd si ob allata Astrologorum prædictiones, quæ ab his sunt ex inuestigatione influxuum syderum, inter se talipactò modò, modò tali

concurrentium, & se aspicientium, sunt ut plurimum fallaces, & mendaces, etsi nobis sint facti influxus Planetarum, & Fixarum principium tot, & tot annorum observationibus notissimi; quam longè sunt mendaces, & fallaces eorum prædictiones, quæ fiunt ex vi influxuum Cometarum, qui ut videntur rarò, rarò possunt observari; quam longe sunt ruboribus, & irrisionibus subiectæ? Ob id cautè, dum Cometæ novi apparent, euentura prædicantur, & fundentur non in doctrinâ Arabum, quæ non est ita tuta; sed Ptolomæi, quæ videtur magis firma, & solida, confirmata, comprobata, euentibus. Certè quæ prædicebantur ex vi huius, quem de nouo vidimus, ut fuere iam præfagita iuxta eius axiomata, euenere. Quia cœpit ille in Constellationibus, quæ sunt prope Antarcticum, oriri; quia verticales illæ sunt quamplurimis Regionibus subiectis Turcico Dominio, prædictum iuxta Ptolomæi principia fuit; quòd hæc ad necem  
de-

designabat , ad ruinas , ad excidia ,  
 ad commotiones , terremotus , pe-  
 stem , & similia ; quòd his erat ro-  
 bustiori , validiori influxu nocitu-  
 rus ; quòd his imminere mala præsa-  
 giebat . Euentus præfagitum com-  
 probauit ; nam in his ille celebris  
 hebræus Sabadai , qui per multum  
 tempus fraudibus , mendacijs petu-  
 lanter affectauit personam Messæ  
 cum tanto , & tali delirantium Iu-  
 dæorum concursu ; vt ex omni par-  
 te effluerent ; vt turmatim more pe-  
 cudum ad eum accurrerent ; vt ex  
 ipsamet Polonia ad ipsum aduolaue-  
 rint quamplura millia : tanta , & ta-  
 li in ipsum obedientia ; vt ipsius  
 iussa , & nutus promptè exequeren-  
 tur : tanta , & tali stupida , insensa-  
 ta , stolidi dementia ; vt eius tecnas-  
 semper , tanquam arcana Cœli , &  
 abscondita mysteria Dei interpre-  
 tarentur ; vt deliramenta ipsius , &  
 mendacia sumerentur tanquam ex  
 Tripode prolata oracula : tanta , &  
 tali in ipsum reuerentia ; tanto , &  
 tali obsequio ; tanta , & tali subie-  
 ctio-

atione ; vt facultates omnes illi , & gazzas quilibet offerret ; vt denariorum quoque summas aliqui ascēdentes ad centena millia , & prætiosissima donauerint . Doctoris maximi , Prophetæ , & Viri in sanctitate eximij nomen acquisiuit Constanti-nopoli ; dum illic fuit ; mox Smirnam urbem celebrem , & satis notam in minori Asia , vbi natus fuerat , reuersus acclamationibus , & plausu vniuersali Messiã titulum obtinuit ; sed post multa ad Imperatoris Ottomanici conspectum ductus metu mortis fide Iudæorum abiurata Turcicam amplexus est ; & quia quilibet hebræus , qui fit Turca , profiteri primum debet , esse Iesum Christum Filium Mariæ Virginis , Prophetam , & verum Messiam , coactus ille fuit anathematizare sua mendacia , & confiteri frementibus hebræis aduenisse verum Messiam , & hunc esse Iesum Christum cum tanto , & tali opprobrio Iudæorum ; vt non auferint per multos dies in publicum prodire . Sic inferorum



nodos Coelum refecauit cogens falsitatem inuitè fari veritatem . Sic omninò euenit , vt afferit , & docet Ptolomæus; quòd scilicet, si quando progreditur Cometa contra successionem Signorum, significat, designat nouæ Sectæ Innouatorem, Legislatorem . ( *Intellige tu tamen hoc respectu meræ propensionis , quam ad nouitates communicat , & ad variationes rituum , ad Innouatores nouæ Sectæ perperam refundit .* ) Prædictum , prælagitum euentus comprobauit ; quia grassata est pestis effera per hos duos annos vltimos , & adhuc efferè grassatur in Aegypto , quem cauda etiam ad necem designauit . Prædictum , prælagitum euentus comprobauit ; quia his vltimis transactis mensibus in minori Asia tam rabidè decussit , conuassauit quamplures Ciuitates ; vt pene solo æquauerit ex his duas satis conspicuas ; & habitantes ruinis sepeliuerit , quemadmodum testatus mihi est quidam natus Adrianopoli , qui huc nuper venit ,  
à me

à me quoad hoc, & reliqua, quæ annui, exactè examinatus. Afferit præterea Ptolomæus; quòd illa loca sunt à Cometa ad necem, ad ruinas, ad excidia, ad commotiones, terremotus, pestem, & similia; quæ suo gyro, & arcu, sua cauda quasi digito demonstrat. Monstrauit designauit quasi digito sua cauda Africam, circa quam incessanter se conuertit etiam. Ob id, quæ, vt præfagitum fuit, commotiones ibi post Cometam exarsere? quæ cruenta bella; qui sunt ibi efferi conflictus commissi; quot ibi dominiorum euerfiones; quot ruinae, excidia; quot cædes ibi, & strages; quæ regnorum destructiones euenere? In Africæ confinijs, quæ sua cauda quoque designauit ad ruinas, quos timores in Sicilia debacchantis Ætnæ eructationes incussere; quot campos sulphuris commixti saxis, fumo, & fauillis grandines deuastauere; quot inundatione horribili pagos, villas, vineas, qua data porra erupta flumina Cociti in cineres

res depopulando quælibet, quæ occurrerent, redegere, euentu prædictiones comprobante tempore præscripto à Ptolomæo, qui vult uti supra annui; quòd menses, quibus durant videri à nobis Cometæ, correspondent annis. Non minorem solum Asiam, Africam, Ægyptum; sed Cretam quoque sua cauda etiam ad necem designauit, & in hac quoque prædictum, præfagitum euentus comprobauit; quia proh quam horrido, quam fero bello Mars ibi exarsit; proh quam valida, quam obstinata fuit oppugnata oppugnatione Candia? Sed Ragusiam cum circumuicinis Bosnæ locis; in quibus effera perdurauere concussiones, & immanes terremotus per tres menses cum tanta ædificiorum destructione, & hominum strage; cum tam horribilibus ruinis; ut inhorrescat calamus has numerare; sed Flandriam, quæ deuastata à Gallis fuit; sed Burgundiam, quæ ab his fuit in Galliæ deuotionem redacta; sed Ollandam, & Zelandiam: sed

An-

Angliam , quæ proh qua effusione sanguinis , quam rabidè pugnarunt? quæ proh quas classes construxerunt? Quot fuere in portu , in oris Amsterodami succensæ naues , crematæ , in cineres redactæ naues ? Londinum insuper in flammam improuiso incendio abiit , & ferè totum illis dirutum , consumptum fuit . Etsi postmodum , postquam diu mansit in cineribus sepultum , coepit ex his reuiuiscens in meliorem formam redigi , vestiri nouis pen- nis , nouo , & venustiori ornatu , ut phoenix decorari . Prædictum , præ- sagitum fuit ; quòd ad necem desi- gnabat , ad ruinas , ad excidia , ad commotiones , terremotus , pestem , & similia Poloniam . Prædictum , præ- sagitum comprobauit exitus ; nam quæ nam bella truculenta , atrocia fuere ? Post bella nonne se- cuta est abdicatio voluntaria Regis , & ob electionem nouam tota com- mota est Polonia ? Non ne modo est tota in partes dissensionibus di- scissa in factiones , & in sensus va-  
rios ,

rios; cum tot insigniti mæritis concurrant ad dignitatem tam præclari Regni obtinendam, diuisa? Si prædicta igitur, & præfagita; si cum his doctrinam Ptolomæi, & effata huius probauit exitus; si non existimas; quòd mero casu hæc euenerent; quòd quæcumque in mundo accidunt, non accidunt fortuito; sed præsignari ab Astris, à Cometis censes cum Astrologis, & vis tu etiam; ut hæc illi prædixere, ventura præfagire; ne fidas Arabum doctrinis, & principijs; sed Ptolomæi. Sic ruboribus Astrologiæ consules; sic reddes hanc, si non in omnibus veracem, non tam saltem, ut nonnulli reddidere, mundo exosam, & mendacem.





# INDEX

## RERVM NOTABILIVM,

*Quae in hoc Tractatu de Cometis  
continentur.*

### A



- URA Aetherea quid sit? Vide pag. 20*  
*Aëris secunda Re-  
 gio, & Infima non  
 rapitur motu ra-  
 ptus ab Oriente  
 in Occidentem. 55*  
*Aëris suprema Regio mouetur mo-  
 tu raptus. 60*  
*Albedo, & candor quid sit; vide  
 pa-*

paginam .

129

*Altitudo Cometarum , & horum  
distantia à terra quo modo inue-*  
*stigetur ; vide pag. 219, & seq.*

*Quam nam Altitudinem habuerit  
Cometa de nouo à nobis visus ;  
vide pag.*

225

*Altitudo Planetarum , & Cometa-  
rum inueniri potest etiam Eclyp-*  
*sis .*

227

*Colligi, deduci quoque potest ab um-*  
*bra maiori , vel minori styli ,*  
*quem ab hoc faciunt proici .*

227

*& pag.*

228

*Astrologi cur errent in prognosti-*  
*cis ; vide pag. 242. 243. & seq.*

*Adam habuit cum alijs scientijs  
infusam à Deo Astrologiam.*

274

*Hanc cum reliquis ab illo didicere  
alijs .*

ibidem

*Propagarunt illam per diuersas  
mundi partes filij Noe .*

ibidem

*Decursu temporum fuerunt immu-*  
*tata , deprauata earum princi-*  
*pia .*

ibidem

*Astrologi cur errent saepe prædican-*  
*do ; vide pag. 274. & sequent.*

Bar-

## B

**B** Arba Cometæ de nouo à nobis  
 visi, quam in initio habuit, de  
 generauit in Caudam; & cur  
 Vide pag. 112, & sequent  
 In Barbam postmodum mutauit s.  
 eius Cauda, & cur? Vide pagi  
 nam. 117. 118. & 119

## C

**C** Cometæ alij sunt Elementares  
 alij Cœlestes;  
 An hi dentur; vide pag.  
 Quid sint Elementares; seu Sublu  
 nares; vide pag. 9, & 10  
 Cometæ Cœlestes sunt, ut nonnul  
 li censent, corpora sydereæ, qua  
 se reuoluunt in magno aliquo  
 circulo, & non nisi rarò conspi  
 ciuntur. 10. 11. & sequent  
 Admitti debet in hoc magno gyro  
 Apogæum, & Perigæum. Dum  
 illa sunt in Perigæo, vel prope,  
 aspiciuntur; dum à nobis elon  
 gan-



gantur, & sunt prope Apogæum,  
non videntur. 13

Cœlos esse solidos, & inter se distin-  
ctos negant quamplures. 13

Unum tantum Cœlum esse asse-  
runt, in quo certis legibus, &  
metis errant sydera, in quo hæc  
dicunt fluere, materia tenuissi-  
ma, leuissima conflatum; appel-  
latum ob id ab ipsis Auram  
Aetheream. 14. 15, & sequen-  
tibus, in quibus habes argumen-  
ta, quæ ad hoc probandum asse-  
runt, & quæ contra ipsos oppo-  
nuntur.

Comete non Elementares; seu Cœ-  
lestes sunt secundum alios aggre-  
gata Stellarum. 34

Impugnatur, refutatur hæc senten-  
tia. 35. 36. 37. & sequent.

Sunt, qui existimant, Cometas non  
Elementares, & Cœlestes esse  
aggregata exhalationum, quæ  
inter se in Cœlo condensantur,  
conspissantur, inflammantur. 40

Sunt denique, qui volunt, esse qui-  
dem aggregata exhalationum,

quæ

quæ inter se in Cœlo condensantur, conspissantur; at non inflammantur, & ignescunt; quæ à Sole tantum illustrantur, & illuminantur, vel ut nubes, vel ut sydera. 41

Cometæ Sublunares, & Elementares fiunt, generantur de nouo. 43. & 44

Generantur autem non solum Aestate; sed Autumno, aut Vere; sed etiam Hyeme. 45

Cometæ non Elementares, & Cœlestes generati de nouo quoque sunt; si non existimas hos esse Stellas Errantes, tempore Hyemis. ibidem

Generati sunt de nouo, & generantur Cœlestes; si non censes esse Errantes Stellas, in Cœlo. 46.

& pag. 62. 63. & sequent.

Si verò censes esse Stellas Errantes, non de nouo in Cœlo hi generantur; sed dicendum, quòd fuere à Deo creatæ; dum creauit reliquas. 46

Cometa, qui de nouo visus est à nobis,

*bis, vel fuit, si fuisse censes Stellam Errantem, ab initio; dum fuere à Deo creatæ Fixæ, & Planetariæ; vel si censes fuisse exhalationum massam, fuit de nouo in Cælo generatus. 47. 48. & pag. 84*

*Cometæ Sublunares sunt conflati ex exhalationibus terrestribus connexis cum vaporibus crassis, & pinguibus inter se nexu pertinaci iunctis, & difficile dissolubilibus. 50 & 59*

*Cometæ quoque non Elementares; seu Cælestes conflati sunt, si non censes esse Stellis Errantes, ex exhalationibus non quidem terrestribus; sed cælestibus inter se constipatis, si vis has deinde in flammæ ire. Non tam conspissatis; si vis massas illas illuminari, ut nubes à Sole. Ex materia maximè opaca, & densa; si vis illuminari à Sole, ut sydera. 51. 52. & 53*

*Qua nam materia fuit hic Cometa ultimus conflatus? Vide pag. 53*

**Cometae** Sublunares generantur in  
suprema aëris Regione, non in  
media, aut infima. 47. 54. 55.  
56, 57. 58. & 59.

**Neque** potest dici; quòd generentur  
ubi est Sphæra Ignis. 59

**Generantur** Cometae non Elemen-  
tares, & Cœlestes; si non censes  
esse Stellas Errantes exhalatio-  
nibus, quæ euaporant à Solari  
Disco, & à Stellis Fixis vel in  
Cœlo aliquo; si hos admittis; vel  
in parte superiori, aut inferiori  
Auræ ætheræ. 62. 63. 64, & seq.

**Cometae** nec Elementares; nec  
non Elementares; seu Cœlestes  
habent certam magnitudinem.  
num. 85

**Sub** Aristæo apparuit Cometa tam  
prægrandis; ut eius lumen se ex-  
tenderit ad tertiam partem Cœ-  
li. 85, & 86

**Cometa**, qui apparuit tempore Ne-  
ronis, visus est habere magnitudi-  
nem Solaris Disci. 86

**Cometae** cur variant magnitudi-  
nem? Vide pag. 86. cur viden-  
tur

Cur modo maiori; modo minori mole; vide pag. 87

Cometa, qui de nouo à nobis visus est, modò maior moles visa est, modo minor. Si sine Telescopio cernebatur; videbatur maior Stella Fixa primæ magnitudinis; si verò cernebatur Tubo Optico, videbatur eius moles maior. Suam ille auxit in decursu molem; deinde minuit, & minorem semper magis, atque magis se videndum dedit. Cur? Vide pag. 88. 89

Iudicatus fuit eius Diameter totalis duodecim Minutorum. 89, & 90

Iuxta hanc hypotesim, si nullam Parallaxim passus est Cometa à nobis visus notabilem; ut existimarunt aliqui, & ponatur supra Solem; cum hic iuxta calculos Tychonis contineat terræ magnitudinem centum quadraginta vicibus; quia eius Diameter supponitur ab ipso 31. triginta unius Minutorum, continuit terræ magnitudinem 54. quinquaginta

tuor vicibus ad minimum detra-  
ctis fractis . 90

Si verò vis Diametrum Cometa à  
nobis visi fuisse Minutorum qua-  
tuor , & Atmosphæram reli-  
quum , continuit terræ magnitu-  
dinem 18. decem , & octo vici-  
bus . 91

Si demum censes ; ut nonnulli cen-  
sent , fuisse eius Diametrum ad  
summum unius Minuti , reli-  
quum Cometa Atmosphæram ,  
& supponatur supra Solem , con-  
tinuit terræ magnitudinem 4.  
quatuor vicibus . 92

Quot passus Cometa à nobis visus ,  
& quot Romana milliaria conti-  
nuit eius Semidiameter , Diame-  
ter , Circumferentia , & Cir-  
cumferentie dimidium , posito ;  
quòd eius Diameter fuerit 12.  
duodecim Minutorum ; vel 4.  
quatuor , aut trium ; vel unius  
tantum Minuti ; vide pagi-  
nam . 94. 95. 96. 97. & 98

Si Cometa verò à nobis visus passus  
est Parallaxim Minutorum fe-

re 4. quatuor, & non supra So-  
 lem consequenter; sed ubi Ve-  
 nus girat, fuerit; posito quòd  
 Veneris Diameter apparens sit  
 Minutorum trium, & conti-  
 neatur eius magnitudo à terra  
 6. sex vicibus: posito; quòd eius  
 Diameter fuerit 12. duodecim  
 Minutorum continebatur à ter-  
 ra una vice cum dimidio. Si eius  
 Diameter fuit 4. quatuor Minu-  
 torum continebatur eius magnti-  
 tudo, & moles 4. quatuor vici-  
 bus, & aliquid plus à terra. Si  
 fuit 3. trium, sex vicibus. Si 1.  
 unius 18. decem, & octo vicibus.  
 98. 99. & 100. & habes etiam  
 in Tabulis sequentibus, ut reli-  
 quas calculationes suprapositas.  
 Cometae apparent diuersissimis Fi-  
 guris cum barba, coma, cauda  
 &c. & cur? Vide pag. 107.  
 108. 109. 110. 120. 121. 122.  
 123. & 124

Cur Cometa à nobis visus habuit  
 barbam in initio, deinde caudam,  
 in quam illa sensim degenera-



uit, & cur ex barbato iterum  
caudatus euenit; vide pag. 112.

113. 114. 115. 116. 117. 118. & 119.

Versam illam ad Orientem modò  
habuit; modò ad Occidentem.

Cur autem; vide pag. 112. & seq.

Cometæ apparent diuersissimis co-  
loribus. 125

Colorum diuersitas ex quo oritur?

Vide pag. 126

Colores aliqui sunt transeuntes, ali-  
qui sunt permanentes. Qui

nam verò sint; vide pag. 126

Colores principales qui nam sint; vi-  
de pag. 127, & 128

Color flauus transiens, & color  
flauus permanens quid sit; vide  
paginam. 130

Color rubeus transiens, & color ru-  
beus permanens quid sit; vide  
paginam. 131

Color viridis apparens; seu tran-  
siens, & permanens quid sit;  
vide pag. 132

Color cœruleus transiens, seu ap-  
parens, & color cœruleus perma-  
nens quid sint; vide pag. 133

Co-



Colores principalibus enumeratis  
proximi, & affines qui nam sint;  
vide pag. 135

Cometa à nobis de nouo visus vi-  
sus fuit pallore nubiloso, & lu-  
mine suffusco suffusus, & cur;  
vide pag. 138. & 139

Cometæ tam Elementares, quam  
Cœlestes mouentur motu dupli-  
ci; motu scilicet diurno ab Orien-  
te in Occidentem, & motu pro-  
prio. 140, 141, 142, & 143

Cometarum motus propius non est  
unus, atque idem in omnibus;  
sed varius. 143. 144. & 145.

Cometa, de quo mentionem facit  
Aristoteles, & ille, de quo men-  
tionem facit Regiomontanus con-  
fecere discurrendo centum octo-  
ginta gradus 180. confecere alij  
90. nonaginta, alij 40. quadra-  
ginta &c. 144

Cometarum cursus quomodo digno-  
sci potest? Vide pag. 145, & seq.

Cur tam differentem, tam diuer-  
sam quantitatem cursus, & via  
habeant, cur ad Austrum aliqui

- deflectunt; alij ad Boream  
Cometæ Cœlestes; vide pagi-  
nam. 147, & sequentes, in qui-  
bus latè probatur prouenire à ta-  
li, aut tali aggregato; ab hac,  
vel hac congerie exhalationum,  
quæ euaporant à Sole, & à Pla-  
netis; à Stellis Fixis. 167 & seq.  
Cometa à nobis de nouo visus osten-  
dit semper inclinationem quan-  
dam sympaticam ad Geminorum  
Constellationem. Cur? Vide  
pag. 169, & sequentes.  
Cometarum Sublunarium motus  
varius in quod refundat Aristot-  
eles; vide pag. 173  
Cometa, qui de nouo à nobis visus  
est, se mouit motu mixto ab  
Oriente in Occidentem, & ab  
Occidente in Orientem. 179  
Cur Cometæ aliqui se mouent motu  
tardiori; alij velociori? Vide  
paginam. 183, & sequentes.  
Cometa à nobis de nouo visus mo-  
tum habuit rapidissimum & cur;  
vide pag. 186. 187. & antecedent.  
Cometarum regulati motus secun-  
dum

*dum aliquos habentur ab Intelligentijs.* 188

*Quam nam viam, iter confecerit Cometa à nobis de nouo visus, & quem ille motum habuerit; vide paginam.* 188. 189.

*Cur ille modò motu rapidissimo semouerit; modò lento, & fuerit in fine, vt initio Stationarius; vide pag.* 191. & sequentes.

*Cometarum altitudo inuestigari potest diuersis modis; quos habes in pag. 200. 201. 202. 203. 204. 205. 206. 207. 208. 209. 210. 211. 212. 213. 214. 215. & sequent.*

*Vt indagetur; an aliquis Cometa habeat Parallaxim, & quam, obseruari debet in locis maximè longinquis, & à se ita dissitis; ut polarum altitudines inter se valde differant; vcl in eodem loco, etsi non tam tutò, in duobus Cœli locis inter se notabiliter distantes.* 212. 213. 214. 215. 216. & pag. 217

*Cometarum altitudo, & horum distantia à terra quo pacto inuesti-*

getur; vide pag. 219, & seq.

Quam non Altitudinem habuerit  
Cometa à nobis visus; vide pagi-  
nam. 225

Quo tempore durare solent; vide  
pag. 232, 233, & sequentes.

Quo tempore observari cœpit, &  
per quantum duravit Cometa à  
nobis de novo visus; vide pag. 235

Cur, antequam ex oculis omninò  
elaberetur, hic non cernebatur  
puro oculo; sed tantum Eleſco-  
pio. 235

Cometæ secundum aliquos non cau-  
sant, nec præsignant mortes  
Principum; non pestes, bella,  
&c. 238, 239, 240, & sequent.

Secundum alios causant, & præsi-  
gnant effectus numeratos. 248.

249. 250. 251. 252. 253. 254.

& pag. 263

Cometæ alij malefici; alij benefi-  
ci. 259

Colores, quibus sunt suffusi, indi-  
cantes eorum naturam. 259

Cometæ, qui sunt consimiles Pla-  
netis in colore; sunt his etiam

*in natura similes.* 260

*Malefici, & maligni causant, &  
& præsignant effectus supra enu-  
meratos præsertim in Regioni-  
bus, quæ sunt sub ijs Constella-  
tionibus, per quas conuertun-  
tur?* 262

*Præsignare mortem huius, aut il-  
lius Principis ex mera ætuitate  
Cometarum, est mera diuina-  
tio.* 262. 263

*Cometa cur dicantur causare Ter-  
remotus; vide pag. 265. & 266*

*Cur dicantur causare siccitates,  
morbos, pestem, mortem potissi-  
mum nobilium, & magnatum;  
vide pag.* 265

*Cur dicantur causare turbationes,  
bella, clades, dominiorum muta-  
tiones; vide pag.* 266

*Sequuntur hi, quos modo numera-  
uimus effectus; quia rapi sinunt  
ab influxibus Astrorum homi-  
nes.* 267

*In ijs tantum se non diuinare aie-  
bat Ioannes Baptista Porta re-  
spiciendo naturæ propensiones in*

fronte in vultu ab Astris scriptus, in quibus praeualebat natura legibus lex Dei. 267

**Cometae tam Elementares, quàm Coelestes, qui non sunt conflati pravis exhalationibus, nec causant, nec praesignant effectus numeratos; causant autem, & hos praesignant conflati pravis. 267. & seq.**

**Cometae non Elementares; si hos censes esse Stellas Errantes, alij sunt maligni, alij non. Malignè illi influunt, causando effectus supradictos; hi non malignè influunt, nec effectus supra numeratos causant. 268**

**Qui malignè influunt, malignè magis influunt illis mundi partibus, quae stant sub ijs Constellationibus, per quas illi conuertuntur. 269**

**Cometa de nouo à nobis visus; quia erat pallore tetro, & submerso suffusus, & eius lux pallescens tendebat ad Saturni, & Lunae lucem, infausta praesignauit. 270.**

**& pag. 272**

**Præ-**

*Prænuntiavit autem hæc quamplurimis Turcarum Regionibus ; quia oriri cæpit, & gyravit in Constellationibus, quæ sunt illis verticales. ibidem*

*Cometa, qui Saturno sunt consimiles, vel Luna, quid causent, & præfagiant ; vide pag. 271*

*Si in Libra apparent quid? Vide ibidem.*

*Cometæ de nouo à nobis visus ; qui apparuit in Libra, ijs locis præsertim iuxta Ptolomæi principia infausta præfagiuit, quibus fuerunt verticales Constellationes, per quas se conuertit, & quæ sua cauda velut digito monstrabat, ad ruinas designabat. 273. & sequent.*

*Sua cauda velut digito monstrauit Asiam, Africam, & in hac præcipuè Aegyptum ; sua cauda ad ruinas designauit Bosnam, Ragusam, Cretam, Burgundiam, Flandriam, Ollandam, Zelandiam, Angliam, & Poloniam. 273*

*Quod*



**Q**uod predictum, quod iam praesagitum fuit euenit. Enumerantur, quae in numeratis locis euenire, & ut comprobauere euentus praedictiones. 276. 277. 278. 279. 280. 281. 282. & 283.

## D

**D**laphanum purum, & perfectum quid sit; quid imperfectum; vide pag. 128. & 129

## E

**A**B Eclypsis colligi, deduci potest Planetarum, & Cometarum altitudo. 211. & 227

## F

**F**luxus, & refluxus maris à quo prouenit; vide pag. 154. & seq. Quod sit Punctum Debile, & Forte Fluxus, & Refluxus? Vide paginam. 161, & sequentes. Fixae non accipiunt lumen à Sole; sed



*sed habent proprium. 76, & seq.  
Cur hæ videntur scintillare? Vi-  
de pag. 78, 79, & 80*

*Figure Cometarum diuersissima à  
quo nam proueniunt? Vide pa-  
ginam. 107, & sequent.*

*Fortuna maior, & Fortuna minor  
quæ? Vide pag. 255*

## G

**G** Eminorū Constellationi osten-  
dit Cometa de nouo à nobis  
vſus ſemper inclinationem  
quandam ſympaticam, verten-  
do ad illam inceſſanter Cau-  
dam. 169. 170. 171. & 172

## H

**H** Omnes; quia non obſiſtunt  
propenſionibus, quas com-  
municant influxus ſyderum,  
euentu prædictiones compro-  
bant. 269, & 267

## I

**I**gnis Sphæra mouetur motu rapius. 60

Influxus Lunæ commixti cum exhalationibus causant secundum aliquos marinos æstus periodicos, regulatos maris fluxus, & refluxus. 164, & sequent.

Iuppiter est nobis salutaris, & appellatur Fortuna maior. 255

Infortunium maius, & Infortunium minus quod nam sit; vide paginam. 255, & 257

Iuppiter est temperatè calidus, & humidus. 257

## L

**L**una refrigerat; quia ex natura sua est humida. 256

## M

**M**ateria Cometarum Sublunarium quæ; Vide pag. 50.  
Quæ

*Quæ nam verò sit materia Cœlestium ; vide pag. 51. 52. & 53*

*Quæ materia fuit Cometæ ultimi, qui à nobis visus fuit ; vide paginam . 53*

*Maculæ Solares quid nam sint ? Vide pag. 64. 65. 66. 67. 68. & 69*

*Mars cur apparet flammeus, & igniuomus ; vide pag. 137*

*Motus regulatus marini æstus, fluxus, & refluxus à quo provenit ; vide pag. 154, & sequentes.*

*Mixta non debent participare quodcumque habent causæ, quæ concurrunt ad ponendum mixtum ; vide pag. 180, & 181*

*Quin Mixtorum ratio postulat ; ut non participant à suis causis quodcumque continent in se causæ virtuales . 183*

*Mars est malignus, & vocatur Infortunium minus . 255*

*Est immoderatè calidus . 257*

*Mercurius est versatilis naturæ, & anceps . 258*

## N

**N** Igredo ; aut nigror quid nam sit ; vide pag. 129, & 130

## O

**O** Pacum perfectum , & imperfectum quid sit ; vide paginam . 128

## P

**P** Erspicuum purum , seu transparent perfectum quid sit ; vide paginam . 127

**P**unctum Debile, & Forte Fluxus, & Refluxus quod nam sint ; vide pag. 161, & sequentes .

**Q**uilibet Planeta excepto Sole suum habet Epyciclum , cum quo voluitur per Deferentem suum. 194

**D**um Epyciclus vertitur , & per Epyciclum Planeta , deferitur motu Deferentis, tam Epyciclus, quam Planeta , qui per Epyciclum

clum quod in hoc ordine est  
 quodam, qui inclinatur ab Arcti-  
 ce.

ibidem 194

Ut calculetur motus Planeta, quo  
 per Epicyclum suum mouetur,  
 assignantur duæ Stationes in la-  
 tere Epicycli dextero, & fini-  
 stro.

ibidem

Parallaxis quid nam sit; vide pagi-  
 nam.

200, & sequent.

Planeta; dum sunt in linea verti-  
 cali, nullam patiuntur Paralla-  
 xim, & cur; vide pag.

207.

Dum verò sunt in Horizonte sensi-  
 bili tunc Parallaxim magnam  
 exhibent, & cur; vide eandem  
 paginam.

207

Ut eorum Parallaxes cognoscan-  
 tur, necesse est; ut sciatur locus  
 verus Astri in Cælo, & in quo  
 sit Ecliptica gradu ibidem.

207  
 & pag. 208.

Quæ sit maior Parallaxis, & quæ  
 minor; qui Planetae patiuntur  
 maiorem Parallaxim, & qui  
 nam minorem. 209. 210. 211.  
 & in antecedentibus paginis.

Pa-

*Parallaxes Planetarum, & Cometa-  
rum, in paginis sequenti. &  
inueniri possunt; vide 204. 205.  
206. & sequent.*

*Planetae Spuriij qui nam sint, &  
qui nam malefici, qui non male-  
fici. 258. 259. & sequent.*

*Planetarum naturam indicant co-  
lores. 259*

## R

**R**egio media, & infima  
non motu raptus rapi-  
tur. 55

*Suprema verò Regio aëris mouetur  
ab Oriente in Occidentem motu  
raptus. 60*

*In hac generantur Cometae Sublu-  
nares. 59. & 60*

## S

**N**on potest dici; quod sit aggre-  
gatum Stellarum Come-  
ta. 34. 35. 36. 37. 38. 39. & 40  
*Solis maculae quid sint; vide pagi-  
nam.*

300  
1. 67. 68. 69. 70.  
grandis  
desiderant. die 28. re-  
deunt periodicè. & in eadem  
parte Solis iterum post dies 27.  
videntur. 67

Non potest dici; quid Solis maculae  
sint nubes; seu crassa nebula. 66

Sua habet Sol emissoria; ut Vulcanus  
Aetna, & Vesuvius. 67

Se vertit Sol in se ipso in spatio 27.  
dierum. 68

Sol caldos, & siccos halitus eructat,  
evaporationes aestuosas; vide pa-  
ginam. 65, & sequent.

Stellae quoque Fixae, & Planetariae  
has eructant ex emissorijs suis.  
vide pag. 63. 73. 74. 75

Stellae Fixae non accipiunt lumen à  
Sole; sed habent proprium. 76.  
& pag. 77. 78. 79. 80. & 81.

Saturnus cur apparet plumbeus; vi-  
de pag. 137

Stellae Planetariae, & Fixae non  
habent motum diurnum ab  
Oriente in Occidentem à Primo  
Mobili; sed à suo principio in-  
trin.

differentia sui specificam, & a ratione ultima constituyente illas ultimò . 32. 33. & 177

**Motus**, quo moventur ab Occidente in Orientem, non est nisi tanta, aut tanta; maior, vel minor velocitas . 178

**Saturnus** est maleficus, & appellatur Infortunium maius . 255

**Sol** ex natura sua est moderatè calidus, & parum siccus . 256

**Saturnus** est frigidus, & siccus; vide pag. 256

**Stellæ**, quæ sunt in colore consimiles Planetis; sunt bis etiam in natura similes . 260

## T

**T**erra quot vicibus continebatur à Cometa, qui à nobis visus de nouo est, vel ab ea continebatur iuxta hypoteses diuersas, habes in Tabulis, quæ sunt in



in . . . . . sequenti.  
 . . . . . 91. 92. 93.  
 94. 95. 96. 97. & sequente.

millia continet secundum Ptolemaeum, vel recentiores; vide paginam.

223

## V

**V**enti non sunt merae exhalationes; sed exhalationes rarefactae mixtae cum influxibus caelestibus.

152

Venus est benefica. & vocatur Fortuna minor.

255

Est haec quidem calida; sed magis humida.

258











